



Historia und Geschicht des ehrwürdigen unsers in Gott lieben Vaters, Herrn Doctoris Martini Lutheri, seliger gedechtnus wie er durch Gottes Geist getrieben und sich anfenglich aus sonderlichen schickung des Allmechtigen zwischen im und dem Bapst der Streit erhoben, domit das selige Liecht des heiligen Evangelij in disen letzten zeiten wider an tag gegeben und wie es bis auff diese Stund nach vielen und mancherley eingeschlichenen Corruptelen heimlichen und offentlichen Verfelschungen wunderbarer weis erhalten und itzt in die neu auffgerichte Formulam Concordiae rein und unverfelscht ist gebracht worden

<https://hdl.handle.net/1874/388402>



**Dit boek hoort bij de Collectie Van Buchell
Huybert van Buchell (1513-1599)**

Meer informatie over de collectie is beschikbaar op:

<http://repertorium.library.uu.nl/node/2732>

Wegens onderzoek aan deze collectie is bij deze boeken ook de volledige buitenkant gescand. De hierna volgende scans zijn in volgorde waarop ze getoond worden:

- de rug van het boek
 - de kopsnede
 - de frontsnede
 - de staartsnede
 - het achterplat

**This book is part of the Van Buchell Collection
Huybert van Buchell (1513-1599)**

More information on this collection is available at:

<http://repertorium.library.uu.nl/node/2732>

Due to research concerning this collection the outside of these books has been scanned in full. The following scans are, in order of appearance:


- the spine
- the head edge
- the fore edge
- the bottom edge
- the back board

S. qu.
366





Handwritten text in a medieval script, possibly Latin or Gothic, located at the top of the page. The text is partially obscured by red ink blotches and is difficult to decipher. It appears to be a title or a heading, possibly starting with "In nomine domini" or similar religious text.






S. qu.
366







N. 98. a.

~~N. 107. B~~

Des Ehrwürdigen vn-

fers in Gott lieben Vaters / Herrn
Doctoris Martini Lutheri, seliger gedechtnus / wie
er durch Gottes Geist getrieben / vnd sich anfanglich aus son-
derlicher schickung des Allmechtigen zwischen jm vnd dem Papsst der
Streit erhoben / damit das selige Liecht des heiligen Euangelij in diesen
lehten zeiten wider an tag gegeben / Vnd wie es bis auff diese stund / nach
vielen vnd mancherley eingeschlichenen Corruptelen / heimlichen vnd
offentlichen Verfeschungen / wunderbarer weis erhalten / vnd
jetzt in die new auffgerichte Formulam Concordiæ rein
vnd vnuerfeschet ist gebracht worden.

Aus seinen eigenen Schrifften vnd andern Historien

vmb gemeiner Leut besserer nachrichtung willen / zu Trost
Warnung vnd Vermanung mit vleis zusamen
gezogen / vnd in druck gegeben /

durch

M. Paulum Seidelium

VVerdensem.

Wittenberg /

Gedruckt durch Hans Krafftis Erben.

Im Jar 1582.



*Ex donatione Hub.
A. Diesel.*

Ad M. Paulum Seidelium.

Egerat hunc pietas Musa comitante libellum:
Vtraq; gaudebat vatis honore sui,
Quem tu Paule canis meritis & laudibus effers,
Quo non maius habet Teutonici ora decus.
Vana superstitio depulsa hoc vindice fugit,
Et redijt mundo caelitus orta fides.
Non satis ergo potest hoc rerum turbine dici,
Quo simplex verum fraus leuitasq; premunt:
Nam dedit in lucem quod non sine numine vates,
Immersum tenebris rursus Echidna cupit.
Sive Chimæra tamen Latij, seu frendeat orcus,
Pars melior vatem tollit honore suum.
Hæc bona dum celebras merito celebraris ab illis,
Qui veræ curam Paule salutis agunt.

AD EVNDEM.

Fallor an? exponis quia Magni gesta LUTHERI
Non vis ambiguam Paule probare fidem.

M. Martinus Rede-
rus, H.

[Faint handwritten notes and signatures at the bottom of the page, including a large flourish and the name "Rederus".]

Allen vnd jeden Fromen Christen/Leib=
habern Göttliches Worts/der vnuer=
felschen / reinen Lutherischen Lere /vnd
Augsburgischen Confession
zugehanen.

Gottes Gnad vnd segen durch Christum vn=
sern Heiland zuorn.



Der Geist Christi vnsers HERRN
spricht durch den heiligen Apostel Paulum
in der 2. Epistel an die Thessalonicher am
2. Capitel : Der Jüngste tag kompt nichte
ehe/ es sey denn das zuor der abfall gesche=
he / vnd offenbaret werde der Mensch der
Sünden / vnd das Kind des Verderbens/
der do ist ein Widerwertiger /vnd sich vberhebet vber alles / das
Gott vnd Gottesdienst heist / also das er sich setzet in den Tem=
pel als ein Gott / vnd gibt sich dafür aus er sey Gott. Vnd als
denn wird der boshafftige offenbaree werden/welchen der HERR
vmbbringen wird durch den Geist seines Mundes.

In welchen worten des Apostels drey stück / so zuor ge=
schehen sollen / ehe denn der Jüngste tag vnd die letzte zukunfft
des HERRN komet/ angezeigt werden.

Erstlich sol zuor der Mensch der Sünden / vnd das
Kind des verderbens komen vnd regieren/ welchs ist der Anti=
christ des Pappst vnd sein hauff.

Zum andern / Sol er in der Christenheit einen abfal ma=
chen/ sich vber Gott setzen/vnd sich selbst zu einem Gott machen/
grosse

Vorrede.

grosse gewalt in der Kirchen vben / vom rechten glauben auff Menschen Lere treten / den waren Gottesdienst endern / ond seine gebot vber Gottes gebot erheben vnd halten.

Zum dritten / sol dieser Mensch der Sünden / endlich offenbar / vnd sein reich / macht / vnd gewalt / durch Gottes Geist vnd Wort geschwecht vnd gestürzt werden.

Diese drey stück sind nu ferner auff's kürzste ordentlich nach einander / Ob / vnd wie sie geschehen sein / zubetrachten.

I. Was das erste belanget / ob der Mensch der Sünden vnd das Kind des Verderbens / das ist / der Pappst vnd Antichrist komen sey / darff nicht grosser weitläufftigkeit oder beweiſes / die erfahrung bringets selbst.

Nats auch vnser Herr vnd Vater Doctor Luther (seliger gedechtnis) in seinem ganzen leben all zu sehr erfahren / vñ in gnugsam lernen kennen / vns auch dessen gnugsamen / klaren vñ gewissen bericht / in seinen Schrifften hinder lassen / wie bald in seiner Historia gehört werden sol. So erfarens auch noch heutigs tags alle frome Christen vnd getrewe Lerer vnd Prediger / die wider in streiten vnd kempffen müssen / das es leider all zu war ist.

II. Das ander / Wer vnd was er sey / was er thun vnd führen nemen werde / ist fast auch niemand vnbeuust / vnd wissen sich dessen die alten wol zu berichten / die noch vnter dem Pappstumb für 50 Jaren oder lenger gelebt haben / vnd die noch isziger zeit darunter sein. Er hat freilich einen abfall in der Christenheit gemacht / von Gottes gebot auff Menschen Lere gefallen vnd geuweiſet / sich vnd seine Sakung vber Gott vnd Gottes gebot erhoben / die rechte ware Religion / Gottesdienst vnd Kirchen Regiment umbackeret / grewliche Abgötterey / Irthumb vnd verführung eingefüret vnd angericht.

Dem in seinen Büchern findet vnd lieset man grewliche Lestörung

Vorrede.

Leſerung wider den waren Son Gottes Jeſum Chriſtum/ſein ſeligmachendes wort/vnd heiligs Euangelium.

Man hat von vnſerm Herrn Chriſto/von ſeiner Perſon/Ampt/Verdieneſt vnd wolthaten nichts reines noch hulffames gewuſt noch gelernt/viel weniger / arme betrübte / angefochtene gewiſſen damit getröſtet.

Niemand hat recht gewuſt/wie vnd wo durch er vergebung der Sünden/cwiges Leben vnd ſeligkeit erlangen ſolte.

Den HERRN Chriſtum macht man ſo einen geſtrengen/ſcharffen vnd vnbarmerhizigen Richter/der da nicht künde verſünnet werden/noch vergebung der Sünden mittelen / es were denn/das die Mutter Gottes ſrem Son einen ſuſſſaltheit/end für die Menſchen bete.

Darumb rufften ſie auch die Jungfraw Mariam an / vnd ſagten ſie an Chriſti ſres lieben Sons ſtat / als eine Mittlerin vnd Gnaden thron.

Ein jeder ſuchet vnd erwelet jm einen eigenen vnd ſonders lichen weg/dadurch er wolte ſelig werden.

Etliche rufften die verſtorbenen Heiligen an / vnd machten nach Heidniſcher weis Götter aus jnen/die ſolten ſie aus aller lieblicher not reiten vnd helffen / verließen ſich auch mehr auff ſie/denn auff Chriſtum ſelbſt.

Etliche wurden auff Wallarten zu den Heiligen gewiſſt/bey jnen vergebung der Sünden zu holen / Auff Ablos/geſtrenges Leben/Faſten/Gute werck. Ja ſie kauften von den Mönchen vnd Nonnen vmb Gelt/die vbrige gute Werck/die ſie von wegen ſrer groſſen Heiligkeit nicht bedürfften/hiermit den Himmel zuerkauffen vermeinnende.

Das rechte Chriſtliche gebet/welchs allein der Chriſten höchſter vnd gröſter troſt / wehr vnd waffen iſt / wider alle not

Vorrede.

vnd anligen/war gang vnd gar verkeret/vnd wol gar auffen gelassen/an welches stat die Leute das *Aue Maria*/vnd anders /so wider Gottes heiligen namen vnd seine Ehre war /beteten / die Mönche vnd Nonnen hielten ihre *Horas* *Canonicas* / lasen den Lateinischen Psalter / vnd andere Colleeten daher /on allen verstand vnd andacht. Niemand wuste recht/was die Bibel/heilige Schrifft/Euangelii Catechismus/Tauffe Abendmal/etc. war.

Die heiligen hochwürdigen Sacrament hat man gewulich verumhret /verkümmelt vnd gelestert. Keinen glaubens Artickel hat man recht gehabt noch gehalten. Es sasz der Mensch der Sünden/vnd das Kind des Verderbens oder der Teuffel selbst/recht vnd in Tempel Gottes/vnd erhüb sich vber Gott/vnd alles was Gott war.

Des gleichen in weltlichen Regiment/bezwang vnd drang der Papsst alle Menschen vnter sein Joch vnd gewalt/also das auch die Keyser in die Füße küssen / vnd sich von im krönen lassen müssen. Es durfften sich grosse Könige/Fürsten vnd Herrn wider in als den allerheiligsten Vater vnd irdischen Gott nicht legen noch setzen. Er rühmete sich ein Stadthalter Christi auff Erden/ein Haupt der Kirchen/vñ ein natürlicher Erb zum Keyserthumb. Man mußte für in als einen irdischen Gott die Knie biegen. Vnd gaben seine Mönch vnd Pfaffen für/er were nicht ein pur lauter Mensch/sondern etwas mehr denn ein Mensch / vnd ein irdischer Gott.

Ja es gab der Papsst für/er were so heilig vnd vnstrefflich/das /wenn er gleich viel vnzehlich Seelen in abgrund der Hellen fährt /heet in doch niemand einzureden noch darumb zu straffen/Vnd heit niemand macht in drum zu fragen/warumb ers thue/dieweil er ganz vnd gar nicht irren köndte. Item /er sey nicht schuldig den geboten Gottes vnterthenig zu sein / noch
densel

Vorrede.

denselben gehorsamen. Er hab seine krafft vnd wirde nicht von der heiligen Schrift / sondern die heilige Schrift von ime. Vnd habe allein gewalt die heilige Schrift seines gefallen zu deuten.

Es sey im mit S. Petri Schlüssel Matth. 16. Cap. alle gewalt vber das Himlische vnd Weltliche Reich vnd herrschafft gegeben. Darumb er seines gefallen Keiser vnd Könige an vnd absetzen / vnd wol mit füßen vber sie lauffen möchte. Wie man liest vom Papsst Alexandro / welcher den Keyser Fridericum / der im doch einen susal that / zu Benedig mit Füßen trat / vnd lies ausruffen : *Super Aspidem & Basiliscum ambulabis, &c.* Der Papsst Hildebrand sendet Rudolpho / den er zum Reises erwelet hatte / eine Kron / darauff dieser Vers geschrieben war :

Petra dedit Petro, Petrus Diadema Rudolpho. Das ist: Christus hat das Keyserthumb dem Papsst geben. Der Papsst aber gibts dem Fürsten. Also liest man auch vom Keyser ALBERTO / der von den Churfürsten zu einem Keyser war erwelet worden. Do er nu vom Papsst Bonifacio, dieses namens dem achten / die gewöhnliche Renunciation / vnd Confirmation seines Keyserthumbs begerete / schlugs im der Papsst aus Hoffart vnd vbermut ab / gab troziglich für. Solche Election on sein wissen vnd willen / hab keine krafft. Gürtet derwegen vmb sich ein Schwert / sagt eine kron auff sein Haupt / vnd sagte: *Ecce duo gladij hic.* Nie stehet beides der Papsst vnd Keyser zu gleich.

In Summa der Papsst sey der irdische Gott vber alle Himlische / Geistliche vnd zeitliche ding / dem niemand sagen / fragen / oder etwas einreden dürffte. Vnd sein Stuel zu Rom sey so heilig / das / wenn gleich ein böser Dub zum Papsst
erwes

Vorrede.

erwelet würde / so wer er doch heilig / als bald er nur auff den
Stuel zu sitzen keme.

Aus diesen vnd andern vielfeltigen vngereimten dingen
vnd grewlichen Gotteslesterungen / kan ein jeder Christ leicht-
lich abnemen/wer/vnd was der Papsst/vnd sein Reich sey/Vnd
sehen/in was abgötterey/blindheit/vnd schwerer Babilonischer
gefengnis wir im Papsstum gefessen sein. Daraus dann vieler
hundert tausent Seelen verdammnis erfolgt. Vnd wo vns Gott
nicht aus sonder gnad vnd erbarmung / durch seinen thewren
vnd Werden werckzeug Herrn D. Martinum Lutherum/erlöset
vnd geholffen hette / sessen wir noch gleichsfals wie sie im fin-
sternus vnd schatten des Todes/vnd müsten zu gleich mit jnen in
abgrund der hellen vñfewrigen pful ewig geworffen werden. Bey
diesem andern stück kan man gnugsam verstehē/was des Papssts
leben/anschlege/vnd farnemen in der Römischen Kirchen ge-
wesen sey/vnd noch zum theil ist.

III. Ist derwegen hinderstellig vom dritten stück zusagen /
wie vnd wo durch dieser Mensch der Sünden offenbaret / vnd
sein Reich vnd gewalt zerstöret sey worden.

Solchs hat der Allmechtige Barmhertzige Gott gethan/
durch den Geist seines mundes / oder durch den heiligen Geist /
welchen er gelegt hat in den Mund seiner getrewen Diener/Erer
vnd Prediger/denen er sein heiligs Wort geoffenbaret/durch sie
gewircket / geist vnd krafft geben. Wie Paulus 2. Corinth: 5.
Cap. saget. Denn des Papssts kron vnd gewalt solte nicht durch
Menschliche kreffte / Sondern durch den Mund des Geistes
Gutes/vñ mit der heiligen Schrifft angegriffen vnd gestürzet
werden / welches auch der Ausgang vnd die erfahrung bezeugen.

Vnd ist solche s geschehen / nehest Gott/ allein durch den
Man Gottes Herrn D. Martinum Lutherum / welchen Gott

Vorrede.

zu diesen letzten zeiten erwecket hat / das er mit seinem Predig-
ampft den Pappst vnd sein Reich angreiffen / dasselbe schwächen
vnd stürzen solte / vnd aus seinem gefengnis vnd banden erlö-
sen / das helle Liecht des heiligen Euangelij wider anzünden /
vns leren Gott nach seinem wesen vnd willen rechte erkennen /
vnd wie wir ewig sollen selig werden. Denn vor Lutheri zeis-
ten im Pappstumb / wie vorgesagt / hat niemand gewußt / auch
die besten vnd heiligsten Mönch selbst nicht / wie man der Sün-
den solt los werden / im Himmel komen vnd selig werden / Aber
von im vnd aus seinen Schriffthen lernen wir numals / Gott lob /
dieses alles / vnd das nicht mehr denn nur ein einiger Weg vnd
Mittel sey / gnad vnd seligkeit zu erlangen / Nemlich der Glaub
an Jesum Christum / durch welchen wir allein die ewige Selig-
keit erlangen etc.

Diese wolthaten hat vns Gott gnedig durch diesen Man
erzeiget / wie hernach in seiner Historia weitläufftiger sol erkand
werden / der den Antichrist geoffenbaret / vnd in sampt seinem
Reich / macht vnd gewalt mit Gottes Geist / Wort vnd Krafft /
Nütertlich überwunden / gestürzet vnd des meisten theils vortil-
get hat.

Sehen also das die Propheceyung des heiligen Apostels
Pauli schon erfüllet / vnd das alles in allen dreyen stücken war-
hafftig ergangen sey. Derwegen wir vns numals nichts anders
vnd gewissers / denn des letzten Tags vnd Zukunfft Christi alle
stund vnd augenblick zuuersehen vnd zugewarten haben / Wie
nicht allein diese / Sondern alle andere Propheceyung vnd
Weissagung eintreffen vnd oberein stimmen / dauon viel kündte
gesaget werden / mag aber alhie auff dis mal nicht vorgenommen
werden.

Wir solten nu billich für solche hohe vnd grosse wolthaten
Gottes

Vorrede.

Gottes für die offenbarung vnd erkenntnis seines Wortes vñ Eu-
 angelij / vnd das wir von solchem greuel vnd Abgötterey des
 Pappsthumbs erlöset sind / Gott von herzen dankbar sein / es er-
 kennen / vnd in von Grund vnser herzen bitten / das er vns dar-
 bey erhalten / vnd es also rein / lauter vnd vnuerselcht auff vns
 ser Nachkommen bis an Jüngsten tag wolte komen lassen. Des-
 gleichen auch den theuren vñ Werden Rüstzeug Gottes / Herrn
 Lutherum / rühmen / ehren vnd seine Schrifften hoch vnd thewr
 achten / bey denselben bleiben vnd inen glauben geben / Diu weil
 sie in dem Wort Gottes gegründet / vnd dieselbe Gott durch
 in wunderbarer weis geoffenbaret / erstritten vnd erhalten / Auch
 sider Christi vnd der Apostel zeiten das Licht des heiligen Eu-
 angelij nicht heller geschienen / als wie er vns dasselbe bracht
 hat. Vnd solten auch von seiner Lere darumb nicht abfallen
 noch weichen / sintemal sider der Apostel zeiten in der Christlich-
 en Kirchen kein Lerer gelebt / der dem Herrn Luthero / was mut-
 geist / Success / beständigkeit / gebet vnd krafft anlangt / zuuorglei-
 chen were / vnd der vns allein durch seine Lere zu dem HERN
 Christo vnd Wort Gottes fürete. Aber was geschicht? Ehe kaum
 Lutherus das Haupt gelegt / vnd noch wolben seinem leben / regte
 sich der Teuffel / erweckte allenthalben Kotten vnd Schwärmer /
 die seine Lere anfeindeten / vnd anfochten / Sonderlich die Zwing-
 lianer vnd Caluinisten / vnd dergleichen Geister / die sich allent-
 halben einschleiffeten / trieben ire Opinion vnd Sophisterey
 Meuchelisch / vnd arbeiteten still vnd verdeckt dahin / das sie sein
 allgemachsam die geist vnd trostreiche Schrifften Lutheri wol-
 ten verdecktig machen / dieselben werselchen / vnd aus der lie-
 ben Oberkeit vnd ander Leut hende reissen / beyseits setzen / vnter-
 drücken / vnd dagegen ire giffte einschleiben / Wie ire lesterliche
 lere vnd reden von der Person des HERN Christi / Vnd seiner
 Menschē

Vorrede.

Menschlichen Natur / vom Nachmal des HERRN vnd seiner Allmacht etc. gnugsam ausgeweissen / Vnd hat der Herr Lutherus solchs selbst gellaget in der Vorrede vber die Artikel so Anno 37. zu Mantua hatten sollen vberantwortet werden / mit diesen Worten: Was sol ich sagen? Wie sol ich klagen? Ich bin noch im leben / predige vnd lese teglich / noch finden sich solche giftige Leute / nicht allein vnter den Widersachern / Sondern noch vnter den falschen Brüdern / die vnsers teils sein wollen / die sich vnterstehen / meine Schrifften vnd Lere stracks zuwider zuführen / lassen mich zusehen vnd zuhören / ob sie wol wissen das ich anders lere / vnd wollen ire gift mit meiner arbeit schmücken / vñ die armen Leute vnter meinem namen verführen. Was wil doch inermehr nach meinem Tode werden?

Freilich hat es der Mann Gottes zuvor gesehen vnd gewußt / hats auch der *Euent* bezeuget / also das kein wunder were geweest / das vnser lieber H E R R vnd Gott / wegen solches grenlichen vnd grossen vndancks / beydes gegen jm selbst / seinem heiligen Wort / vnd diesem thewren Mann / gröblich gestrafft / sein Wort vnd Euangelium wider von vns genommen / vnd vns in die vorige Finsternis hett fallen lassen / das wir alle miteinander solcher vndanckbarer Leute vnd Schüler hett entgelten müssen.

Aber der Son Gottes hat solche schmach vnd vnehr / die jm angelegt wurd / nicht rechnen wollen / Sondern vns mit den augen seiner barmhertzigkeit angesehen / dis heimlich vordackte vnd vnchristlich vornemen / wunderbarlich nach seiner Allmacht vnd Weisheit / entdecket vnd offenbaret / seine Feinde gestürzt vnd zu nicht gemacht / Gottselige frome Oberkeit neben getrewen Hirten vnd Hüttern seines Worts erwecket / die solchen

Vorrede.

eingeschlichenen Breuel vnd verwüstung des Tempels wereten vnd auffhüben / Die rechte Lutherische Lere repurgireten / vnd die klare warheit wider an tag brachten. Hat auch in dieser Lande Kirchen vnd Schulen einen einhelligen *Consens* vnd *Concordien* / nach dem reinen vnfeilbaren vnd vnwandelbaren wort Gottes / den Prophetischen vnd Apostolischen Schrifften / altes vnd neues Testaments / den dreien bewerten *Symbolis* / der ersten / alten / reinen / vnuerenderten Augspurgischen Confession vnd der *Apologie* / der Schmalckaldischen Artickeln / vnd den kleinen vnd grossen Catechismus Lutheri angerichtet / welchs gleich als ein Summarischer begriff / Regel vnd Richtschnur sein sol / nach welcher alle Lehr geurtheilet / vnd die eingefallene Irrthume Christlich entscheiden vnd erlernet werden sollen. Dabey wir / ob Gott wil / forthin bestendig durch Gottes hülff verharren / vnd Gott von Herzen dafür dancken sollen / vnd wollen.

Es mocht sich aber allhier jemand lassen klug düncken vnd sagen: Lutheri Historia vnd das ganze Papstthumb / sind zu vor weitleufftig genug beschrieben / du wirst es kaum besser machen. Darumb hettestu solche arbeit wol mügen nachlassen?

Dem geb ich zur antwort: Ob es wol nicht one/das man solches alles hin vnd wider nach nordurfft beides in des Herrn Lutheri selbsti Schrifften findet / vnd in anderer gelehrter Leute Bücher liest / Jedoch / damit auch ich als der geringste vnd wenigste *Discipel* vnd Schüler des HERRN Christi vnd Lutheri / das meine darzu thete / hab ich mich wegen nachfolgender vrsachen schuldig vnd pflichtig zu diesem schreiben erkennet.

I. Erstlich vnd vornemlich aus schuldiger vnd gebürlicher danck

Vorrede.

danckbarkeit gegen Gott vnd seinem lieben Wort. Denn weit vns der Son Gottes vnser einiger vnd ewiger Erzbischoff vnd Seelen Arzt von des Antichrists grewlichen Reich vnd Lere / von solcher blindheit vnd finsternis aus lauter gnad vnd barmherzigkeit erlöset / vnd das helle Liecht des Euangelij bey vns Deutschen angezündet hat / also das wir wol mit dem 147. Psalm sagen können: *Non fecit taliter omni nationi*, Der H E R R thut keinen Heiden also / noch leßt sie wissen seine Rechte. Das vns also Gott je keine höhere noch grössere wolthat heet geben vnd erzeigen können / denn eben diese / So ist ja billich / vnd sind wir alle vnd jede schuldig (so wir anders nicht wie die vndanckbaren Juden vñ andre dergleichen wollen grewlich gestrafft werden) jm von hertzen dafür zu dancken / vnd mit dem 116. Psalm singen: Wie sol ich dem H Erren vergelten alle seine Wohlthaten / die er mir thut? Denn das ist das aller beste vnd Gott angenehmste vnd wolgefelligste Dpffer vnd Werck / das wir jm dafür thun vnd leisten können / nach dem 51 Psalmy Vnd sollen darneben bitten / das Gott vns allzeit bey diesem höchsten vnd edlesten Schatz der Seelen erhalten wolle.

II. Zum andern / Hab ichs diesem thewren hocherleuchten Mann zu lob vnd ehren gethan / vnd aus sonderlicher lieb gegen ime vnd seinen Schrifften / zu denen ich mich allzeit bekenn / vnd durch Gottes gnad dabey zu bleiben gedencke. Denn Gott hat durch diesen seinen werden Rüstzeug allein vns solche ewige Güter gegeben / Vnd er hat auch die zeit seines Lebens all sein *Datum* vnd ganz *Intent* dahin gerichtet / das wir nur bey Gottes Wort vnd der reinen Lere bleiben möchten / Wer wolte nun einen solchen Mann nicht lieb haben / jm loben / ehren / vñ seiner allzeit im besten gedenccken? weil jederman bekennen

Vorrede.

nen mus/dz seines gleichen/sine die Christenheit nach der Apostel zeit gestanden hat / auff Erden nicht komen sey / der die heilige Schrifft mit solchem ernst erkleret / ausgeleget vnd allen Irthumb falcher Lere vnd Kegerrey durch Gottes Wortso gewaltig widerleget vnd ombgestossen hette / als er / auch noch keiner komen wird / der alle Artikel vnser Christlichen Glaubens / vnd die beiden Sacramenta von vnserm HERN Christo selbst eingesezt vnd zu halten befohlen/so deutlich/herrlich vnd gewis wider den Zwingel vnd allen seinen anhang gewaltig gegründet vnd bewehret hett / als Herr Lutherus / also das auch die Pforten der Hellen mit all iren Schuppen dawider nichts sagen noch auffbringen können. Sonderlich auch diese drey Artikel.

1. Das drey vnterschiedene Personen in einem vngertrenlichen Göttlichen wesen sein.
2. Das Jesus Christus vnser einziger Erlöser vnd Mittler in einer Person zugleich Gott vnd Mensch sey.
3. Die Lere von der *Iustificaton* / oder von der Rechtfertigung / Wie man für Gott gerecht vnd selig werden sol etc. Wer wolte nu / sage ich / elnes solchen Mannes vnd seiner nützen vnd heilsamen Schrifften vergessen / Aber dennoch war es leider dahin komen / das man bisher seinen getrewen vleis / mühe vnd arbeit / dazu auch schier seine Schrifften hette fallen lassen / vnd vnter die Banck stecken wollen / wo nicht Gott gewehret / vnd sie wider herfür zihen lassen / etc.

Derentwegen hab ich im zu ehren vnd löblicher gedechtnis / dieses allhier kürzlich *repetiren* vnd widerholen wollen / weil ein solcher Man nicht gnugsam gerühmet vnd geehret werden kan.

III. Die dritte vrsach ist / auff das ich als ein junger Mann vnd *Theologus* / mich in des Herrn Lutheri seligen Schrifften desto mehr vnd fleissiger vbete / vnd dadurch angereizet würde / öffter dieselb: zu *Euoluiren* / vnd mir die bekanter vnd gewisser zu machen /

Vorrede.

machen / Diweill ein jeder Prediger vnd Diener Göttliche
Worts / der im Ampt ist / oder noch darein zu komen bedacht /
neben der heiligen Bibel die Schriffte Lutheri am allermeisten
lesen vnd lernen sol. Denn ob gleich andere auch schreiben / vnd
hohe treffliche Gaben haben / Jedoch sind sie gegen Luthero wie
Nacht vnd Tag / wie Licht vnd Finsternis etc. Vornemlich die
Caluinisten vnd dergleichen Geister / welche wol viel vber die
Bücher der heiligen Schriffte schreiben vnd glossiren / vnd doch
von der heiligen Schriffte / die vns allein auff Christum weist /
fast wenig halten / vnd derselben in allen nicht glauben geben.
Daru mb Lutheri Bücher mit grossen Gelt vnd Gut nicht zu
bezalen sein / vnd dieselbe ein jeder vleissig lesen kan.

III. Zum vierden: Weil solche Historia sonst weitlaufftig
nach der leng beschrieben ist / vnd der gemeine Mann alles nicht
allzeit bey handen haben / oder nach der leng lesen kan / hab ich
das vornemste vnd nötigste heraus gezogen / vnd es gleich als in
ein klein Handbüchlein kurz zusammen gefasset / auff das Luthes
rus vnd seine Lere auch den Lezen desto angenehmer vnd bekant
würde / auch jederman grösser lust vnd lieb zu dem Wort Got
tes vnd seinen Schriffte haben vnd bekommen möchte: Wel
ches den geschehen wird / wenn man seine Historien weis / vnd
daraus sihet / was mühe / arbeit vnd gefahr es gekostet / vnd wie
er es so wunderbarer weis durch Gottes hülf erstritten vnd
erhalten hat wider den Teuffel vnd alle Welt / die sich darwider
geset / vnd dieselben zuuertunckeln oder verfälschen vnterfan
gen haben.

V. Zum fünfften hab ich solche arbeit auch von wegen
dieser stigen zeit vnd leufften vorgenommen. Denn weil vns
engst aus Gottes verhengnis etliche Sturmwinde wider dieses
Licht

Vorrede.

Lieche entstanden / Aber durch Gottes krafft vnd Geist wider erleget vnd gestillet worden sind / Hab ich solchs allhier erwöhnen/ vnd mit an die vorige Historien setzen vnd hengen wollen / welches fein auff einander gehet / vnd fromen Christen sonderlichen trost gibe. Denn gleich wie zu jener zeit Gottes sein Wort erstlich durch den Herrn Lutherum aus der aller tieffsten Finsternis des Papstumbs wunderbarer weis mit gnaden herfür bracht vnd offenbaret hat/ Also hat er auch ist gleichsals das geoffenbarte Wort wunderbarer weis von mancherley eingeschlichenen vorfalschungen aus dem tunceln wider herfür gezogen vnd gereiniget / welches vns gnugsam im glauben befestigen sol/ das diese Lutherische Lere allein die rechte aus Gottes Wort wolgegründete/warhafftige/ vnd die reinen Brünlein Israelis sein/die Gott allzeit wider aller Feinde anfechtung vnd verselschung rein erhalten wil vnd kan. Derwegen wir billich dabey bleiben/denen glauben geben/vns dauon niemand/wer er auch sey / abwenden lassen / vnd ehe alles darüber wagen vnd zu setzen.

Zum sechsten vnd letzten. Weil die heimlichen vnd öffentlichen *Aduersarij* / widersinnige vnd gencliche Köpff/ auch noch wol vnter denen / die der *FORMVLAE CONCORDIAE* vnterschrieben haben / hin vnd wider allenthalben schreien vnd mit vngrund ausruffen / von der ihigē neuen *Reformation* / vnd sonderlich von dem nütlichen Buch *FORMULA CONCORDIAE* / wie es so ein verfürisch vnd Keherisch Buch sein / vnd die rechte/reine/alte Lere dadurch zum theil auffgehoben / vñ dagegen neue/falsche eingefüre werden solte / Welches sie Christlichen fromen hertzen also schmücken vnd scheinbarlich einreden können / das niemand anders dechte / denn es wer also. Damit nu
dem

Vorrede.

dem gewehret / ein jeder sich dafür hüten könne/ vnd wisse/ was er von diesem *CONCORDIEN* werck halten solle / worauff es gegründet/ vñ zu was ende es auffgerichte sey/ hab ich kurzen vnd einfeltigen berichte in diesem Büchlein dauon gründlich thun wollen/ auff das jederman/ der solche kurze Schrift liest/ sehen vnd erfahren müge/ das sich solches alles viel anders halte / denn die *Clamanten* ausbreiten vnd andere damit beschweren. Denn wenn man dem handel im grund vnd warheit recht nachdencken vnd erforschen wird/ so wird man befinden/ das mit nichten falsche Lere eingefüret / Sondern viel mehr solche newe falsche eingefürete Lere widerumb abgeschaffet / ausgerottet / vñnd die reine / rechte / alte Lutherische Lere/ die man hat wollen schier vnter die Banck stecken vnd verfalschen / dadurch wider herfür gezogen/ gereiniget/ vnd an tag gegeben werden sol / Auch das nach langwirigem gezent vnd spaltung in der Kirchen Gottes entlich eine Christliche beständige einigkeit möchte auffgerichtet vnd erhalten werden. Solchs vnd nichts anders werden frome Christen in so.chem *Concordien* Buch finden / vnd derhalben forhin Christlich darvon reden vnd halten/ vnd sich niemand anders bereden lassen / auch vrsach gewinnen solch Buch desto vleissiger zu lesen/ als den sie es in Warheit also befindē werden.

Bin demnach genklicher zuersicht/ der Christliche Leser werde aus angeigten vrsachen in diesen meinen vleis gefallen lassen/ es in besten vermehren/ vnd erkennen/ das ich damit allein die ehre Gottes vnd aller Menschen wolfart vnd seligkeit suche / Zweifele auch nicht/ wenn man diese kurze erinnerung vleissig lesen wird/ sie werde viel gute nützliche vnterrichte/ trost/warnung vnd vormanung geben/ einen jeden in seinem Glauben vnd Lere gewis machen/ vnd für mancherley Irthumb bewaren.

Hinwider auch las ich mich (wie skund die zeiten sein/ da der

E

Teuffel

Vorrede.

Teuffel vor der Welt ende hefftig wüthet vnd tobet / vnd allenthalben spaltung vnd trennung anzurichten sich befeiffiget) fast bedüncken / es werde diese einfeltige Schrifft / nicht allein vnter den öffentlichen Widersachern (denen sie zu lesen mag färfomen) sondern auch die vnfers teils sein wollen / vnd mit vnterschreibung der *FORMVLAE CONCORDIAE* sich zu vns bekennen / allen nicht gefallen / sondern darinnen etwas zu tadeln nach irer art vnd gewonheit nemen / oder wie man sagt / vrsach vom Zaun brechen / vnd werde ihnen manchmal müssen vber die Zunge springen: Aber ich wil mich hierüber gar nichts bekümmern / noch etwas daran leren / Es widerferet wol in diesen teufften andern hochgelarten vnd färfresslichen Leuten / denen ich im geringsten vnd wenigsten mich nicht vorgeleichen kan noch sol. Denn es leider ist dahin kommen / das ein jeder fromer Christ / *Theologus* vnd Prediger / der dem *HEHN* Christo vnd seinem waren Wort nach anleitung der heiligen Schrifft glauben gibt / sich nicht zu den Sacramentirern vnd Caluinisten halten / vnd ire verfürische Lere annemen vnd vorteidigen helfen wil / mus ein Glacianer (wie sie es nennen) vnd ein grober vnzgelerter Esel sein / der da nichts studieret vnd keinen vorstand hat / weil er mit seiner Weisheit vnd vernunfft Gott vnd sein Wort nicht straffen vnd meistern wil. Hinwider die jenigen / so der Caluinischen Lere vnd dergleichen groben oder subtilen Schwermerey anhengig / vnd dieselbe vortreten helfen / müssen Hochgelarte / vorstendige / weise Leute sein / die den Sachen durch iren hohen verstand vnd vernunfft wissen recht nachzudencken / auszugrübeln / vnd den rechten grund zufinden / vnd die nicht iren noch feilen können. Also das man es im schier für ein lob / rhum vnd ehr helt / wenn man sprichet: Dieser ist auch ein Caluinist / Daraus sol folgen / weil etwan etliche gelehrte Leute vnter diesem

hauffen

Vorrede.

hauften gefunden werden/ das er auch gelert/weis vnd vorstendig sey/vnd wisse dem Handel recht nachzudencken / Welches doch kein *Vniuersale* ist / vnd noch weit feilert / Sie mügen wol zwar gelert/klug vnd weis genug sein/ folget drum nicht/ das sie nicht irren oder feilen können/ Denn Gott lesset solche Klügling vnd Meister in irer gar grossen Klugheit von Menschlicher Weisheit auch gerne zu Narren werden/ Vornemlich in Geistlichen vnd Göttlichen sachen etc. Wir aber/ die wir in diese böse zeit geraten sind / sollen wissen / das vnser sach recht / vnd das vnser Lere in Gottes Wort gegründet ist / do vnser Widersacher das nicht rhümen können/ Vnd sollen sagen: Teglich fechten sie vnser Wort an / teglich lestern sie vns/ teglich widersprechen sie vns / vnd wenden dis vnd jenes für. Wir aber rhümen Gottes Wort/ des H. Erren Wortes rhümen wir vns / das vnser Lere / Religion vnd Glaub darinnen ist gegründet / vnd das dennoch der H. Err dasselbe sein Wort wider ir widersprechen/schelten/lestern/verfolgen/vnd aller gewalt bisher hat / vnd hinforder weiter gewislich erhalten wird.

Darnach/wiewol ich selbs sagen vnd bekennen mus / das es nicht alles so gelert/sörmlich vnd zierlich gemacht vnd gestellet ist/wie es wol billich in solchen Schrifften/die in öffentlichen Druck ausgehen / vnd für gelerte/verstendige Leut komen / geschehen solte: Doch mache ich mir keinen zweifel / das alle / so dis mein *Intent* betrachten / *Candidè iudiciren* vnd richten wollen/mich entschuldiget nemen werden/ Mit betrachtung das ichs nicht vmb spissündiger/scharffsinniger Klügling vnd Meister/ auch nicht vmb Beleweiser / zankgryger Leut / Sondern vmb einfeltiger/fromer friedliebender Christen willen / die Gott in in seinem heiligen Wort glauben geben / sich daran halten / vnd durch krafft des heiligen Geistes in einfalt dabey bleiben/zu

Vorrede.

nuz vnd dienst fürgenomen hab/ Denen vnterwerffe ich es auch/
vnd kan sie zu Nichtern wol dulden/ vnd leiden/ Verhoffende/ sie
werdens also wolgemeinet erkennen vnd annemen. Die an-
dern/ *qui Christo non fidunt, let inter nos disidium volunt, valeant,
et respiscant.*

Das Büchlein hab vntengst ich in öffentlichen druck aus-
gehen lassen / vnd etlichen meinen grosgünstigen Herren vnd
Förderer *dedicirt* vnd zugeschrieben. Weil aber die *Exempla-
ria* / so viez derer dazumal gedruckt/ alle sind abgangen vnd ver-
kauft worden/ auch noch ferner darnach gefragt wird/ Ist für
gut angesehen/ vnd dem *Typographo* auff seine vnkosten es wider-
umb auffzulegen vnd zu drucken/ allen vnd jeden frommen Chris-
sten vnd liebhabern des reinen Worts Gottes zum besten / ver-
gännet worden.

Gott der Allmechtige/ Vater vnsers Herrn vnd Selig-
machers Jesu Christi / geb Gnad vnd helff/ das es viel nutz vnd
frucht schaffe / seine Göttliche chrdomit gefördert/ sein Selig-
machendes Wort/ vnd reine Warheit dadurch ausgebreitet /
vnd von jederman zu bekrefftigung seiner Christlichen Lehr vnd
glaubens/ zu seiner Seelen Heil vnd Seligkeit/ erkant vnd ange-
nommen werden möge / Amen. Datum Wittemberg
den 25. Junij/ Anno Christi 1581.

Paulus Seidelius, bonarum artium
Magister, & S. sanctæ Theol.

Studiolus. *et vobis / vobis*

Des Ehrwürdigen vnfers in Gott lieben
Vaters / Herrn Doctoris MARTINI LV-
THERII, seliger gedechtnus / Historia vnd
geschicht / wie etc.

Als man schrieb nach **JESU**
Christi vnfers Erlösers vnd Selig-
machers geburt / 1517. do **MAXI-**
MILIANVS / dieses namens der
erste / Römische Keiser war / vnd 24
Ihar regieret hatte / schickete **LEO**
der zehende dieses namens / in der ordnung der 157
Papsi / do er 5 Ihar regieret / an alle örte Deudscher
Nation Abblasbrieff aus / durch welche er den Leuten
vmb gelt vorgebung der Sünden vnd das ewige Le-
ben verhiesch vnd zusagete. Darwider / weil es wi-
der **GDt** vnd seine Göttliche Ehr war / leget sich
Herr **LVTHERVS**, der domals im Augustiner
Kloster zu Wittenberg noch ein Mönch / vnd zu
gleich in der hohen Schul daselbs 9 Ihar Professor
Theologia war / vnd warnet dafür / schlug an die
Schloßkirche öffentliche *Propositiones* vnd Artikel /
darinnen er wider solchen Abblasfram aus Got-
tes Wort mit reichem Geist / gründlich / recht vnd
wol nach der lenge disputiret / welcher Streit der
vrsprung vnd anfengliche vrsach war / das es zu die-

ser Reformation kommen/ vnd die reine Lehr des heiligen Euangelij wider an tag ist bracht worden.

Ehe aber ferner meldung geschicht/ was der inhalt der Ablassbrieff / vnd des H^Errn Lutheri angeslagenen *Propositionum* gewesen sey / desgleichen wie es sich folgendts durchaus darmit zugetragen habe / mus man zuuor hie ein wenig still stehen/ vnd in acht nemen / auff was gelegenheit diese Ablassbrieff sind verkaufft vnd umbgetragen worden / auch die zeit vnd umbstende / in welcher sich dis hohe vnd grosse Werck Gottes angefangen/ betrachten.

Die Ablassbrieff wurden auff solche
gelegenheit herumb getragen
vnd verkaufft.

Der Babs zu Rom hat verordnet / vnd war der brauch / das ein jeder Erzbischoff / wenn er zu solchem Ampt eligirt vnd erwelet war / das *Pallium* zu Rom entweder selbs oder durch seinen anwalden holen müste / welchs sonder zweiffel so viel bedeutete als die *Confirmation* / sintemal one das sein Bischofflich Ampt nicht krefftich noch vollkommen gehalten wurd / doch hat es der Babs nur Geldes halben angefangen vnd geordnet. Es wird aber

aber das *Pallium* nach jren Ceremonien also zugerichtet: Am 6 Agnes der Jungfrauen tag / welches der 21 Januarij ist / werden zu Rom in 6 Agnes kirchen / wenn man in der Mess das *Agnus Dei* singet / zwey weisse Lemmer auff das Altar gelegt / vnd darnach den *Subdiaconi* in S. Peters kirchen zugestellt / dieselbe schicken sie auff die weide / vnd wenn es zeit ist / so bescheren sie gemelte Lemmer. Von solcher Woll macht man das *Pallium* / welche *Pallia* 3 finger breit sind / vnd hangen von den achseln herab bis auff die brust vnd lenden / am ende hangen dünne bleyene Stifflein in gleicher breite. Wenn sie nunder massen verfertigt worden / tregt man sie zu Petri vnd Pauli gebeine / vnd nachdem daselbs etliche verordente gebetlein darüber gesprochen / lest man sie vber nacht dabey bleiben. Auff den nachfolgenden tag nemen sie die *Subdiaconi* wider / vnd behalten sie an einem sonderlichen ort / bis das ein Erzbischoff der eines bedarff / oder sein anwald kompt / vnd eines hole. Denn solche Wahr / die weder künstlich noch köstlich ist / müssen sie vom Babst vmb gros gelt kauffen / vnd darff keiner seines vorfaren *Pallium* brauchen / Sondern mus ein jeder dasselbe auff new kauffen / damit der Babst desto mehr gelt bekomme. Also musste der Marggraff ALBER-

*T*V S/wie er zu einem Erzbischoff zu Mentz erwähl-
et ward / solch *Pallium* auff seine vnkosten auch lösen.

Weil aber drey Bischoff zu Mentz kurz nach-
einander mit todt abgangen/vnd ein jeder das *Palli-
um* auff's new hat holen müssen / dem Stifte aber be-
schwerlich war solche vnkosten so oft zuerlegen / (denn
man sagt / das es in die dreissig tausent gülden kostet /
ehe man es bekomme / so theur kan der Babst ein klein
heufflein Wolle verkauffen) so haben die Rauffleut
von Augspurg solch gelt fürgestreckt vnd erlegt.
Domit sie aber der Erzbischoff Albertus wider beza-
len möchte / wurd im auff bitt vom Babst zugelassen /
das er die schinderen vnd krameren mit dem Ablass
fürnehmen / denselben vmb's gelt austheilen vnd ver-
kauffen möchte / doch der gestalt / das man den halben
theil alles Gelds gen Rom zum Gebew des Mün-
sters zu S. Peter oberantworten solte. Das ist die
gelegenheit vnd vrsprung dieses handels / welchen der
Bapst durch den Erzbischoff zu Mentz dazumal er-
wecket hat. Vnd die zeit / darinnen es geschach vnd ge-
trieben wurd / war darzu auch gar gelegen vnd be-
quem / weil mancherley greuel vnd abgötterey im
schwancf giengen / vnd die Leut in tieffster finsternis
vnd blindheit ganz vnd gar ersoffen / erstarret / vnd
leichtlich zu bereden waren.

Dem

Denn das Fest Allerheiligen hat Babst Bonifacius Quartus verordnet nach der geburt Christi 615. an welchem die Papisten vnd Mönch in diesen 4 stücken vornemlich grosse gewel getrieben.

Erstlich hat man daran derer Heiligen nicht erwenet / die gewisse zeugnis in der Schriffe vnd andern glaubwürdigen Historien haben / Sondern haben men selbs eigene heiligen ertichtet / vnd Canonisiret / welche doch wol niemals gelebet oder in *Resum natura* gewesen sein.

Zum andern raubten sie an solchem Fest dem HERN CHRISTO seine Ehr / hielten in nicht starck genug das er heiffen künfte / sucheten hülff bey den verstorbenen vnd unbekanten Heiligen / gleich wie die Heiden / die auch vnzelich viel Götter geehret haben. Der Ritter S. Georg ist ein Kriegsheilig gewest / Nikolaus / Christophorus Wasser gößen / Florianus vnd Laurentius Feuerheiligen. Catharina hat kunst ausgeheilct / Margareta halff den Kreisten den. Die alte Mutter S. Anna vnd jr Hauswird Joachim solten gelibescheren / vnd reichmachen. Sebastianus vnd Rochius vertrieben die Pestilenz / Lehatius vnd Egidius halffen den Zegern / drum las man men eine Zegermess. Urbanus bescheret guten Wein. Stilia behielt gute Zeen / Appollonia bewaret

waret die augen etc. Vnd was der Abgötterey vnd Teuffelswerck mehr gewest ist/domit man den Leuten das Maul auffgesperret hat / do es doch die allerderbsten lügen vnd Lucianische possen waren/das es sünd vnd schad / das sich die Leut also haben narren vnd betrieglich vberreden lassen.

Zum dritten lereten sie one schein/man solte vnd müste diesen unbekanten verstorbenen Mönch vnd Nonnen Heiligen dienen / sie ehren / anrufen / ihren abend fasten/ vnd iren tag heiligen / zu iren Kirchen vnd grebern wallen / ire Gebein in Silber fassen/ sie vmb's Korn vnd Felder tragen/vnd iren gelt vnd gut auffopfern. Sie richteten auch solche geschnitzte vnd gemachte heiligen Bilde also zu/das sich einer in dieselbigen verstecken / vnd wunderbarliche geberd mit iren treiben kunte/gleich als seuffzeten/weineten/vnd redeten sie / vnd was sonst des gauckelwercks mehr war/domit sie die Leute vberredeten.

Zum vierden hat man auch offentlich gelert vnd gepredigt / die heiligen kündten nicht allein in allerley Leibs not helffen / sondern auch vns bey Gott vergebung der Sünden vnd das ewige Leben durch die Werck vnd fürbit verdienen. Damit dem HERRN Christo vnserm einigen Heiland vnd Nothelffer seine gebürliche Ehr geraubet / vnd die Leut zum leidigen Teuffel geweiht wurden.

Auff

Auff diesen tag folget das Fest Aller Seelen/
Welchs Odilio ein Apt zu Cluniaco erstlich gestiftet
vnd auffbracht/ auff diese gelegenheit: Er wurde be-
richtet / das sich in Sicilia die Teuffel mit grossen vn-
menschlichen geschrey an diesem tag hören liessen/die-
weil so viel Seelen durch Almosen aus dem Fegfewr
erlöset würdē. Dereintwegen hielt er Zerlich in seinem
Kloster allen Seelen in gemein ein Fest/welches her-
nach von andern Apten angenommen vnd erhalten
worden.

Guthbertus gedencckt auch in einem Brieff/den er
zum Fullo geschriben/das auff eine zeit eine Nonne
sol verzückt gelegen sein/die hab geschē/wie eine Jung-
fraw im Fegfewr gefessen/aber durch Seelmessen dar-
aus sey erlöset worden. Darob die Apt in Klöstern be-
weget/Zerlich ein mal allen verstorbenen Seelen ein
Fest zuhalten vnd eine Mess zu lesen/sie dadurch aus
dem Fegfewr zurerretten/ Es wurd auch von tag zu
tag die Schelmeren grösser vnd erger/vnd der Teufel
richtet nimmer ein geplerr vnd spiel ober das ander an/
die Leut in irem aberglauben zubefestigen.

Etliche der Mönchen vnd Pfaffen ertichteten
hernacher diese betriegeren. An aller Seelen abend
oder omb dieselbe zeit / namen sie Krebs vnd ander
Thier vnd gewürm / so auff der Erden kriechen vnd
D 2 lauffen/

lauffen/ steckten vnd machten denselben kleine angezündete brennende Wachslichtlein auff/ setzten sie auff die Kirchhöfe oder begrebnus/ das sie mit den Lichtern hin vnd her krochen. Weiseten es dem Volck/ gaben für vnd beredeten sie/ Es weren die Seelen der verstorbenen/ die im Fegfeuer sessen/ oder also herumswalleten vnd kündten nicht zu Gnaden kommen. Liesen sich aber sonderlichen zu dieser zeit sehen/ weil sie wustten vnd hoffeten/ das an allerheiligen tag Seelmessen gehalten/ vnd sie dadurch aus dem Fegfeuer erlöset vnd zu gnaden gebracht würden.

Derwegen ein jeder desto mehr verursacht vnd bewegt wurd seinem verstorbenen eine Seelmess halten zu lassen/ vnd die Seel zu gnaden/ fried vnd ruhe zubringen. Glaubeten auch gewis/ das men damit gedienet vnd rahtgeschaffet were. Vnd lies sich ein jeder nichts tarwen/ noch retwen/ was auff solche Messen gewand wurde/ Damit dann der Mönch vnd Pfaffen Beutel/ Küchen vnd Keller gnugsam gefüllet wurden/ vnd es men mehr umb gelt/ denn umb die Seelen zu thun war.

Dieses vnd dergleichen vielfeltiges Affenwerck/ wie Abgöttisch vnd Teuffelisch es gewest/ kan ein jeder Christi aus Gottes wort selbs vrtheilen. Vmb diese zeit/ do nun das Volck in solchem Aberglauben/ grew

gretwlichen irthumb vnd blindheit gar er sofften/vñ des
 Teuffels Regiment vund Reich wol im schwang
 gieng/denckt der leidige Antichrist der Bapst zu Rom
 auff sein Ehr vnd vorthail / meinet / ikt ist es zeit das
 ich mit meinem Ablass kome / ikt werde ich einen gu-
 ten marekt halten / vnd viel gelt lösen. Vnd weil
 er dem Erzbischoff Alberto macht gegeben hatte/sol-
 che Ablasskramerey vnd Gelthandel desto vleissiger
 zutreiben vnd zu fördern / ist dazumal ein Büchlein
 ausgangen mit des Erzbischoffs Wapē/in welchem
 den Ablasskramerey befohlen wurd/sie solten die krafft
 des Ablass dem Volck mit allem vleis rhūmen vnd
 predigen. Zu welchen Teuffelswerck vnd Seelen-
 mord der Teuffel dem Erzbischoff gleich einen recht-
 schuldigen zuschleudert / mit namen Johan Tetzl
 von Pirn an der Elbe in Meissen hürtig / der sonsten
 ein Māch Dominicaner ordens war/nicht allein ein
 vnuerschampter vngelerter künner Tropff / Sondern
 auch ein loser Bösewicht vnd Ehebrecher/vmb welchs
 willen in Keyser Maximilianus zu Isprug in einen
 Sack stecken vnd erseuffen wolte lassen / wo nicht
 der Guhrfürst Hertzog Friderich in los gebeten hette.
 Wie nu der Bapst neben seinem Gotilosen ausgesan-
 ten hauffen verhofft/es sollen in seine Practiken fort-
 gehen/er wölle etwas statlichs damit erlauffen / vnd

es könne im nicht fehlen / Do gehet es nach den Worten des Psalms : wenn sie (die feinde Christi) es auff's klügste greiffen an / so geht doch Gott ein ander ban / es stehet in seinen henden.

Derwegen wie der Babst also gedeneckt gelt zu lösen / seine Ehr zuuermehren / vnd sein ansehen grösser zu machen / Do dencket Gott der Allmechtige auch (dem allein die Ehr gebürt) wie er solchen geweld des Babstums stürzen / dem Teuffel viel vnzellige Seelen aus dem Rachen reissen / vnd in sein Reich bringen möchte. Darzu sihet im Gott aus / vnsern vielgedachten lieben Herrn vnd Vater D. Martinum Luther von Eissleben / welcher nach der geburt Christi) 483 den 10 tag *Novembris* auff diese Welt geboren / hernach im 22 Jar seines alters zu Erfurt *Artium Magister* / vnd folgend's im 24 Jar do selbst *Professor Theologiae* worden. Von dannen ist er Anno 1508 in die new Vniuersitet Wittenberg / die damals 6 Jar gestanden hatte / ins Augustiner Kloster vocirt worden / do selbst hat er Anno 1512 im 29 Jar seines alters / in *Doctorem Theologiae* promouiret.

Dies ist der Man / den GOTT wunderbarer weis erwecket / geführt / vnd wider der ganzen Welt Tyrannen / wider die Pforten der Hellen / vnd den Teuffel selbst gnedig vñ mit starcker hand erhalte hat.

Dies ist der Man / von dem Johan-Huss hundert
Jar

Zar junior geweißaget/ vnd ihn einen wolffingenden
Schwan genennet hat. Desgleichen Johannes Hiel-
den ein Barfüßer Mönch in der Stadt Isenach in
Düringen/ ein alter/ fromer/ stiller Man/ eines Er-
barn Lebens vnd wandels/ welcher Christlich vnd der
heiligen Schrift gemess gepredigt/ vnd etliche öffent-
liche misbreuch im Klosterleben angefochten hatte/
darumb er auch von seinen Brüdern in Kercker ist ge-
worffen worden. Als er aber alters vnd des langwi-
rigen gefengnus halben/ in eine Kranckheit gefallen/
hat er den *GVVARDIAN* zu sich lassen fodern/ in
seine schwachheit angezeigt.

Do nun der *GVVARDIAN* aus altem hasß/
bitterkeit vnd neid/ in mit harten worten angefahren/
darumb das er mit seinen predigten zuuor in iren
Küchen nicht hatte wollē nütz sein/ hat er seines Leibs
schwachheit zu klagen vnterlassen/ tieff erseuffzet/ vnd
mit ernstē geberden gesagt: Ich wil solch vnrecht vmb
Christi willen gerne tragen vnd leiden. Es wird aber
ein ander Man komen/wen man schreiben wird 1516
der euch Mönche wol tilgen wird/dem werdet jr nicht
widerstreben können/ etc. Dasselbe wort / wie die
Möncherey werde ins fallen geraten/vñ dieselbe Zar-
zal hat man auch hernach in seinen Büchern funden/
vnd sonderlich in den *Commentarijs* vber den *Danielem*.

Dis ist der Man/ auff welchen so viel frommer
herzen im Babstumb gehoffet / vnd von im gesagt /
das er des Babsts Abgötterey umbkeren werde. Dis
ist der Eremit vnd Einsiedel / von welchem auch des
Babsts hauff selbst lange zeit zuuor gesagt / dz er die
drenfache Kron des Babsts angreiffen werde. Dis
ist der Man / von welches ersten angriff des Babsts
die Christliche Kirch / auch die Papisten selbst / in dem
schönen *Te Deum laudamus* die Jarzal gesungen ha-
ben / in diesen worten.

Tibi CherVbIn & SeraphIn InCessabili VoCe proz
CLaMant.

NS welchen zahlbuchstaben man eben das
1517. Jar rechnet vnd findet / in welchem Lutherus
auffgestanden vnd den Babst angriffen hat. Dis
ist der Man / von welchem Paulus 2. Thess. 2. cap.
sagt. Das im GDEZ der Herr den Ge isis eines
Mundes gegeben hat zu offenbaren / den Menschen
der Sünden / vnd das Kind des verderbens.

Za dis ist der hocherleuchte Man / der gewis im
Geist vnd krafft *Elia* vor dem Jüngsten tag her ge-
schickt ist / vnd der nehest Gott allein / das beste bey der
Religion zu vnserer zeit gethan hat / vnd noch durch
seine Schrifften vnd Bücher thut. Welcher den
Babst mit seinem hauffen zu schanden gemacht / die
Kauffer

Kauffer vnd verkauffer sampt irer Wahr vnd Ablass-
Kremercy aus dem Tempel Gottes getrieben / vnd
denselben gereiniget hat etc.

Vnd weil / wie oben anfenglich gesagt / sich
der Kampff vnd Streit ober den Ablassbrieffen
erhoben / mus man alhier auch ein wenig bericht
werden / was der inhalt derselben gewesen sey / damit es
ein jeder desto besser verstehen mag / kan aber nicht
besser dann aus den Brieffen selbst gesehen / vnd geler-
net werden. Darumb hab ich vleis angewendet / das
ich derselben zween oberkommen / vnter welchen der
eine in gemein auff alle fell vnd Sünden / die entwe-
der einer gethan oder noch zu thuy willens / von dem-
selben dadurch Ablass vnd vergebung zu erlangen / ge-
richtet ist. Der ander aber auff eine einzele begangene
Sünd allein / do Tezel einen von einem todschlag ab-
soluirt hat. Diese wil ich beyde von wort zu wort / wie
sie im Original lateinisch lauten / hieher setzen / vnd ei-
nes jeden meinung vnd inhalt mit kurzen wort:n / so
viel der gemeine Man darzu bedarff / deudsch geben.
Der hoffnung / der Christliche Leser werde es im be-
sten vermercken / weil sie nunmehr selzam / vnd / Gott
lob / vergangen sein / mancher aber offte wündschet / das
er einen sehen / vnd ire Kremercy / geckelei vnd Teuffe-
lische lügen vnd possen daraus erfahren möchte / auch
E vrsach

ursach haben / Gott von Herzen zu danken / das er
solche Finsternus vertrieben / vnd das helle Licht bey
vns wider angezündet hat / etc.

Lautet dertwegen der erste General Ablassbrieff
also:

*ALBERTVS Dei & Apostolicæ sedis gratia,
Sanctarum, Magdeburgensis ac Moguntina sedis Archie-
episcopus, Primas, & sacri Romani Imperij in Germania
Archicancellarius, Princeps Elector, ac Administrator
Halberstadenſium Ecclesiarum, Marchio Brandenburgens-
is, Stetiniensis Pomerania, Cassubarum, Sclauorumq; Dux,
Burggravius Norenbergensis, Rugiæ Princeps:*

*Et GWARDIANVS fratrum ordinis minorum
de obseruantia conuentus Moguntini, per Sanctissimum
Dominum nostrum LEONEM Papam decimum, per
provincias Magdeburgenses, Moguntinenses, ac illarum,
& Halberstadenſes ciuitates & diœceses, nec non
terras & loca Illustrissimorum Principum, Dominorum
Marchionum Brandenburgensium temporali Dominio me-
diatè vel immediatè subiecta: Nuncij & commissarij
ad infra scripta specialiter deputati: Vniuersis & singulis
presentes literas inspecturis Salutem in Domino.*

*Notum facimus, quòd sanctissimus Dominus LEO di-
uina prouidentia Papa decimus modernus omnibus & sin-
gulis vtriusq; sexus Christi fidelibus ad reparationem Fas-
bricæ*

brica Basilica Principis Apostolorum Sancti Petri de Vrbe, iuxta ordinationem nostram manus porrigentibus adiutrices, Ultra plenissimas indulgentias ac alias gratias & facultates, quas Christi fideles ipsi obtinere possunt, iuxta literarum Apostolicarum desuper confectarum continentiam, misericorditer etiam in Domino indulget atq; concessit, vt idoneum possent eligere Confessorem presbyterum secularem, vel cuiusuis etiam mendicantium ordinis regularem, qui eorum confessione diligenter audita, pro commissis per eligentem delictis & excessibus, ac peccatis quibuslibet, quantumcunq; grauibus & enormibus, etiam in dicta sedi reseruatis casibus ac censuris Ecclesiasticis, etiam ab homine ad alicuius instantiam latis, de consensu partium etiam ratione interdicti incurfis, & quorum absolutio eidem sedi esset specialiter reseruata. Præterquam machinationis in personam summi Pontificis, occisionis Episcoporum, aut aliorum superiorum Prælatorum, & iniectio- nis manuum violentarum in illos, aut alios Prælatos, falsificationis literarum Apostolicarum, delationis armorum & aliorum prohibitorum ad partes infidelium, ac sententiarum & censurarum occasione aluminum tulse Apostolicæ de partibus infidelium ad fideles contra prohibitio- nem delatorum incurfarum, semel in vita & in mortis articulo, quoties ille imminet, licet mors tunc non subsequatur; & in non reseruatis casibus totiens quoti-

ens id petierit, pleniarè absoluere, & eis pœnitentiam salutarem iniungere. Nec non semel in vita & in dicto mortis articulo, plenariam omnium peccatorum indulgentiam & remissionem impendere, & Eucharistiæ Sacramentum, die Paschæ & mortis articulo excepto, quibusuis anni temporibus ministrare. Nec non per eos emissa pro tempore vota quæcunq; (ultramarino, ingressus Religionis, & castitatis, visitationis liminum Apostolicorum, et Sancti Iacobi ad compostella votis duntaxat exceptis,) in alia pietatis opera autoritate Apostolica, possit & valeat. Indulsi quoq; idem Sanctissimus Dominus noster præfatos benefactores, eorumq; parentes defunctos, qui cum charitate discesserunt, in precibus, suffragijs, Eleemosynis, Ieiunijs, orationibus, missis, horis Canonicis, Disciplinis, peregrinationibus, stationibusq;, & cæteris omnibus spiritualibus bonis, quæ fiunt & fieri poterunt, in tota sacrosancta Ecclesia, & omnibus membris eiusdem in perpetuum participes fieri.

Et quia deuotus N. N. & W. Valpurgis vxor eius ad ipsam fabricam & necessariam instauracionem supradictæ Basilicæ Principis Apostolorum iuxta sanctissimi Domini nostri Papæ intentionem. & nostram ordinationem, de bonis suis contribuendo se gratos exhibuerunt & liberales, in cuius rei signum præsentis literas à nobis acceperunt: Ideo eadem autoritate Apostolica nobis commissa, & qua fungimur in hac parte, ipsisq; dictis gratijs & indulgentijs vti, & eisdem gaudere

gaudere possint & valeant, per presentes concedimus & largimur. Datum Berlin sub sigillo per nos ad hac ordinato, Die 11. Mensis Aprilis, Anno Domini 1517.

FORMA ABSOLVTIONIS
totiens quotiens in vita.

Misereatur tui Dominus noster Iesus Christus, per meritum suæ passionis te absoluat, autoritate cuius & Apostolica mihi in hac parte commissa & tibi concessa, ego te absoluo ab omnibus peccatis tuis in nomine Patris, Filij & Spiritus sancti, Amen.

FORMA ABSOLVTIONIS
& plenissima remissionis semel in vita & mortis articulo.

Misereatur tui Dominus noster Iesus Christus, per meritum suæ passionis te absoluat, & ego autoritate ipsius, & Apostolica mihi in hac parte commissa, & tibi concessa, te absoluo: primò ab omni sententia excommunicationis maioris & minoris, si quam incurristi. Deinde ab omnibus censuris & pœnis Ecclesiasticis, ac peccatis tuis, iuxta præsentium literarum tenorem, conferendo tibi plenissimam omnium peccatorum remissionem, re-

mittendo tibi etiam pœnas purgatorij, in quantum se clauēs sanctæ Matris Ecclesiæ extendunt, In nomine Patris, Filij & Spiritus sancti, Amen.

**Die meinung vnd inhalt daraus/ ist
kürzlich auff deudsch also :**

Albertus von Gottes vnd des Apostolischen stuels gnaden/ Erzbischoff zu Magdeburg vnd Mentz etc. Marggraff zu Brandenburg etc. Vnd der *GVVAR-
DIAN*/der Brüder Minoriter ordens des Conuents zu Mentz/von dem allerheiligsten Vater dem Babst *LEONE decimo* etc. verordente *Commissary* vnd gesante zu hernach geschriebenen dingen: Thun kund vnd zu wissen/ das vnser Herr der Babst/ Man vnd Weibs personen/(die ire milde hand auffthun/vnd geben etwas zum Bau/S. Peters Münster zu Rom/ aus Barmhertzigkeit / laut dieser Apostolischen Brieff) nachgelassen vnd erleubet hat / das sie vber den vollkommenen Ablass / auch einen bequemen vnd tüchtigen Beichtuater aus den Leyenpriestern/oder sonsten einen aus den regulirten bettelsorden erwehlen/ vnd auslesen mügen / welcher sie nach gehö:ter Beicht von pein vnd schuld/ vnd allen Sünden / wie sie einen namen haben / oder so gros / vnd schwer sie auch mer sein könten oder mä:chten/ so off: sie wolten/
beim

beim leben vnd in todes nöten / absolviren vnd loszelen / von dem grossen vnd kleinen ban erledigen / vnd die straffe des Fegfeurs erlassen / aus Apostolischer macht vnd gewalt / solte vnd kunte / Ausgenommen weñ sich jemand wider den Babst aufflenete vnd empörete / Einen Bischoff vnd andre Pralaten umbrecht / oder die hand an sie legte / So jemand Betsliche Brieff verfelschet / den vnglaubigen Wehr / Wassen / vnd anders das verboten ist / zuführete / oder dagegen etwas von den vnglaubigen / so der Babst verboten hette / neme vnd zu sich brechte. Sonst alle sünden könte vergeben werden / aber nur diese hzt gemelte nicht / die allein ausgenommen werden.

DEsgleichen / der do allerley gelübde / die sie nach gelegenheit der zeit gethan / in andere Christliche werck verendern vnd anwenden möchte. Ausgenommen / wenn einer gelobt hette zum heiligen Grab oder ins gelobte Land zu zihen / Ein Mönch zu werden / vnehelich zu leben / gen Rom zu S. Peter vnd Paulus Kirchen zu wallen / oder gen Compostell zu S. Jacob. Wer dieses gelobt hette / der must es halten / das ander kunte wol geendert werden.

Es hat auch der Babst nachgelassen / das alle die jenigen / so etwas zu angelegtem Barw geben vnd stifften / das sie neben iren verstorbenen Eltern / der

Kirchen gebet / fürbit / Almosen / Fasten Messen / Vigilien züchtigung / wallarten / vnd dergleichen Christliche werck in ewigkeit sollen theilhaftig werden.

Weil demnach der andechtige N. N. vnd sein Weib N. zu dem notwendigen Baw S. Peters Kirche / nach ordnung vnsers aller heiligsten Babsis / von iren Gütern etwas geben / vnd sich darzu willig vnd mild erzeiget / haben sie dessen zum zeugnis gegenwertigen Brieff von vns empfangen. Derhalben wir aus Apostolischer macht vnd gewalt teilen inen mit alle oberzelte freihaiten / vnd Ablass / die mügen sie brauchen / inen nutz machen / derer sich frewen vnd trösten / wie sie können vnd mügen. Datum Berlin vnter vnserm darzu verordneten Sigil / den 11 Aprilis / Anno 1517.

Der ander Ablass Brieff laut also :

FRater **JOHANNES TETZEL** ordinis predicatorum conventus Lipsensis sacra Theologiae Baccalaureus, ac hereticae pravitatis inquisitor, à Reuerendissimo in Christo patre & Domino, Domino **ALBERTO** sanctarum Magdeburgensium & Moguntinensium Ecclesiarum Archiepiscopo, primate et Sacri Romani Imperij in Germania

nia Archicancellario, Principe Electore, & administratore Halberstadensi, Marchione Brandenburgensi, Stetinensi Pomerania, Cassuborum, Sclavorumq; Duce, Burggravio Noribergensi, ac Rugia Principe, Sanctissimi in CHRISTO Patris & Domini nostri, Domini LEONIS divina providentia, PAPAE decimi: Aceiusdem sancta sedis Apostolica ad Magdeburgenses ac Moguntinenses Provincias, ac illarum, & Halberstadenses civitates & dioeceses, Nec non terras & loca Magdeburgensium & Moguntinensium Archiepiscoporum, & Episcopi Halberstadensis Illustrissimiq; & Illustrium Principum, Dominorum Marchionum Brandenburgensium temporali dominio mediate vel immediate, directe vel indirecte subiecta, pro executione sacratissimarum Indulgentiarum, pro fabrica Basilicae Principis Apostolorum de urbe in forma Iubilaei concessarum, nuntio & commissario: una cum GVVARDIANO fratrum minorum sancti Francisci de observantia in civitate sua Moguntina, in hac parte collega suo, Subcommissarius generalis, cum pote-

F

state

state substituendi ad præfatas provincias & diœceses, ac omnia Illustrissimorum et Illustrium Dominorum Marchionum dominia prædicta deputatus & constitutus, dilecto nobis in Christo N. N. de N. Brandenburgensis diœcesis, salutem in Domino sempiternam.

Exposuisti nobis, quòd volebas suem percutere, in quo casu puer tuus te nõ vidente tibi appropinquavit, quem (percutiendo post suem) contra omnem voluntatem tuam, cum infinita cordis tui tristitia, tetigisti & occidisti. De quo peccato ex intimis doctes. Vnde volens salutem animæ tuæ consulere, à nobis de opportuno Absolutionis remedio tibi providere humiliter postulari fecisti. Quocirca nos, qui salutem quorumlibet querimus, te, qui nobiscum secundum vires tuas incommodum præfata fabrica compositionem fecisti, autoritate Apostolica, qua fungimur in hac parte, ab homicidio misericorditer absolvimus: teque eadem autoritate per nos à dicto homicidio absolutum esse, per præsentem denunciavimus literas. Mandamus etiam omnibus & singulis, ad quos pervenerint, sub sententijs, censuris,

ris, & pœnis in literis facultatum nostrarum Apostolicarum contentis, ut fidem hisce tribuant, te plenissime absolutum esse statuunt, huiusq; cadis ne unquam quisquam accuset. Ad fidem & testimonium, sigillum presatæ fabricæ, quo ad huiusmodi utimur, impressimus. Datum Berlin. Anno Domini 1517. 5. Octob. Anno quinto Imperij Sanctissimi Domini nostri Papæ &c.

Kurze Summ vnd Inhalt Deutsch.

Bruder Johan Tetzl Prediger ordens des Conuents zu Leipzig/der heiligen Schrifft Baccalaureus vnd Lezhermeister/ von dem Hochwirdigsten in Christo Vater dem Papst LEONE etc. Vnd vom ALBERTO zu Magdeburg vnd Mentz Erzbischoffe etc. Des Pappsts gesanten vnd Commissario / zu krefftiger volziehung des heiligen Ablass/ so zum Baro der Kirchen Sanct Petri des Obersten Apostels zu Rom / auszuteilen ist nachgelassen : Neben dem GUARDIAN der Brüder Minoriter ordens / des Conuents zu Mentz / seinem in dieser Sach Mitgehülffen / verordneter vnd bestelter General Subcommissarius / Wünschet dem N. N. von N. in

der Brandenburgischen resir heil vnd wolffart vom
Herrn / etc.

Du hast vns berichtet / als wolstu nach einer
Saw schlagen / so ist dir dein Jung / welchen du nicht
gesehen / vnuersehens in schlag kommen vnd hast den-
selben wider deinen willen getroffen / vnd tod geschla-
gen. Welches dir von hertzen leid ist / vnd bist sehr
darüber bekümmert. Bitest derwegen das wir deiner
Seelen dafür eine heilsame vnd krefftige artzney wol-
len geben vnd mitteilen. Weil wir denn aller Mensch-
en heil vnd Seligkeit gerne sehen vnd suchen / haben
wir dich vmb die gebür / so du nach deinem vermügen
zum Gebew S. Peters Münsters gegeben hast / aus
Babstlicher gewalt von gedachtem todtschlag aus
Barmhertzigkeit loszelen / vnd absoluiren wollen.
Sprechen dich hiemit dauon ganz los / vnd befehlen
darneben allen vnd jeden / welchen dieser Brieff zu le-
sen fürkompt / das sie demselben glauben geben / vnd
niemand mehr jemals dich darumb ansprechen oder
beschuldigen sollen / wo fern sie nicht in vnser straff
vnd vrtail kommen wollen. Solchs befrefftigen wir
mit vnserm des conuents gewöhnlichem insigel. Da-
tum Berlin den 5 Octob. Anno 1517.

Hieraus siehet man augeseheinlich vnd klar /
was sich der Babst vnd sein hauff für gewalt ange-
masset /

masset/ Vnd was vnserer Vorfaren für arme blinde
Leut gewesen / die solch Teuffels gespenst vnd Affen-
werck alles glaubet/ vnd mit irem schaden teure gnug
erkaufft haben. Sie haben mehr darauff gehalten/
solchem Ablaskram vnd versicherungs brieffen
mehr glauben geben/vnd sich mehr darauff verlassen/
als zu vnserer zeit etliche rohe vnd sichere Christen
der heiligen Absolution / oder den waren worten
Christi des Herrn im Abendmal glauben / vnd sich
darauff verlassen. Do doch jenes alles miteinander/
lauter fabeln/Menschen gedicht / Narrenwerck vnd
grewliche Abgötterey gewesen ist / in der heiligen
Schrifte an keinem ort gegründet / noch von Gott
gebotten/ ja viel mehr von jm hefftig vorboten/vnd ge-
straffet worden / hat auch die gewissen der Menschen
nicht können befriedigen / noch in todes nöten einigen
Trost geben.

Aber vnserer heilige Absolution / vnd das hoch-
würdige Sacrament des waren vnd wesentlichen
leibs vnd Bluts Christi / ist nicht allein in der heili-
gen Schrifte an vielen orten wol gegründet : Son-
dern auch von Gott selbst also verordnet vnd gebotten/
gibt fried vnd ruhe im gewissen / vnd an der letzten
todes stund/lebendigen/mechtigen vñ krefftigen trost/
vnd freud im herzen/vnd fried im gewissen. Darumb

folche vnart vnd blindheit der Leut / zu jener vnd dieser zeit wol zuuerwundern vnd zubeklagen ist. Nun wer es ja an dem / das in Ablassbrieffen steht / mehr denn zuviel / bleibt aber nicht dabey: Sondern der Bremer Hans Tegel / thut sein getegel vnd geiffer auch noch darzu / macht es höher vnd grösser denn es im befohlen war / vnd die Brieff ausweisen. Denn vnter andern seinen Gotteslesterigen reden / vnd vngereimpten lügen / deren teglich grosse fluten aus seinem Teuffelischen Rachen giengen / war dis die schrecklichste / do er sich hören lies: Sein Kotes Kreuz/daran des Papsis wapen hieng/ wer eben so kreffig / als das Kreuz Jesu IHS Isti. Item: Er wolte mit S. Petronicht beuten / denn er hette mit seinem Ablass mehr Seelen erlöset / als Petrus mit seinem Euangelio.

Desgleichen sagt er / die gnade / welche der Ablass verkündigte / sey eben die gnade / damit ein Mensch bey GOTT dem Herrn versünet vnd gerecht wird. Vnd es were one noth/rew vnd leid ober seine Sünde zu haben/wenn einer nur die Bessliche sicherbrieff hette/denn so bald der pfennig in kassen klang oder fiel / so säre die Seel one verzug aus dem Fegfeuer in Himmel.

Es lies sich der grobe vnuerschampte Schelm
such

auch diese schreckliche wort hören / wenn sich einer gleich an der hochgelobten Jungfraw Maria vnd Mutter des Sons Gottes vergriffen hette / vñ sie an irer Ehr geschendet / so würd es im durch krafft dieser Ablassbrieff vergeben / Vnd zwar nicht allein dz er albereit gethan / vnd begangen hette / sondern auch was er forthin zu thun vnd zu sündigen in willens were.

Dieses vnd dergleichen ist sehr schrecklich vnd grewlich zu hören / vnd hettens auch die kleinen Kinder verstehen vnd greiffen können vnd sollen / das es vnrecht vnd wider Gott were. Aber der Teuffel hatte die Leut des meisten theils also verblendet / das sie auch mit augen nicht gesehen / mit ohren nicht gehört / noch mit sinn vñ vernunfft verstanden haben. Jedoch sind auch noch etliche gewesen / die solchen betrug wol gemercket / vnd dem nicht glaubet haben. Wie man sagt von einem Landsknecht / welcher den Fehel wol betrogen / vnd in diesen schimpff ober solcher seiner leichtfertigkeit vnd künheit zugefüget hatte. Der Landsknecht kompt der mal eins zum Fehel / der mit seinem Ablasskram etwan in einer Stadt lag / zeigt an / wie er an einem ort einen Feind hette / an dem er sich gernerechen wolte / doch das er in nicht gar todt schläge / Sondern in sonsten der massen bezalere / das er ein weil daran gedenecken sollte //

te/wo fern er in dauon absoluiren/Brieff vnd Siegel
darüber gebē könnte/dz in solchs nicht für geworffen/
noch von irgēd jemand darumb angesprochen wer-
den möchte. Wenn er das thun könnte oder wolte/sol-
te es geschehe. Der Landsknecht erbot sich auch/nach
seinem vermügen dafür zu geben was billich were.

Tezel nam solchen vorschlag/weil es in gelt bracht/
gerne an/sagt in solches zu/vnd gab in einen Abblas-
brieff darüber. Was geschicht? Wie Tezel mit seinem
eingesamleten Abblasgelt aus derselben Stadt wil
weg ziehen/an ein ander ort/gibt der Landsknecht
achtung auff in/do er kompt/machen sie sich an in/
schlagen in wol ab/vnd nemen in all das Gelt/das er
mit seinem Abblasfram vnd Tezelen gemarcktet hatte/
welchs on zweifel eine gute Summa wird gewest
sein.

Do er sich nun nicht rechnen/noch dem Lands-
knecht widerstand thun kunte/sagt er: Ach du loser
Bub/wie wilstu immermehr die Sünde büßen/der
du dich an Besitlicher heiligkeit/vnd an mich seinem
Legaten/vergreiffest? Ey sagt derselbe Bruder/
Das wil ich wol verantworten/hab ich doch dein ei-
gen Brieff vnd Siegel/darinnen du mich aus Besit-
licher macht vnd gewalt/nicht allein von meinen
allbereit begangenen/sondern auch von allen künfft-
tigen

tigen Sünden / ja auch von dieser sündigen / die ich an dir begehre / absoluirte hast / wie du dich des wol wirst zuerinnern wissen / dafür ich dir auch dein gebür gegeben hab. Drumb weil ich einen Ablassbrieff darüber von dir selbst empfangen hab / Nem ich das Gelt / mach mir kein gewissen drüber / bedanck mich gegen dir / vnd scheid von dannen / Ade zu guter nacht.

Also hatte Tetzl wol ober sich selbst ablass gegeben / vnd wurd mit bahrer Münz bezahlt. Denn er selbst in die gruben fiel / die er einem andern mit seinem Ablassbrieff gegraben hatte / vnd wurd an im war das Sprichwort: Vbel gewonnen / vbel zerrunnen.

Aber wie dem allem / Ob wol etliche fromme Leut weder vom Tetzl noch Tetzelsbrieffen nichts hielten / Sondern ein gros misgefallen trugen / Doch wurd nichts desto weniger ein grosser *concurfus* von gemeinem Pöbel vnd andern / wie gemeiniglich zugeschehen pflegt / wenn etwas neues verhanden. Es wolt traun keiner sein / er wolt seiner Seelen rath schaffen / Ablass holen / gnad vnd ewiges Leben vmb gelt kauffen / weil sonderlich der Marckt für der thür war / Wie dann noch wol zu vnsern zeiten viel Leut würden erfunden werden / die den Himmel vnd die Seligkeit vmb gelt erkauffen wolten / wenn es gälte.

Dzses alles wie es Herr Lutherus höret vnd
 S erferet /

erferet / thuts im hefftig wehe / hebet an / vnd warnet
 seine Mitbrüder im Kloster dafür / leret sein bescheidē
 dentlich / es were viel besser nach Christi befehl armen
 Leuten Almosen geben / dann solche vngewisse gnad
 vmb gelt zu kauffen. Vnd wer Bus thete / der kam zu
 gnaden / vnd erlangete durch Christum vergebung
 der Sünden. Solches kam für Tzechel / kunds nicht
 leiden / schalt / schmehet vnd schendet Herrn Lutherum /
 verdampfte ihn als ein Erzkrezer / also das er zur
 gegenwehr wider verursachet wurd. Trat derwegen
 auff / vnd Predigte öffentlich darwider / doch nicht der
 meinung / dz er das Bapstum ganz vnd gar vmbstos-
 sen vnd verwerffen wolte (dann er dazumal noch ein
 Papist / vnd es im vmb des Römischen Hauptes Re-
 putation vnd hoheit zuthun war) Sondern das war
 sein intent: man solte nur bescheidener dauon redē vnd
 damit vmbgehen / auff das das gemeine Volk nicht so
 einen falschen verstand / aber glauben vnd misbrauch
 daraus schöpffete vnd machte / das auch der grose na-
 men Besitlicher heilichkeit damit nicht verunehret
 würde. Verliesse sich in dem künlich auff dem Bapst /
 vermeinet er were sein bester Freund / wie die Praefa-
 tion vnd Vorrede vber den 9 Wittenbergischen To-
 mum Lutheri / Desgleichen die brieff an Erzbischoff
 Albrecht / ausweisen / dem Lutherus also schreibet:

Es

Es wird im Lande herum getragen / der Babsstliche
 Ablas vnter E. F. G. namen vnd titel / zum Baw
 S. Peters Kirchen zu Rom / daran ich nicht so fast
 straff vñ beschuldige der Ablasprediger gros geschrey
 als den falschen verstand / welchen das arme grobe
 Volck daraus schöpffet etc. Richtet aber wenig aus.

Do nun Tetzl vnd sein anhang mit Römischer
 vnd Bischofflicher gewalt ire intent verteidigen wol-
 ten / ergrimmete Lutherus vnd schlug am Allerheili-
 gen Abend 95 Propositiones an die Schloskirch zu
 Wittenberg wider den Ablas darinnen er / wie der
 titel ausweist / jederman zur disputation fordert / vñ
 erbeut sich mit jederman freundlich dauon zu confe-
 riren. Dieselbigen Propositiones wolt ich wol hieher ge-
 setzt haben / weil es aber zu dieser kurtzen Schrift zu
 viel werden möchte / mag es ein jeder selbs durch seine
 eigenen vleis in 9 Wittenbergischen deudschen Tomo /
 am 9 blat nachsuchen vnd lesen. Doch wil ich den in-
 halt derselben ein wenig erweisen / welcher kurtzlich
 dieser ist:

Ob solcher gekauffter Ablas alle pein vnd schuld
 vergebe / vnd die Seelen aus dem Fegfewr erlöse / o-
 der ob solchs durch ein Christliche Bus vnd ware
 bekerung geschehe?

Da Lutherus mit vielen gründen aus der heil-
 gen

gen Schrift stark vnd gewis beweist / das solches durch keine Menschliche werck vnd Ablass / Sondern allein durch Gottes Geist vnd krafft (der warhafftige Buß in den Menschen wirckt) geschehen müsse. Wie Christus selbst vermanet: Thut Buß / denn das Himelreich ist nahe herbey komen. Item / in Ezechiele am 3. Capit. spricht Gott: Wenn sich der Sünder bekeeret / vnd thut recht / so wil ich seiner sünden nicht mehr gedencen.

Vnd ob er wol jederman auff diesen Kamffplatz forderte / stellte sich doch niemand ein. Wurden aber nichts desto weniger diese seine *Propositiones* hin vnd wider vnter die Leute bracht / kamen in kurzen tagen fast durchs ganze Deudsche land / vnd gen Rom für dem Babst selber. Wurden auch von vielen begierlich gelesen.

Do Tetzels solchs innen wurd / macht er sich zu Franckfort an der Oder in die Vniuersitet / vnd lest alda vnter seinem namen zweierley *Propositiones* / deren 15 6. waren / wider Herrn Lutherum ausgehen / die Conradus Wimpina / der heiligen Schrift Doctor / in Tetzels namen / weil er ein vngelerter grober Esel war / gemacht hatte.

In des schrieb Herr Lutherus an Bischoff Hieronymum gen Brandenburg / vnd an Babst selber /
da er

da er abermals bat/ Man wolle den ergerlichen handel/ welchen Fetzeln mit den Ablassbrieffen triebe/ abhelffen. Wolte aber nichts drauff erfolgen.

Da sehet Herr Lutherus erst recht an/ das Bapstum mit ernst anzugreifen/ schrieb vnd leret öffentlich darwider in gemeinen Schrifften vnd Predigten/ das auch Johan Eck/ Snyelster/ Jacob Hostrat kengenschrift thaten/ vnd sich darwider legeten.

Was sie aber ausgericht haben / vnd wie sie sein abgewiesen worden / ist aus dem viel erwenten neunten Deudschen Wittenbergischen Tomo / vom 23 blat an/ bis auff das ein vnd dreissigste/ weitlenufftig zu sehen/etc.

Wie sich die Gelerten also zanken / rüstet sich Solymannus der elffte Türckische Keyser wider das Römische Reich. Wurd derhalben Anno Christi 1518/vom Keyser Maximiliano gen Augspurg ein Reichstag ausgeschrieben/ dahin kamen alle Churfürsten vñ Stende/ Vnd an stat des Bapsts ein Cardinal / mit namen Caietanus/welcher auff befehl des Bapsts alle Kirchenscheß zu geben verhiesch / damit man dem Türcken desto grössern widerstandt thun köndte/ wo fern sie nur Lutherum mit seiner Lere vnd Glauben ausrotten wolten.

Hielt demnach vleissig an/ wie dann auch der

Bapst selbst an den Churfürsten geschrieben hatte /
Man wolt Doctor Luthern gen Rom zur verhör vnd
Disputation schicken.

Aber die Vniuersitet Wittenberg schreibt an
Carl vom Militz einen Meissnischen Edelman / der
dozumal ans Bapsts Hoff war / er wolle beim Bapst
anhaltten / das Luthers sachen mögen in Deutsch-
land verrichtet werden. Dieses inhalts schreiben sie
auch an Bapst selbst. Neben dem handelt der Chur-
fürst mit dem Cardinal so fern / das es zu Augespurg
geschehen möchte / Weil der weg ferne vnd sehrlich.
Welchs dann der Legat zu frieden war.

Darauff kompt Doctor Luther gen Augspurg /
zu fuss / in einer Mönchskappen / Alldo wurd er von
eilichen guten Leuten / an welche der Churfürst in
commendiret hatte / vertrawlicher weis vermanet / er
solte bey leib vnd Leben on Keiserlich gleit nicht zum
Legaten gehen. Wartet auch drey ganzer tag / che er
solch Keiserlich gleid bekommen kunte.

Wie er nu am Dienstag zum Caietano kompt /
vnd sich mit im zu Conferiren einlics / handelt der
Cardinal auffss freundlichste mit im / das er in etwa
bereden / vnd auff seine meinung ziehen möchte. Vnd
beruhet der ganze handel dar auff / er solte nur wider-
ruffen / was er vom Römischen Abtiss disputirt vnd
geschrie-

geschriben hette/ vnd nur diese drey Silben sprechen:
 REVOCO/ so hett es alles gute wege. Lutherus
 aber zeiget gnugsame vrsachen an/ warumb ers nicht
 thun dürffte oder kündte. Saget: Ehe wil ich sterben/
 verbrant vnd vermaledeiet werden/ denn das ich re-
 uocire / vnd meiner Lere einen widerruff thue. Appel-
 lirt auch am Papsst selbs/ bite omb ein öffentlichs all-
 gemeines Concilium / erkennnis vnd vrtail der Kir-
 chen. Ziehet also wider von Augspurg / vnd kompt
 den letzten Octobris gen Wittenberg.

Solchs verdros den Legaten hefftig/ schrieb der-
 halben an Churfürsten/ zeigets jm an/ das Lutherus
 so halsstarrig were/hette von ime an Papsst appellie-
 ret/ vnd jm so wenig getraut / in dem er nicht ehe hett
 wollen zu jm kommen / bis er sicher gleit vom Reiser
 empfangen. Bitt dertwegen den Churfürsten nach-
 mals/seine Churf. S. wollen vnter diesen beiden eines
 thun/ Entweder Lutherum gen Rom zu schicken/oder
 aus seinen Landen zu verjagen. Der Churfürst ant-
 wortet/ er hab in ein mal geschicket/ Weil man jm aber
 zur Reuocation vnd widerruffung seiner Lere hat
 zwingen wollen / da er doch aus heiliger Schriffte
 nicht sey vberwiesen worden / auch die aller gelehr-
 ten seine meinung approbierten / Zu dem er in aus
 seiner neuen Vniuersitet nicht wol geraten kündtet/
 vnd

vnd zum oberflus sich Doctor Luther zur öffentlichen Disputation erböte/ achter es nicht allein für vnndtzig/ sondern viel mehr für gefehrlich in gen Rom zu schicken/ oder aus seinem Lande zu sagen.

Von dem an macht Bapst Leo zu Rom ein new Decret/ darinnen er seinen Ablass auff's new bestetigt/ vnd gebeut in für den grösten schatz der Kirchen zu halten.

Als Lutherus merckt das der Bapst den Ablass noch besser wil vorteidigen/ vnd er zu Rom schon für einen Ketzer verdampt vnd dahin citirt war / appelliret er vom Römischen stuel an ein gemein öffentlich Concilium. Solchs geschach den 28 Nouembris / Anno 1518. Wird also ein gemeiner Reichstag wider angestellt zu Augspurg auff *Trium Regum* des 1519 Jars.

Unter des starb Keiser Maximilianus in diesem Jar den 10. Januarij / eben an dem tag / an welchem er zuvor für 33 jaren zum Römischen Keiser war erwelet worden. Vnd wurd *Carolus Quintus* König in Hispanien/ im 19 jar seines alters / zum Römischen Keiser erwelet.

Als es nun verhindert wird / vnd nirgent fort wil / auch der Bapst Doctor Luthers lere mit Schwerts gewalt / vnd ungebührlichem process nicht dempffen

dempffen kan/ wil er vom Churfürsten noch nicht ablassen / Sondern schicket seinen Kammerling / Carl von Miltitz/ In welchen/ als einē gebornen Deuschē vnd verstendigen sittsamen Man/ die ganze Vniuersitet Wittenberg/ für Doctor Luther geschrieben vnd gebeten/ das er beim Papsi das beste in seiner Sachen wolle fürwenden. Derselbe als er kömpt/ bringt er dē Churfürsten eine güldene Rosen mit/ die der Papsi selbst zu Rom in Nitfasten geweiht hatte (welchs ein sonderlich heilighumb sein solte / vnd die der Papsi zu sonderlicher grosser freundschaft einem zuschicken pflegt) vnd verehret in damit. Richtet daneben Bepstlichen befehl aus / das / nemlich der Churfürst Doctor Luthern gen Rom schicken/ oder ganz vnd gar aus seinem Lande verjagen solte. Weiset auch Bepstliche Brieff / darinnen er befehl gehabt / das er Lutherum mit gewalt / wie vnd wo er in nur bekommen kündte/ mit sich solte gen Rom führen.

Richtet aber in solcher seiner Legation nichts anders vnd mehr aus / Denn das im vom Churfürsten vorgünstiget wurd / das Miltitz zu Aldenburg mit Herrn Luthero ein Colloquium hielte / in welchem das vornemlich denckwürdig ist / das der von Miltitz/ der dem Papsi sein Wort reden solte zu

H
uerste

nerstehen gab / Er were dem Luthero mehr geneigt
vnd gewogen / denn dem Papsst.

Er lies auch den vnuerschampten Ablas Kre-
mer / den Tetzl / für sich fordern / Lase in ein guts
scharff Capitel / das er so vntweisslich vnd vnbeschei-
den mit der Sach wer vmbgangen. Bedrawet in
mit des Papssts Bann vnd vngnad / wo er forthin
nicht bescheidner handeln würde. Welchs dan der
leichtfertige Bube / der ein böß gewissen hatte / in
also zu sinn vnd gemüth zog / dz er bald darauff krank
wird / stirbet / vnd wird in seiner heimet zu Pirn be-
graben / Do in ein solch *Epitaphium* gemacht ist / als
Reite er auff einer Saw / vnd hab dieselbe in hindern
gezemet.

Weil er auch zuvor offte vnuerschampt vnd lä-
genhafftig gerühmet / Er hette den heiligen Geist so
reichlich gehabt / das derselbe manchmal sich ober in
in einer Taubens gestalt geschwungen vnd geschwe-
bet / vnd er in wol mit den henden erreichen können.
Dieser lügen halben hat man zu seinem *Epitaphio* ei-
nen schwarzen Raben gemalet / welcher oben ober
in her schwebet. Vnd wie Tetzl nach dem Raben ober
sich greiffe / helt er die hand voll schwarzer Raben fe-
dern. Es wird vielleicht der Gottlose tropff nicht wol
gesehen haben / das er einen schwarzen Raben den
Teuffel

Teuffel/vor eine weisse Taube/den heiligen Geist / er-
kant hat.

Das ist dieses Landbetriegers vnd Ablass Kra-
mers ende / welches ich hie hab mit melden wollen.

Unter andern/damit der von Militz zuuerste-
hen gab / das er Herren Lutheri meinung nicht unge-
neigt / ist das auch wol zu mercken. Er sagt / zum
Herrn Luthero / das er offte vnd viel auff der Reise
aus Belschland in Germaniam in herbergen gefrage
hette/was man gutes vom Römischen Stuel hielte /
Hab er nicht allein gehört / das man wenig dauon
hielte/vnd dessen achtete/sondern auch noch die höni-
schen stumpffen wort müssen einfressen/das im ist ge-
antwortet : Sie wissen nicht ob der Stuel hölzern
oder steinern sey / weil sie in nicht gesehen hetten. Hat
damit gespüret / das auch der meiste teil Herrn Lu-
theri meinung/vnd auff seiner seiten weren. Verma-
net derwegen in freundlich vnd vleissig/ er wolle sich
nur ein wenig messigen / vnd Bepfliche heiligkeit
nicht bald so hart vnd geschwind angreifen / Seine
sachen wärden noch wol gut werden / Bracht auch
Herrn Lutherum auff dis mal so weit / das er gar
einen gelinden vnd sanfften Brieff an Bassit schrieb/
darinnen er sich entschuldiget / das sein Intent nie-
mals gewesen wer/Bepflicher heiligkeit ansehe zuuer-

kleinern/hab sie auch damit nicht gemeinet/Sondern nur den Mißbrauch / vnd leichfertigkeit der Ablass Kremer gestraffet/Vnd hat sich erboten / das er / wo fern seine Widersacher solches auch zu sagen vnd halten würden / sich forthin mit schreiben innen halten wolte. Aber es wurd zu wenig fried gelassen / es solte nicht sein / die zeit war komen / da der Antichrist vnd sein Reich solte offenbar vnd gestürzt werden. Drumb schicket es auch **GOTT** alles nach seinem Göttlichen willen vnd weisheit zum besten.

Wurd ober dieses alles eine Disputation zu Leipzig zu halten verordnet vnd ausgeschriben / Anno Domini 1519. Dahin kam Doctor Eck vnd Carlstat. Wurden auch Herr Lutherus vnd Herr Phillipus dazu erfordert / irer Lehr halben rechnschafft zu geben/vnd sich hören zu lassen/was ire meinung were. Diese Disputation wurd von den Widersachern angefangen/vnd stunde ganz vnd gar darauff.

Das alle die jenigen/die da sagen/das die Römische Kirch von Pappst Syluestres zeiten/nicht die electeste vnd vornemeste: Vnd der nicht gleubet das der Pappst das Heupt der Kirchen were/der irre vnd sey ein Ketzer.

Ir farnembster grund war der Spruch Christi/
Matth.

Matth 16. Tu es Petrus, & supra hanc petram edificabo Ecclesiam meam.

Diese Seul/darauff die hoheit vnd gewalt des Pappsts gestürzet vnd gegründet war/rifs Lutherus als der rechte Simson ein / vnd beweisete aus Gottes wort gewaltig / das dieser Spruch nicht von der Person Petri / noch von seinen Successoren oder Stuelerben laute/sondern von vnserm HERRN Christo selbst / welcher der rechte Fels vnd grund ist/ darauff die Christliche Kirche gewidmet / vnd wider alle pforten der Hellen bestche.

Oder aber das dieser Spruch laute von des Apostels Petri schönen bekentnis/die er vom HERN Christo gethan hatte.

In dieser Disputation erhielt Lutherus wider alle den sieg/ vnd lies sie öffentlich jederman zu lesen in Druck ausgehen. Bekompt daraus wider einen frölichen vnuerzagten mut / greiffet Anno 1520 mit grossen ernst vnd eifer des Pappsts hoheit vnd Kron erst recht mit gewalt an/ Schreibet das Buch von der Christlichen freyheit/ Von guten Wercken/ Von Bann vnd Babylonischer gefengnis / leret das man das Sacrament in beyderley gestalt nemen sollte / vnd das die Papiſten vnrecht iheten / welche das Sacrament wider Christi einsetzung zerstückten/vnd

den Lehen den Kelch diebischer weisß raubeten vnd stölen.

Do gieng aller erst der lermen recht an / do hub der Bapst aller erst recht an zu wüten vnd zu toben.

Der Bischoff von Meissen lies ein ernst Mandat wider Lutherum ausgehen den vier vñ zweenzigsten Januarij.

Herzog Georg verklaget in bey seinem Vetter dem Churfürsten/wegen eines Büchleins vom Abendmal.

Der Official zur Stulpen/ vnd andere mehr thaten sich auch herfür/vnd verteidigten mit öffentlichem Edict die eine gestalt des Abendmals.

Lutherus aber/weil er nicht fürseßlich noch müthwillig zu diesen streitigen Sachen vnd Disputationen komen / Sonder von Doctor Eck vnd andern/ vnd durch Schrifften zu Rom vnd anderswo ausgegangen/sich zuuerantworten war gezwungen worden/ leß sich nichts anfechten / feret getrost fort / vnd stößet alle Feinde zu rück / vnd oberwindt sie mit der Wahrheit Gottes Worts.

Unter des kömpt auch ein new Bulla vom Bapst / die bringt Johan Eck / darin Lutherus vnd seine Lere verdampft wurd / Die hohen Schulen zu Löwen vnd Söln verbrenneten seine Bücher öffentlich

lich etc. Auff diese Bull / Bley / Wachs / Schnur /
 Signatur / Clausel vnd dergleichen gibe Lutherus nicht
 ein haar / bleibt auff seiner Appellation / auffss Concilio
 im gestellet / bestendig vnd vernewre sie auffss best es
 sein solte. Lest den 10 Nouembris zu Wittenberg für
 dem Thor hinder dem Hospital wider ein Feur an-
 schüren / dar ein warff er selbst des Papst Decretal /
 sampf der Bulla mit diesen worten.

Weil du den Heiligen des HERRN betrübet
 vnd geschendet hast / so betrübe vnd verzehre dich das
 ewige Hellische feur.

Des andern tages hernach thet er in seiner Le-
 ction eine schöne vermanung an seine *auditores* / das
 sie sich ja vleissig für des Papsts lere hütet solten / Lest
 auch in öffentlicher Schrift ausgehen / warumb ers
 gethan hab.

Wie nu Doctor Luthers lere also auff allen seiten
 angefochten vnd angefeindet ward / vnd CARO-
 LVVS QVINTVS newlich zum Keiser confir-
 miret vnd bestetigt ward / Schrieb Doctor Luther an
 in / vnd bat / das er in vnd seine lere nicht wolte ver-
 dammen lassen / sondern ein öffentlich Concilium an-
 setzen / vnd in zur verhör vnd erkentnis seiner lere ne-
 men. Das that der Keiser.

Doman nu schrieb nach der geburt Jesu Chri-
 sti

sti vnseres Herrn 1521. setzet der new Keyser *Carolus Quintus* seinen ersten Reichstag an / vnd leget in gen Worms / dohin alle Reichsuerwanten Ghr vnd Fürsten erscheinen muste. Lutherus wird auch citirt / den 6. Martij / vnd im frey sicher / gleit geben auff 21 tage. Machtet sich dervwegen im namen Gottes auff / den Reichstag zu besuchen.

Wien die Papisten erfahren / das Herr Lutherus auffin weg sey / vnd wolte sich zur verantwortung gehorsamlich einstellen / entfellet man das hertz / denn sie vermeineten nicht / das er kommen würde. Damit sie in aber schrecken vnd verursachen möchten aus furcht aussen zu bleiben / vnd seine gute Sache böse zu machen / thun sie also: Sie verdammen vnd verbrennen seine Bücher / vnd practiciren beim Keyser dohin (wiewol ezliche meinen / es hab der Keiser wenig darumb gewußt) das er seinen Hoffprediger *Glaponem* vnd *Paulum Amsdorfum* seinen Kemerer zu Franck von Sickingen abfertiget / vnd begert *Lutherum* auff sein Schloß Ehrenburg zu nemen / dohin wolle er ezliche gelerte Menner aus allen Stenden des Reichs schicken / die mit im reden solten / diereil itzund zu Worms so viel zu thun wer / das man seiner vnd seines handels nicht warten köndte. Diesem begeren gehorsamet der von Sickingen / schicket zu *Luthero Martio*

Martinum Bucerum/ vnd lest im des Keisers befehl anzeigen/ Es warneten in aber viel guter Leute zu Spemheim/er solte sich wol fürsehen/weil man seine Bücher vor wenig tagen zu Worms verbrandt hette/ vnd sich die Sache so vbel wider dz gegebene Gleidankliese / darumb er sich grosser gefahr zubeforgen hette.

Lutherus aber im Geist vnerschrocken/ lest sich dieser keines hindern/vnd war allzeit dieses seine antwort: Ich wil vnangesehen den Papsst mit seinem grossen hauffen/die Artickel/ so in der Bullen verdampt/ mit freuden/ so viel mir GOTT gnade gibt/ erretten vnd beschützen / trawe sie auch mit GOTTES gnade für vnrecht wol zu erhalten. Für gewalt aber ist nicht mehr hie / denn ein armer Körper/ den befehl ich GOTT vnd seiner heiligen Wahrheit/die doch der Papsst verdammet. Sagt darneben: Das ist/der tag den der HERR gemacht hat / Ich kome geruffen/ geruffen wil ich erscheinen/in namen des HERREN IHEsu CHRISTI/vnd wenn ich gleich wüste/ das so viel Teuffel zu Worms in der Stadt wehren / als Ziegele auff den Dechern / so wolte ich mich dennoch nicht fürchten. Dabey er noch diesen schönen herrlichen vnd geistreichen Gesang gemacht hat: Ein feste Burgk ist vnser Gott/ etc. Welche Burgk denn/ Gott lob / noch fest vnd vnbeweglich stehet /
 J vnan

vnangesehen / das sich jr viel vnterstanden die einzu
reissen / vnd löcherich zu machen / Aber es wird wol
eine feste Burg sein vnd bleiben in alle ewigkeit / wider
alle pforten der Hellen / vnd den Teuffel selbst.

Za es namen auch die Papiſten die Coſtliche-
riſchen Brieff vnd Practiken für / man dürffte in kei-
nem wege einem Kezer das Gleid halten / In welch
vrtail auch etliche Weltliche Herrn ſollen ge-
williget haben. Aber Keiſerliche Maieſtet lieſſe ſich hören /
was man zugeſagt hette / das ſolte gehalten werden.
Deſgleichen der weiſe vnd friedliebende Churfürſt
am Rein Pfaltzgraſſ Ludwig / wolt als ein redlicher
Deuſcher ſein Handſchrift vnd Siegel auch nicht
brechen laſſen / vnd ſprach / es wer des Huſſen han-
del noch nicht vergeſſen.

Folgend Dienſtag nach *Miſericordias Domini*,
da zuuor am Sonntag das Euangelium gewest
war : Ich bin ein guter Hirte / Ein guter Hirte leſt
ſein leben für die Schafe etc. welches ſich ſein auff des
Herrn Lutheri Ampt vnd Perſon reimete / vnd auff
welchen Sonntag ober 26. Jar hernach / Anno 1547
der frome Gottesfürchtige alte Churfürſt von Sach-
ſen / Herzog Johan Friederich / für Mülberg geſchla-
gen vnd gefangen worden / Kompt Herr Lutherus mit
ſeinen Beferten gen Worms / vnd wird in deuſchen
Hoff

Hoff einfuhrirt / das (wie gut zuerachten) wird bald zu Hoff vnd in der Stad ausbracht / do wurd als bald ein zugelauff von hohen vnd nidrigen Personen / vnd allen Stenden / bis weit in die nacht hinein. Hier denck im der Christliche Leser selbst ein wenig nach / was wol Lutherus mus gedacht haben / vnd was für rede von denen die aus vnd eingangen / werden gefallen sein. Freilich were es kein wunder gewesen / das er in die Erde gekrochen / oder nie komen were / wo er nicht gewust / das seine sach von Gott vnd gut were. Es wird one zweiffel einer schwarz / der ander weis geredt haben. Einem wird es gefallen / Gott dafür gedanckt vnd angeruffen / Einem andern wird es nicht gefallen / vnd darüber geschmechet vnd gelestert haben etc. Dieses alles aber achtet Herr Lutherus nicht / lest sich auch nichts anfechten noch hindern / feret im namen Gottes getrost fort / vnd weichet weder zur rechten noch zur lincken.

Des andern tags auff die Mittwoch früe vor essens / kam Ulrich von Pappenheim / des Reichs Erbmarschalck / zeigt Doctor Luthern an / es were Keiserlicher Maiestet befehl / das er sich auffm Abend vmb vier schlege / eigener Person fürm gantzen Reich einstellen solte / vnd also / warumb er erfodert / anhö-

ren. Dis nimpt Herr Lutherus mit gebürlicher Reuerenz vnd ehrerbietung an.

Wie im aber vnter des mus zu muth gewesen sein/ hat ein jeder selbs zu erachten/ Denn ob er wol gewis war/ das sein sach recht vnd gut/ auch keinen zweifel trug/ Gott würde sie selbs zu einem guten ende bringen / vnd hinaus führen/ dennoch mus es im / als einem Menschen vnd armen blöden Mönch / der alle Welt wider sich hatte / vnd ist für dem gankem Römischen Reich allein seiner lere halben rechenschafft geben solte vnd muste / zum wenigsten manchen hertzenlichen seufftzer ausgezogen haben. Wurd auch vnter des von etlichen seiner guten freunde vermanet / das wenn er fürkeme / er nichts reden solte/er würde denn gefragt.

Auff den Abend bald nach vier vhr/kam genanter der von Pappenheim vnd Gaspar Sturm / Keiserlicher Herolt/vnd geben im das gleid bis auff's Rathhaus. Vnd damit nicht ein gros zulauffen würde/ führeten sie in aus dem Deutschen Hoff durch heimliche Genge bis in des Pfalzgraffen Herberg. Als dz Volck das erfahret / wird so ein zugelauffe vnd gedräng/das auch etliche auff die Heuser stiegen / vnd die Decher auffhoben. Es wolte jederman diesen Man/der sich dürffte wider den Papsst vnd das ganze

ke

he Römische Reich aufflegen / sehen. Do werden
 abermals mancherley *judicia* vnd urteil gefallen sein/
 Do wird abermals dem Herrn Doctor so zu mut
 gewest sein / das er / wo im vnser **HERR** Gott nicht
 sonderlich krafft vnd sterck gegeben / wol hette ver-
 zweueln mügen.

Wie nun Lutherus fürkompt / wird er vmb die-
 se zween Punct gefragt.

Erstlich / ob die Bücher / die der Keiserliche Or-
 rator in der hand hatte / vnd im zeigte / sein wehren/
 vnd sich dazu bekennete. Zum andern / ob er darben
 verharren / ob er etwas darinnen widerruffen wolte.
 Darauf gibt Herr Lutherus zur antwort: Die Bü-
 cher sind mein / die kan vnd wil ich nicht verleugnen.
 Das ich mich aber so schleunig erkleren sol / ob ich dar-
 innen etwas widerruffen oder endern wolte / das kan
 ich so auff ein eil nicht thun. Bittet derhalben vmb be-
 denck zeit. Darauf wird im ein tag zu bedenecken er-
 laubet. Scheidet also von inen.

Diese nacht ober wird der Fromme Man
 gewislich nicht viel geschlaffen / sondern dieselbe
 mit beten vnd meditiren zubracht haben. Fol-
 gends Donnerstags *hora quarta* zu Abend / kam der
 Ernholdt wider / führet Doctor Luthern wider ins
 Keisers Hoff / do er wegen der Fürsten geschaffe bis

zu 6. Hora bleibe / vnd wartet vnter einem grossen
 hauffen Volcks. Vnd da er endlich zum andern
 mal für kam / vnd widerumb auff die gestrige Rede
 gefragt wurd / Bekandt er one alle schew vnd furcht/
 freidig / Die Bücher darauff er gestern befragt / we-
 ren sein / bekent sich dazu / künfte / vernöchte vnd wolte
 auch nichts darinnen widerrufen (es were denn / das
 etwas von seinen Widersachern listig wer geendert/
 dar zu oder dauon gethan) Sondern wolte standhaff-
 tig dabey bleiben vnd verharren / / bis so lang er mit
 zeugnissen der heiligen Schrifft oder guten gewissen
 Argumenten vnd gründlichen vrsachen überwun-
 den würde / ehe künde er von allem / das er geleret
 vnd geschrieben / nichts widerrufen noch nachlassen.
 Saget weiter / Ich kan meine Bücher vnd Lere
 nicht anders verteidigen / als wie Christus seine /
 welcher / da er vor dem Hohenpriester Hannas vmb
 seine Lere gefragt wurd / vnd von des Hohenpriesters
 Knecht einen Backenstreich bekam / sprach er: Hab ich
 vbel geredet / so beweise es / das es vnrecht sey / hab ich
 aber recht geredet / warumb schlegstu mich? Er bene-
 sic / so er mit Prophetischer vnd Apostolischer schrifte
 vnd andern gewissen gründen vnd vrsachen kan über-
 weisen werden / wil er gern dauon abstehen / vnd der
 erste anfahen seine Bücher zu verdammen vnd zu ver-
 brennen

brennen. Solche antwort höret warlich des Papssts hauff vnd anhang sehr vngerne/darumb versuchten sie es auff allerley weise / man gabe jm gute freundliche vnd gelinde wort/vnd vorschlege/der meinung/ob im guten etwas zu erlangen were / halff aber alles nichts/ vnd wie damit nichts zu erhalten/sprach man jm hart gnug zu/ vnd bedröwete jm hefftig / Er fund fest wie ein Mauer/vnd beschlos endlich seine schöne lange Oracion mit diesen geistreichen worten : Ich kan nicht ande: s/hie stehe ich/Gott helff mir/ Amen.

Über das handelten hernach viel Chur vnd Fürsten / vnd andere Herrn *privatim* mit jm/vermeineten jm zu bereden/ wolt aber nicht sein. Endlich biteten sie jm / weil er sich ja zu seinen Büchern erkennete vnd bekennete / sey auch nicht in willens dieselben zu widerruffen / vnd gleichwol vnleugbar / das er grosse ergernis vnd zerrüttung damit angerichtet / so sol er doch selbst einen rath geben / wie man der Sachen künd abhelffen. Ich weis spricht Doctor Luther/ keinen bessern rath / als den Samael gegeben hat/ Ist der Rath oder das Werk aus den Menschen / so wird es vntergehen/ Ist es aber aus Gott/ so könt jr's nicht dempffen/auff das jr nicht erfundet werdet/ als die wider Gott streiten wolten.

Was dis für ein kluger / weiser / verstendiger
Rath

Rath/sihet man recht / wenn man die Historiam liest
 in geschichten der Apostel / am 5. Cap. da solcher
 Spruch stehet / vnd wenn man denselben mit diesen
 conferiret / mus man sagen / das der heilige Geist sel-
 ber solche wort durch Herrn Lutherum geredet hab.

Als man in nun ganz vnd gar nicht bereden
 kundte / vnd er ganzer zehen tage zu Worms gewesen
 war / lest in der Keiser wider auff ein vnd zwentzig tag
 das gleich ankündigen / damit er wider heim komen
 kan / doch das er vnter wegen nicht schreiben noch pre-
 digen sol / Macht sich derwegen wider auff den weg
 den 26. Aprilis. Es wurd aber hernach der Keiser
 von etlichen Bluthunden / die seine Asch gerne hetten
 in den Rhein geworffen / oberredet / das er ein öffentlich
 vnd hart Edict ausgehen lies / den 8. Mai / darin er
 Lutherum in die Acht erkleret / vnd gebot / Man
 wolle Lutherum nach aus gang des Gleits fahen /
 dem Keiser zu bringen / vnd seine Bücher verbrennen.

Wer es aber mit Luther halten würde / der solt
 eben in der gefahr stehen / als Luther selbs.

Hierüber wird dem fromen Herrn dem Chur-
 fürsten zu Sachssen nicht wol zu mut / denn es wolte
 im schwer werden / einen der ins Reichs acht / vnd
 ins Papsst Bann were / auffzuhalten / wolte doch
 gleichwol in auch nicht gerne hüfflos lassen.

Er den

Erdencket derwegen dis Christliche Stratage-
ma. Beredet sich mit zweien vertraweten Edelleuten/
einem von Steinbergk / vnd mit dem Heuptman Pres-
lops / legets mit inen an / das ein jeder einen Keisigen
Knecht wolte zu sich nemen / sich verkappen / auff Lu-
therum an einem gelegenen vnd bequemen ort lauren /
in gefangen nemen / vnd als bald an einen verwarthen
ort heimlich bringen / welchs er selbs nicht wissen
wolte / damit / wenn man in fragen würde / er in war-
heit sagen künde / das nicht wüste wo er were.

Solchs ward zuvor dem Luthero vertrawlich
kündt gethan / auff das / wenn es geschehe / er nicht er-
schrecken solte / oder das er sich desto besser darnach
zu richten hette.

Wie nun Lutherus auff dem hintweg bis an
Hartz kam / da er zuvor des Keisers Heroldt / der in
geleitet / von sich gelassen / vnd im abgedanckt hatte /
befihlt er das seine Geferten wollen eins teils bald
vorhin gehen gen Waltershausen / im doselbst die
Herberg zu bestellen.

Das also niemand bey im auff dem Wagen
blieb / denn Nickel von Amisdorff / Vnd nicht weit von
Altenstein / kompt er in einen Holen weg / da sin-
den sich die zween gedachte Edelleut sampt inen Die-
nern verkappet vnd verlarffet / herbey / vnd greif-
fen

fen den Pferden in die Zeum/schlagen den Fuhrman
 (Doch zum schein) zimlich abe/ fallen Herrn Luberum
 an/ziehen in aus dem Wagen/ führen in mit sich da-
 von/vñ bringen in auff den abent spat als einen gefan-
 genen/auff das Schlos Wartenburg/bey Eisenach/
 da er gar heimlich verborgen gehalten wurd/ Man
 hielt in aber so wol/dz sich der Keiser drüber verwun-
 derte/das man einem gefangenen so gülich thete.

In diesem seinem *Pathmo* vnd gefengnis ist er
 nicht müßig/ sondern thut grosse arbeit/ legt sich auff
 die Hebreische Bibel / schreibt darinnen das Buch
 vom Antichrist / lies eine deudsche Predigt ausgehen
 von der geistlichen Beicht/Seine auslegung ober den
 27 Psalm/ vnd ober das *Magnificat*. Desgleichen sei-
 ne Kirchen Postill vnd das Buch von Kloster gelüb-
 den macht er auch in solcher seiner *Custodia*.

Über solcher viel vnd mancherley arbeit/grosser
 sorg/vñbeschwerlicher anfechtung/fiel er in eine Leibs-
 schwachheit. Wurd in derhalben geraten/Er solte bis-
 weilen ausgehen/vnd *aërem* mutiren/welchs er auch
 that/vnd zog bisweilen mit auff die Jagt. Man gab
 in auch einen verschwiegenen Keisigen Knecht zu /
 mit dem zog er als ein Hoffman (wie in denn der
 Knecht nicht anders hies denn Zuncker Georg) in et-
 lichen Klöstern umbher/ vnd sahe wie es die Mönche
 darin

darinnen hielten. Were auch ein mal zu Reinharts-
born vbel ankomen / do in ein Mönch erkandte / wo es
nicht dieser sein zugegebener Knecht gemercket / in ge-
warret / vnd listig in eil dauon geholfen hette / Ist auch
bisweilen heimlich zu Wittenberg gewest bey seinen
guten Freunden.

Mittler zeit / weil er ins Papsis Bann / vnd des
Keisers acht war / zu Wittenberg nicht sein durffte /
vnd ein zeitlang außserhalb verborgen lag / haben eil-
che gemeinet / er were gefangen weg gefüret worden /
Eins teils sagten / er were als ein Ketzter entlauffen /
andere dachten / er were lang vmbkomen / etc. Aber sei-
ne guten Freunde eins teils / denen er offte geschriben /
hattens wol gewußt.

Als nun Lutherus junior die Priuat vnd still
Messe abgeschafft hatte in der Kirchē zu Wittenberg /
vnd den rechten brauch des Abendmals auffgerich-
tet / senget der Teuffel in Doctor Luthers abwesen wi-
der ein new spiel dafelbst an / durch Doctor Carlstat
vnd andere / welcher die Bilder aus der Kirchen ris-
se / vnd bracht auff / das die Leut das Abendmal selbst
one vorgehende New vom Altar namen / vnd wurd
sonst viel vnruhe vnd vnordentliche Reformation in
der Kirchen angerichtet / welchs Lutherum betweget
vnd verur sach et nicht lenger aussen zu bleiben.

Machet sich dervwegen Anno 1522 bald im anfang des Jars/inn namen Jesu Christi auff / vnd zeucht aus seinem Pathmo wider gen Wittenberg/vn- angesehen/das er noch ins Pappsts bann/vnd ins Kei- sers acht war / on zweuel auch sein Landes Fürst ein vngnedigs gefallen daran tragen würde.

Wie er auff die Reise gen Born kompt/ schreibet er einen Brieff an Churfürsten zu Sachsen/dar- innen er vrsachē anzeigt/warumb er nicht lenger von Wittenberg sein vnd bleiben künde.

Kompt also wider gen Wittenberg / Carlstat wurd als bald gestillet / vnd die Kirch daselbst wider zu ruhe bracht.

Do das auch geschweiget / kamen die Sacra- ment Schwermer/vnd fieng Zwinglius zu Zürich an zu schreiben wider die wort G.H.Xi im heiligen Abendmal/ Das ist mein Leib/ das ist mein Blut etc. Mit dem hat er wider gnugsam zu thun / schrieb wi- der sie/Vnd ist derselbe zank je lenger je grösser wor- den/also das zu beiden seiten hohe gelerte Leut hefftig widereinander geschrieben haben / vnd sonderlich so viel die gegenwertigkeit des waren Leibs vnd Bluts Christi im Nachmal anlangt / wie denn dieser streit bey eilichen noch bis auff den heutigen tag weret.

Darnach wurd der Bawren auffruhr / Anno

1525.

1525. do er gleichfals wehren must auff allen seiten.
Darauff riefs der Widerteuffer Sect ein/welche abzuhandeln im auch grosse mühe kostet.

Neben solchen schweren vnd wichtigen hendeln las er teglich / prediget öffentlich in der Kirchen vnd daheim im Haus.

Bei diesen allen verdeutschet er auch die heilige Bibel. Was dis für ein sonderlich gros werck / kan niemand gnugsam aussprechen / loben noch preisen. Sollen dertwegen diese arbeit erkennen / vnd solche seine deutsche Bibel / wie sie von im vertieret / lieb haben / Dieselbe ein jeder für seinen höchsten vnd größten Schatz halten / vnd Gott vleissig dafür danken / das er durch diesen teuren Man / sein heiliges Wort in vnser bekante Mutter sprach gebracht hat / Vnd Gott bitten das er sie auch ferner auff vnser Kinder vnd Nachkömmling wolle bringen vnd bleiben lassen. Denn ein jeder in der heiligen Sprach erfarn / bekennen mus / das die deutsche Bibel Lutheri nicht allein recht vnd wol nach der Hebreischen Sprach gegeben / Sondern sie ist auch gleich als ein *Commentarius* vnd Auslegung gegen andern *Versionibus* zu rechnen / man lese sie in welcher Sprach man wolle. Gott sey danck / das wir diese selige zeit erlebet haben / der helffe ferner mit Gnaden / Amen.

Auff dieses alles vnd dergleichen mehr / so sich bis auff das dreissigste Jar begeben / welches allhier nicht alles kan gedacht werden / ist gefolgt der Reichstag / welchen *Carolus Quintus* zu Augspurg beschrieben / vnd also gehalten wird. *Anno Domini 1530.*

Also wird die Augspurgische Confession sampt der *Apologia* gemacht / vnd dem ganzen Römischen Reich etc. vbergeben. Welche wir (Gott sey ewiglich lob / ehr vnd preis) noch in vnsern Kirchen haben vnd behalten / vns allzeit darauff beruffen / vñ durch Göttliche gnade des heiligen Geists endlich beruhen sollen vnd wollen. Was dis aber für grosse mühe / arbeit vnd gefahr gekostet / wie sich fast jederman so hefftig darwider gesetzt / wie es auff die *Concilia* vñ vrtail der Kirchen ist gestellet vnd geschoben worden / wie Gott dis sein werck getrieben / der Gottlosen hauffen / die sich darwider gesetzt / mer kleiner / vnd vnsern grösser gemacht / Sie mit iren lägen zu schanden lassen werden / vnd noch mer fort / Vnd wie es allenthalben damit zugegangen / ist viel zu weitläufftig allhier alles zu erzelen. Man findets nach der leng im *Seldano* / vnd in des Herrn *Mathesij* Predigten vom Herrn *Luthero*. Dazu hat es der Ehrwürdige vnd Hochgelarte Herr *Doctor David Chytraus* ordentlich zusammen gefasset in ein Buch / der Augspurgischen
 Con-

Confession *Historia* genant/do es ein jeder lesen kan.
 Doch damit auch ich dem einfeltigen Leser in dieser
 kurzen Schrift etwas dauon berichte/wil ich hieher
 setzen das kurze verzeichnis / welches Herr Spalati-
 nus dauon berichtet / das sonst stehet im 5 Themischen
 Tomo Anno 1561. gedruckt fol. 30 31. welches also
 lautet :

Sonnabend des nehesten nach Johannis des
 Teuffers/ welcher war der 25 Jun: Anno 1530 / ist auff
 diesem Reichstag zu Augspurg der aller grössten
 werck eins/das je auff Erden/geschehen/ Den desselbe
 tags nach Mittag / hat mein Gnedigster Herr der
 Churfürst zu Sachssen Herzog Johannes/
 Marggraff Georg zu Brandenburg/
 Herzog Johan Friderich zu Sachssen/
 Herzog Ernst zu Braunschweig vnd Lüneburg/
 Landgraff Philip zu Hessen/
 Herzog Franz zu Braunschweig vnd Lüneburg/
 Fürst Wolffgang zu Anhalt.

Vnd die zwo Stedte :

Nürnberg/
 Keutlingen /

Ires Glaubens vnd der gantzen
 Christlichen lehr/die sie in iren Fürstenthumen/Landē
 vnd Stedten predigen lassen / Bekenntnis öffent-
 lich mit Christlichem feinen tröstlichen Gemüt vnd
 Herzen

herzen lassen Deudsch lesen / von Artickel zu Artickel / nicht allein für allen Churfürsten / Fürsten vnd Stenden / Bischouen / Rechten / so fürhanden / Sondern auch für Königlich Keiserlicher Maiestet selbst / vnd irem Bruder König Ferdinando.

Es hats aber gelesen der Herr Cantzler Doctor Christianus / vnd hats sehr wol gelesen / so laut vnd deutlich / das mans nicht allein im Saal gehöret hat / sondern auch vnten in des Bischoffs von Augspurg Hoff / da Keiserliche Maiestet zur herberge ligt.

Nun ist dasselbe Bekentnis Deudsch vnd Lateinisch gestellt gewesen / ist aber vmb kürz willen der zeit allein Deudsch gelesen.

Vnd dis Bekentnis ist gewislich in Latein vnd Deudsch mit Göttlicher Schrifft im grund / vnd mit solchem gelimpff gefast gewest / das dergleichen Bekentnis nicht in 1000 Jahren / nie geschehen ist. Man findet auch in keiner Historien / noch bey keinem alten Lerer oder doctor dergleichen.

Dem zum ersten sind gestanden alle Artickel des Glaubens / darneben auch / was man leret / prediget vnd helt / Erstlich von der heiligen Göttlichen Dreyfaltigkeit / von Gott Vater / Son vnd Heiligen Geist etc. *Vide locum & ipsam Confessionem.*

Darnach haben gefolget die streitigen Artickel /

ffel/ als von beider gestalt/warumb die bey vns jeder-
man gereicht/etc. *Vide locum & ipsam Confessionem.*

Bei jedem Artikel des Glaubens / hat man
auch die fegene Lere vnd irrige meinung vnd Ketzer-
en als Sacramentschwermer / Widertuffer/etc. ver-
worffen / Mit erbietung / wo jemandts ferner unter-
richt wolt haben / dieselben auch zu thun.

Im eingang haben hochgedachte mein Gne-
digster vnd Gnedige Churfürsten / Fürsten vnd Her-
ren protestiert / wo diese Sach ist in liebe / gütte / lauts
Keiserlicher Maiestat erbieten / in irem auschrei-
ben / zu diesem Reichsstag nicht vergliche vnd hin-
gelegt werden / das sie alle der vorigen Appellation
vnd Protestation auff dem nehesten Reichsstag zu
Speier anhengig sein vnd bleiben wollen / an das zu-
künfftig gemein frey *Concilium* / welchs Keiserliche
Maiestet in etlichen iren Instructionen zu Keiserli-
chen Reichsstagen zu fördern/dem Reich gnedig ver-
tröstung gethan hat.

Keiserliche Ma. vnd König Ferdinandus / die
Herzogen zu Bayern / auch etliche Bischoffe haben
pleiſſig zugehört.

Es stehet wol drauff/das jr viel jr lebenslang so
viel von dieser Lere nicht gehöret haben/ vnd das frei-
lich Keiserliche Ma./König/viel Fürsten vnd Bischo-

ue/ vns alle für Mamalucken gehalten haben/die weder von Gott noch glauben hielten.

Da der Cantzler ein Bekenntnis gelesen hatte/in Artikel von der Priester Ehe/das etwa vor 400 Jahren/do der Pappst den Priestern in Deudschen Landen die Ehe verboten hatte / vnd ein Erzbischoff zu Meintz / dasselbige gebot hat verkündigen / vnd seine Pfaffen zu zwingen wollen/da das sie sich mit gewalt dawider so hart gesetzt haben / das er in einer empörung schier erwürget sey worden / Do hat König Ferdinandus den Erzbischoff zu Meintz gefragt / ob es war sey? hat er geantwortet / Ja.

Endlich do das Bekenntnis ausgelesen/vnd beides das Lateinische vnd Deudsche durch Doctor Brück Cantzler/Alexander Schweis / Keiserlichem Secretarien/vñ durch in den Erzbischoff hat reichen wollen / hat Key. Ma. selbst darnach gegriffen / vnd sie zu sich genommen / mit gnedigstem erbieten / durch Herzog Friederich Pfalkgraffen / der sachen ferner nach zutrachten.

Etliche Fürsten / die billich unsere Freund sein solten/haben sich fast also gestellet vnter der verlesung der bekentnis des Glaubens vnd Lehr / das daraus zuuermereken / das sie es nicht gerne gehört haben. Denn freilich die Widersacher es dafür gehalten haben /

ben / das man dieses teils der Sachen grosse schertz
würde haben / vnd alles das thun müssen / was man
nur schaffen vnd gebieten würde.

Die gnad hat Gott je gegeben / das niemand
verunglimpffe ist worden in der bekentnis / vnd das
es auff's gelindest gestellet ist / damit ja niemand vber
einig scharren zu klagen hette.

Darumb ist zu Gott zu hoffen / Gott werde wet-
ter gnad geben / das wir billich mit allem ernst / mit
vleißigem gebet / vber all in allen Kirchen vnd Predig-
ten / auch sonst bey Gott suchen / das er diese sachen zu
einem seligen ende also führen wolle / dz wir bey Got-
tes wort bleiben / vnd guten fried behalten / da bitten
wir billich alle mit ernst vmb.

Vnd solte vns dieser handel wol bewegen / in
Gottes furcht desto mehr zu handeln / Denn solte es
unglücklich ausgehen / so würden's Land vnd Leut
mit grossen verderben / vielleicht nicht allein mit gros-
ser verlust Leibs vnd Guts / Weibs vñ Kinds / sondern
auch der ewigen Güter (da vns Gott ja für behüten
wolle) innen werden.

Man sol begert haben / das man berürte bekentnis
Lateinisch vnd Deudsch nicht wolte drücken lassen.

Man hat auch noch bisher das Fleisch essen am
Freitag etc. nicht verboten. Gott helff in andern

Hauptstückken noch ferner mit allen gnaden/Almen.

D^{ies} hab ich also zu einer kurzen nachrichtung hieher setzen wollen / dem gemeinen Man vnd einfeltigen Leser zur nachrichtung. Aber alles zu erzelen / mit was grosser mühe / arbeit vnd gefahr man diese Augspurgische Confession gemacht vnd vberantwortet hat / kan in so einer kleinen / geringen vñ kurzen Schrifft nicht angezeigt werden / achte mich auch zu wenig dazu. Doch wil ich hieher setzen / was Herr Mathesius in seiner achten Predigt / fol. 76. von Doctor Luthers Historien / schreibe mit diesen Worten :

Da nun Keiser Carl / Hochlöblicher gedencknis / seine Sach mit Gottes hülf in sein Erbkönigreichen rühmlich verrichtet / vnd wider in Deudtschland fürnam zu reisen / zeucht er aus Spanien in Welschland / damit er nach vermög der gülden Bulla zu Bononien die Keiserliche Kron empfieng / vnd allerley zwiespalt richlich vnd schlichtig machete. Als aber Papsst Clemens auffss aller hefftigst darauff drang / Keiser solt die newe Lere mit Schwerts gewalt in Deudtschen landen dempffen vnd ausrotten / Hat dieser löbliche Keiser durch seinen Cantzler Mercurinum / im Rath antworden lassen / Es weren zween wege vorhanden / Fried vnd Einigkeit in der Christenheit anzurichten. Entweder das man mit Schwerts

Schwerts gewalt die halstarrigen straffet / oder das man sündliche vnd güliche mittel vnd weg für die hand neme. Nu hett es nicht allein glücket/die sich mit Schwerts gewalt in solchen fellen eingelassen / wie Keiser Sigismunds Historien bezeugen. Derwegen were seine Maiestat / sagt Mercurinus / gesinnet/güliche weg für zunemen/vnd durch die Gelehrten zuuersuchen/wie die erregten Irthumen vnd Zwispalt in der Religion künden verglichen vnd bengelegt werden.

Wie solchs des Herrn Keisers Cansler fürtrug / felle im der Papsst Clemens in die Rede / das hab er nicht befehl für zubringen. Darauff Keiser Carl selbst begint diese meinung mit grossen ernst anzutragen.

Ob nu wol solcher friedlicher weg den blutdürstigen Leuten misfiele/schloss doch Keiser Carl/in güten die Sach also für zunemen / Ward derwegen der treffliche Reichstag zu Augspurg im Monat Maio zuhalten/im dreissigsten Jar/ausgeschrieben/welchen auch Keiser Carl eigener person besuchet / etc.

Auff diese weis schreibt auch Herr Lutherus selber in der warnung an seine liebe Deudschen / im fünfften Tomo fol. 278 also:

Es ist leichtlich zu mercken / das sie die Papssten in solcher zuuersicht gestanden/vñ diesen Reichs-

tag angericht/das sie gewislich gemeint haben/vnser
 teil solte nimmer so feck sein / das sie erscheinen wür-
 den/sondern wo sie den Keiser in Deudschland brech-
 ten / würde jederman erschrecken vnd zu men sagen :
 Gnad H. Erren was wolt jr haben? Do men das ge-
 schlet/vnd der Churfürst zu Sachssen der allererste
 erschein/hilff Gott wie begunten in die Hofen zu stur-
 cken / wie war da all jr zuuersicht verirret?

Welch ein zusammen reiten/vnd heimlich rathschla-
 gen hub sich da? vnd must es doch niemant wissen/
 Christus selbst vnd ich auch nicht/was die sachen we-
 ren: so wenig als wir für diesem Jar der Fürsten Not-
 teren wußten. Aber das war die Summa entlich /
 wie man weg vnd steg fände/weil die vnsern so frölich
 vnd freudig erschienen die aller ersten/das sie ja nicht
 verhöret würden. Da das auch nicht gar sein fund-
 te/haben sie dennoch zu letzt die ehr eingelegt / das sie
 ire lose Widerrede nicht durfften vberreichen noch
 raum geben zu antworten. Denn das vnuerscham-
 pte maul / vnd Bludürstiger Sophist Doctor Eck /
 freilich jr fürnembarster Rathgeber einer / hat sich mit
 öffentlichen worten hören lassen / für den vnsern/das/
 wo der Keiser hette dem Rathschlag / so zu Bononia
 beschlossen war / gefolget / vnd in ein zug in Deudsch-
 land / die Lutherschen mit dem Schwert flugs vnd
 frisch

frisch angegriffen/ einen nach dem andern geköpffe/ so were der sachen wol rath worden. Aber do er den Churfürsten zu Sachsen hett lassen durch seinen Sanktler reden vnd verhören/ wer solches alles verhindert.

Wie dünckte dich vmb solche Doctores vnd heilige Väter? wie voller lieb vnd warheit stecken sie? Also muste gleichwol heraus brechen der heimliche rath/ so Bepstliche heiligkeit zu Banonia gehandelt hatte mit dem Keiser.

Aber welch ein fein spiel solte auch daraus worden sein / wo der Keiser solchem Bepstlichen vnd Teufflischen Rathschlag nach / hette die Sachen mit morden angegriffen. Da solt ein Reichstag worden sein / das weder von Bischoffen noch von Fürsten ein fingernagel blieben were / sonderlich in solcher gefehrlichen zeit / do alles so rege vnd wege siund / vnd alle Welt eines gnedigen Reichstags wartet / wie dann die ausschreibung auch anzeiget vnd fürwendet / vnd doch leider nicht so gehalten ist.

Ich mus auch allhier gedencen / das Magister Johannes Durifaber im andern Eislebischen teil / fol. 131 also schreibet:

Es hat ein Papißtischer Fürst domals gesagt:
für

für andern Fürsten vnd Herrn : Die Lutherischen haben nehest eine Confession vberantwortet / mit Dinten geschrieben Wenn ich Keiser were / so wolt ich men ein Confu ation vnd Schrifft geben / mit Rubricken/das ist/mit roter farb geschrieben.

Darauff als bald ein ander Fürst geantwor-
tet : Es müste dennoch der Keiser darauff achtung haben/wenn er mit Rubricken wolt schreiben/das in die Pressilgen nicht vnter die augen sprühete.

Aus diesem allem hat man je zeugnis gnugsam/ das der Teuffel durch den Papsi vnd seinen anhang/ das heilige Euangelium / vnd die Protestierenden Stende auff dem Reichstag zu Augspurg auff's wenigste hab begert zu Hemmen/wo ers nicht gar künfte vnterdrücken vnd ausrotten / Vnd das die Unsern nicht im schlaff ankommen / sondern viel mühe vnd grosse gefahr darüber haben müssen austehen.

Was nun auch die liebe Augspurgische Con-
fession / für ein nützlich / heilig vnd gut Buch sey / vnd was damit gesucht vnd ausgericht worden / wil ich abermals aus meinem eignen Kopff (als der ich mich solche hohe vnd grosse ding zu vrtailen viel zu gering vnd vntwirdig achte) nicht sagen / Sondern Herrn Lutherum selbst für mich antworten lassen / der schreibe in seiner Geistreichen auslegung vber
das

das zwenzigste Capitel des ersten Buchs Moſis
also:

*Illuſtriſſimus noſter Princeps, ſancta memoria,
Johannes, Saxonia Elector, anno 1530 Euangelium
Jeſu Chriſti per liberam confeſſionem Auguſta in
comitijs, praſente Carolo Caſare & omnibus impe-
perij ordinibus, docuit: nec ipſe ſolus, ſed cum eo &
poſt eum, alij multi &c.*

Des gleichen hat er auch ein mal ober dem Tiſch
geredet / wie man leſen mag im 2 teil zu Eiſleben ge-
druckt / am 173 blat / also:

*Tanta eſt verbi Dei efficacia & virtus, ut
quò plus perſecutionis habeat, eò plus floreat & cre-
ſcat. Considerate comitia Auguſtana, qua verè
ſunt VLTIMA TVBA ante extremum diem:
quam aſtuabat totus mundus tum contra noſtram
doctrinam. S wie muſten wir da bitten / das Chri-
ſtus für den Papiften im Himmel blieb. Tandem no-
ſtra doctrina & fides ita prodiit in lucem per Con-
feſſionem Auguſtanam, ut breuiſſimo tempore
mandato etiam Caſaris, ad omnes reges & princi-
pes mitteretur, ibi multa praclarifſimorum virorum
ingenia in aulis fuerunt, Die fiengen dieſe Vere gleich
wie*

wie ein Zunder. Ita nostra Confessio & Apologia
 in summa gloria est edita. At illorum Confutatio
 in tenebris fordescit, & oportet Papistas perire si-
 ne vlla misericordia. Ideo nostra comitia omni lau-
 de digna sunt. Was alda verzeret ist worden/sol nie-
 mand's gereuen. Quia verbum Dei in vulgatum
 est passim contra omnium hominum, Caesaris, Pa-
 pa, Epicureorum opinionem. Sie wolten unsere Lere
 mit gewalt dempffen/da gieng sie erst an vnd auff etc.

Item/in 5 Themischen Tomo, anno 1561. fol. 280.
 & 281. in der warnung an seine liebe Deudschen/sagt
 er also:

Wiewol gros Gelt auff dem Reichstag verzeh-
 ret ist / vnd scheint als sey nichts ausgericht: So
 sag ich doch für mich/das / wenn schon noch zweimal
 mehr verzehret wer / so wer allein mit dem stück alles
 reichlich bezalt / vnd gnug ausgericht / das Zunker
 Neidhart vnd Meister Lügenhart/in jren neiden vnd
 lügen zu schanden worden sind / vnd haben müssen se-
 hen vnd hören/das unsere Lere nicht wider die schrift/
 noch Artikel des Glaubens erfunden ist/ Welche sie
 doch zuvor mit lügen vnd neiden allenthalben durch
 Schriffpredigen vnd affterreden / so greulich ge-
 macht haben / als sey nie kein ergere Lere an tag ko-
 men

men. Solcher Neid sage ich / ist auff dem Reichstag geschendet / vnd solche lügen offenbar worden.

Derwegen wir vnsern lieben Keiser Carl hold sollen sein / vnd dancken für diese tugent / das Gott durch in zum anfang / vnserere Vere hat geschmückt / vnd erlöset von den lügenhafftigen lesterlichen Titeln der Kezerey vnd anderer schendlichen Namen / vnd also die Lügenger vñ Neider gar redlich aufs maul geschlagen. Wiewol sie ein eiserne stirn haben / vnd sich nicht scheuen / schadet aber nicht / der anfang ist vns gut sat / Es sol wol besser werden etc.

Ja es hat es Doctor Luther gentslich dafür gehalten / das die Augspurgische Confession kein Exempel hab / weil die Welt gestanden / Denn so sagt er in dem jzt angezeigten loco, fol. 274.

Zu dem jzt auff dem Reichstag / da auff der Papisten seiten solch dreyen / trozen / pochen / hōnen / vnd spotten den Vnsern widerfaren ist / haben die Vnsern sich auff's tieffste inner gedemütiget / schlecht mit füßen lassen ober sich gehen / geflehet / vnd alles erboten / was Gott leiden mag / Vnd wenn vnser teil eitel Bettelhuben gewest weren / wer es doch mehr denn zu viel gewest. Ich wil geschweigen / das solche hohe grose Fürsten / Herrn / frome vnd redliche Leute sind / das ich achte solch Bekenntnis / solche demut vnd gedule /

sey nicht viel geschehen / weil die Christenheit gestanden / vnd meiner Hoffnung die größte sein sol für dem jüngsten tage / etc / Noch hulffs nicht etc.

Vnd in der Warnungsschrift an die zu Franckfurt am Meyn / anno 33 / im sechsten Ihenischen Tomo, fol. 114, stehen diese schöne wort : Es ist nu für alle Welt komen / die herrliche Confession vnd Apologia / so für Keiserlicher Maiestet zu Augspurg von vielen der höchsten Stende des Römischen Reichs frey bekant vnd erhalten. Darinnen auch die Papisten / ob sie vns wol ober alle mas gefehr sind / dennoch keiner Schwermer Artikel vns können schuld geben. Wir haben nicht Num / Num / gesagt / noch vnter dem Hütlein gespiellet : Sondern da stehen vnser helle / durre / freie wort / on alles tuncel vnd mausen / etc.

Aus diesem bericht Lutheri / hoff ich es werde ein einfeltiger Bericht gnugsam bekommen / was die Augspurgische Confession sey / warumb wir vns dazu bekennen / vnd so starck darüber halten.

Weil aber auch vnter etlichen ein streit gewesen ober dem *Autore* / wer doch dieselbe Confession erstlich vrsprünglich vnd anfenglich angeben / ausgesonnen vnd entworffen habe / Auch noch wol jr viel mügen gefunden werden / die dessen keinen rechten grund wissen / wil geschweigen / das die Leien etwas eigentlich

gentlich hievon berichtet sein sollen. So ist nicht one/
 das Herr Lutherus erstlich 17 Artickel sein kurz vnd
 rund gestellet / daraus hernachmals die Augspurgi-
 sche Confession sampt der Apologia gesponnen ist.
 Nach dem aber d:r Geist Gottes mancherley gaben
 vnd wirkung hat / vnd vnser Herr Gott den Herrn
 Philippum Melanthonem mit sonderlicher geschickligkeit
 hierzu begnadet / hat Gott dem Herrn *Luthero* den
 Herrn Philippum/als einen trewen gehülffen / zuge-
 ben/der solch werck hülff fördern vnd forbringen/wie
 solches zu sehen aus dem Brieff / den der Churfürst
 von Sachsen von Augspurg an Herrn Lutherum ge-
 schrieben / derselbe siehet im 5 Ihenischen Deudschen
 Tomo, anno 61, fol. 21, 22. der lautet also:

Johannes von Gottes gnaden/ Churfürst etc.
 Vnsern grus zuuor / Ehrwürdiger vnd hochgelarter
 lieber Andechtiger / Nach dem jr vnd andere vnser
 Selerten zu Wittenberg auff vnser gnediges ansin-
 nen vnd begeren / die Artickel/so der Religion halben
 streitig sind / in verzeichnis bracht / Als wollen wir
 euch nicht bergen/das jzt allhie Magister Philippus
 Melanthon dieselbe weiter obersehen / vnd in eine
 form gezogen hat/die wir euch hieben übersenden vnd
 ist vnser gnediges begeren / Ir wollet dieselben weiter
 obersehen/vñ zu bewegen vnbeschweret sein/Vñ wo es
 M 3 euch

tuch dermassen gefellet / oder etwas dauon oder dazu zu setzen gedechtet / das wollet also darneben verzeichnen / damit man als denn auff Keiserlicher Maieſtet ankunfft / der wir vns in kurz versehen / gefast vnd geschickt sein müge / vnd vns dieselben als bey diesem Boten wol verwart vnd verpitschafft / vnuerzüglich wideumb anher schicken.

Antwort Herrn Lutheri.

Gnad vnd Fried in Christo vnserm Herrn / Durchleuchtigster / Hochgeborner Fürst / gnedigster Herr / Ich hab Magister Philippen Apologia vberlesen / die gefelt mir fast wol / vnd weis nichts daran zu bessern noch zu endern / würde sich auch nicht schicken. Denn ich so sanfft vnd leise nicht treten kan. Christus vnser HERR helffe / das sie viel vnd grosse frucht schaffe / wie wir hoffen vnd bitten / Amen.

Hieraus ist neben andern vielen mehrern zeugnissen offenbar / das Herr Lutherus die Augspurgische Confession zum aller ersten gestellet / vnd zu sammen gezogen hab / wie Herr Chytræus in seiner Historia von diesem Augspurgischen bekentnis / ausdrücklich setzet. Vnd hat Herr Philippus solchen kurz gestellten Artikel eine weitere auslegung geben / vnd mit seinen Worten geschmücket / wie nerwlich angezeigt.

Vnd weilt jzt gemeldet / vnd aus den Brieffen

verz

verstanden / das der Churfürst von Sachssen aus
 Augspurg dem Herrn Luthero gegen Coburg ge-
 schrieben hab / Damit nu nicht jemand dencken oder
 fragen möchte/ob denn Lutherus nicht selbs persön-
 lich mit auff dem Reichstag zu Augspurg gewesen
 were / sol man bericht sein / Das Lutherus nicht eig-
 ner Person mitgezogen / Sondern unter des auff dem
 Schlos zu Coburg sich auffgehalten / vnd sind an sei-
 ne stat der Herr Philippus vnd Doctor Jonas / etc.
 geschickt worden / Vnd solchs aus grossen wichti-
 gen bedencken / das nemlich die Widersacher durch
 seine gegenwertigkeit nicht herter verbittert / vnd die
 Hauptsache verunglimpfft würde / denn dieweil dieser
 Reichstag vornemlich der Religion halben ausge-
 schrieben / vnd etliche Fürsten sich hatten in vergange-
 nen Reichstagen dieses worts Gottes Christlich an-
 genommen / worden gen Augspurg alle Religions ver-
 wanten von Fürsten / Herrn vnd Stedten in Keiserli-
 chen ausschreiben erfordert.

Ob aber wol Herr Doctor Luther aus zeitigem
 rath vnd befehl seiner Oberkeit / vnd Christlichen
 bedencken seiner Freund vnd Brüder in seiner ge-
 warsam allein bliebe / doch ist on sein bedencken /
 Rath vnd vortwissen in Religions sachen von den
 Protestierenden Stenden nichts vorgenommen wor-
 den /

den/wie aus dem jzt hieher gesetzten/des Churfürsten von Sachsen Brieff/ den er aus Augspurg geschriben / vnd aus des Herrn Lutheri Schrifften vnd Rathschlegen / so im neunenden Deudschhen Wittenbergischen Tomo zusammen bracht sind / gnugsam zu ersehen etc.

Ben dieser ersten Augspurgischen Confession / die Herr Lutherus anno dreissig selber gemacht/ Hernach/da sie in ein ander form bracht/approbirt/angenomen / vnd für rein vnd recht erkandt hat / sind sie der Herrn Lutheri (seligen) absterben alle reine vnd rechte Lerer bestendig verharret/vñ bleiben auch noch darben/wie sie denn nun Gott lob also rein vnd vnuerfelscht in dem Christlichen vnd nützlichen Buch der *FORMVLAE CONCORDIAE* eingeleibt ist/**GOTT** erhalt sie vns lang vmb Jesu Christi seines lieben Söns willen.

Was die andern *Editiones* vnd *Repetitiones* dieser Augspurgischen Confession sein / weil nicht kan verneinet werden / das dieselbige an etlichen orten geändert / jedoch haben die löblichen Churfürsten vnd Stende dieselbigen der erst obergebenen Augspurgischen Confession zu wider niemals verstanden noch auffgenommen. Vnd wir dancken billich Gott dem allmechtigen/ das er es zu dieser jzigen neuen Refor-
mation

mation hat komen lassen / in welcher die reine Luthersche Lere vnd die alte erste Augspurgische Confession wider herfür gezogen / vnd die Feinde vnd Verfälscher derselben zum teil gestrafft worden. Bitten darneben den ewigen Son Gottes Iesum Christum von grund vnsers hertzens / er wolle vns lange zeit in solcher auffgerichteten Christlichen einigkeit erhalten / Die noch nicht dazu komen / auch gnedig dazu bringen / wo sie anders zu bekeren / Wo nicht / sie selber in die zank gruben stürzen / die sie andern friedfertigen graben / damit Gott in guten fried vnd einigkeit / rein / lauter vnd klar mag geleret / geprediget / vnd fortgepflanzt werden etc.

Also hastu lieber fromer Christlicher vnd Lutherscher Leser / auff's aller kürzt es hat geschehen können / wie sich der streit zwischen Herrn Luthero vnd dem Papsst erhoben / vnd dadurch die reine Lere des heiligen Euangelij wider an tag bracht / vnd auff diese itzige zeit nach vielen erlidenen windprausen gnedig erhalten sey / beneben kurzen vnd einfeltigen bericht / was von der Augspurgischen Confession zu halten.

Das sol dir nun dienen zu Trost / Warnung vnd Bermanung.

Die warnung ist diese / das sich niemand von diesen

sen vnfers in Gott lieben Vaters/ Herrn Lutheri (selbigen) Schrifften/ weder Papiſten noch Caluiniſten/ oder andere heimliche oder öffentliche Feinde ſol laſſen abhalten noch erlenden/ Fürnemlich vmb dieſer ſechs folgenden vrsachen willen.

Erſtlich darumb/ die weil all die jenigen/ die dieſes thewren Mannes heilige Bücher anfeinden/ oder von denselben abfallen/ Gott dem Herrn zum höchſten für ſeine groſſe gnad vnd Barmherzigkeit/ die er in dieſen letzten zeiten durch dieſen Man vns hat gegeben/ vnderzeigt/ vndanckbar werden.

Nun iſt/ wie auch die Heiden bekennen/ kein gröſſer Laſter denn der vndanck/ vnd Gott dreuet allen vndanckbaren ſchrecklich/ do er ſpricht: *Non recedet malum à domo ingrati.* Ja es were freilich zubeforgen/ das Gott ſolchen werden vnd thewren Schatz (wenn wir es nicht erkennen/ noch im dafür dancken wolten) widerumb von vns nemen/ vnd vns denselben wider entziehen würde/ wie die *Exempla* voriger ſtraffen ausweiſen.

Derwegen wer in ſolches Laſter nicht komen/ vnd der ſtraff Gottes oberhoben ſein wil/ der halte neheſt GOTT/ ſeinem heilige Wort/ den Schrifften der Propheten vnd Apoſtel/ auch dieſes Mannes heilige arbeit vnd müßliche Bücher für ſeinen höchſten

sten schatz/lese vleissig darinnen/vñ bleib dabey besten-
dig bis an sein letztes ende / Denn ein solcher Man
wird nicht wider kommen/weil die Welt stehet.

Zum andern/ Sollen wir vns auch darumb von
Herrn Luthero vñ seinen schrifften nicht abhalten las-
sen / die weil wir vnserer Lehr eine grosse schande da-
mit anthun würden / Denn wir haben vns je nun
vmb die funffzig Jar/vñ drüber/zu der Lehr/die Herr
Lutherus aus Gottes Wort/wider den Papsst er strit-
ten/bekennet/vnd vns in allen Schrifften / wider vn-
ser Widersacher/darauff/als ein vnseilbare / richtige
vnd reine erklerung Gottes Worts / allzeit beruffen.
Wenn wir nun skund / wie etliche algemach heimlich
gethan vnd noch thun / dauon abfielen / würden wir
leichtfertige vnbeständige Leut/die wir vns von einem
jeden winde bewegen liessen.

Zum dritten / Würden wir so viel vnzehlich tau-
sent Seelen / die do selig auff solche Lehr gestorben/
vnschuldiger weis vnd heimlich verdammen / Ja es
würden auch viel frommer vnd einfeltiger Christli-
che Herzen damit geergert / die damit ganz irre wür-
den/wie denn die Galuimisten vnd Sacramentschwer-
mer gethan / wie sie es aber am Jüngsten tag vor
dem Richter stuel **JESU CHR** verant-
worten wollen/werden sie es/wo sie nicht busse thun /

wol erfahren. Drumb sey ein jeder dauor gewarnet.

4. Auch ist dis zum vierden vnleugbar / das / so wir von Herrn Lutheri Lehr abtrünnig / wir dem Teuffel / vnd seinem Stathalter dem Papsst zu Rom / viel zugefallen sein / vnd einen grossen eingang zum Papsstumb machen würden / vnd gleich sein den Serwen / welche so sich gebadet vnd gewaschen / sich wider im koth süelen / oder / *sicut canis rediens ad vomitum*, wie Petrus saget in seiner andern Epistel am andern Capitel / Solchen were besser / spricht Petrus an diesem ort das sieden Weg der Gerechtigkeit nicht erkennet hetten / denn das sie zu erkennen / vnd sich ke-
ren von dem heiligen Gebot / das men geben ist etc.

5. Richten diese vier vrsachen nichts aus / so sol doch diese fünffte bey jederman viel gelten / Nemlich : wo sich jemand den Teuffel vnd seine schupen vberreden lest / das er Herrn Luthero vnd seinen Schriff-
ten abgünstig wird / auch öffentlich oder heimlich da-
wider schreibet oder leret / derselbige versündigt sich an dem heiligen Geist / denn er handelt wider sein gewis-
sen / vnd wider die bekante vnd erkante warheit. Nun sagt Christus der Herr mit ausdrücklichen wor-
ten / all den jenigen / die wider den heiligen Geist sün-
digen / das ewige Leben vnd Seligkeit glat ab / do er spricht / Matth am 12. cap. Darumb sag ich euch :
Alle

Alle Sünd vnd lesterung wird dem Menschen ver-
 geben / Aber die lesterung wider den Geist / wird dem
 Menschen nicht vergeben. Vnd wer etwas redet wi-
 der des Menschen Son / dem wird es vergeben / Aber
 wer etwas redet wider den heiligen Geist / dem wirds
 nicht vergeben / weder in dieser noch in jener Welt.
 Ursach ist diese / Solche Leut / die in den heiligen Geist
 sündigen / das ist / die die erkante Warheit verleug-
 nen / vnd verfelschen / kommen selten vnd schwerlich
 wider zu recht / sie fahren in solchem iren falschen
 wahn vnd irthumb one bekerung fort / vnd bringen
 sich selbs vmb Leib vnd Seele / dafür einen jeden Gott
 ja gnedig wolle behüten.

Zum sechsten / so wir von des Herrn Lutheri
 Lehr weichen vnd wancken wolten / machten wir vn-
 sern heiligen Catechismum gantz vnd gar falsch / vnd
 zu nicht / der doch so mit grosser mühe vnd arbeit / durch
 des heiligen Geistes eingeben / ist zusammen bracht wor-
 den / welcher nichts anders ist / als das rechte Funda-
 ment vnser gantzen Christlichen Lehr / gleich als in
 eine kurtze summa / aus der gantzen heiligen Bibel /
 vnd der reinen Prophetischen vnd Apostolischen Lehr /
 zusammen gezogen vnd nützlich erkleret. Vnd würde
 so ein grosse vnd schreckliche barbaries vnd blind-
 heit

heit folgen/dauon nicht gnugsam zu sagen. Vnd der gleichen vrsachen mehr / denen ein jeder selbs nachdencken kan/ vnd alhier nicht alle zuerzelen sein.

Wer nu ein Christ sein wil/vnd hat bisher aus des Herrn Doctoris Lutheri Schrifften vnd Büchern seinen lieben Herrn vnd Heiland Jesum Christum lernen erkennen / vnd weis in seinem hertzen gewis / das es die reine/lautere vnd vniuerselschte warheit ist / Der sey vmb Gottes vnd seiner Seelen Seligkeit willen trewlich gewarnt/das er dabey bestendig wolle verharren / vnd in dieselben niemand erleyden/verdecktig machen / oder aus den Henden reissen lassen / weder mit guten noch bösen / weder mit list noch gewalt / er sey gleich der Geleerteste Doctor ober alle Doctores / Ja wenn auch ein Engel vom Himmel keme / wie Paulus in der Epistel an die Galater am 1. Cap. sagt: Es sind etliche die euch verwirren / vnd wollen das Euangelium Christi verkeren. Aber ich sag euch / so auch wir Aposteln selbs oder ein Engel vom Himmel/euch würde ein ander Euangelium predigen anders denn das wir euch geprediget haben/der sey verflucht. Das behertzige ein jeder ja wol/ vnd dencke an die izter zelten hohen/grossen vnd wichtigen vrsachen/ etc.

Aus dieser warnung folget nun sein selber die vermanung/

manung / das ist die: Gleich wie wir uns hüten sol-
 len / damit wir uns mit verachtung an vnsern denck-
 schen Propheten Schrifften nicht vergreifen: Also
 sollen wir widerumb auch vermanet sein / das wir all
 vnser lust an solchen Büchern haben / dieselben nach
 der Bibel vnd heiligen schrifft / am aller vleissigsten le-
 sen / betrachten vnd bedencken sollen. Darzu vns ne-
 ben den in der warnung vorhergehenden vrsachen
 reizen vnd treiben sollen auch die / welche hernach
 folgen.

1. Christus spricht in Johanne am 12. Wandelt
 im Licht / weil jr das Licht habe / auff das euch die fin-
 sternus nicht vberfalle / Do hören wir / das vns zum
 ersten dazu bewegen sol der wille Gottes / vnd der be-
 fehl seines lieben Sons vnsern Herrn vnd Heilands
 Jesu Christi. Nun kan kein Mensch leugnen / das
 ieder der zeit / do Christus vnd die lieben Apostel
 auff Erden gewandelt / das licht des Heiligen Euan-
 gelij niemals so hell geschienen vnd geleuchtet / als
 ihnd in dieser letzten zeit / do es vnser lieber Vater
 Lutherus widerumb aus der Finsternus des leidigen
 Bapstumbs herfür gezogen / vnd es also angezündet /
 das es nun scheint vnd leuchtet / in der ganken wei-
 ten welt / wie oben in der Vorrede auch angezeigt / Vñ
 kan

Kan ein junges Kneblein vnd Weiblein skund von Gott/von Christo/von Sacramenten etc. mehr glauben vñ reden/den zuvorhin vñ auch noch alle Stiffe/Klöster vnd Schulen gekunt haben vnd noch können/im Bapstumb. Solch Liecht wider die Windprausen so vieler Ketzher vñ verfolger zuerhalten/zu beschützen/vñ zuuertheidigen ist vnmöglich/wo wir vns den Teuffel dieses Mannes Schrifften entweder verfelschen/oder erleyden lassen. Derwegen sollen wir in solchem Liecht/weil wir es haben / vleissig wandeln / vnd allen wind vnd wehen des Teuffels vnd seines anhangs/die es auszuleschen vnd zuuertunckeln bedacht/wehren.

2. Zum andern sol vns dis vermanen/weil nemlich / das der Man allein ist / durch welchen Gott der **HER** vns solch Liecht des heiligen Euangelij wider geben/vnd denselben solchs zueröffnen vnd an tag zugeben wunderbarer weis geführet vnd erhalten hat / wie bisher aus seiner kurtzerzelten Historia gnugsam zuersehen. Denn ehe Lutherus komen ist / hat niemand mit aller kunst / macht vnd gewalt vermocht / dem Bapst ein einig herlein zufrümmen. Weil denn dem also / sollen wir billich seinen schrifften vnd Büchern mehr trawen vnd glauben / denn den andern allen miteinander / ausgenommen Gottes wort/die Schrifften der Propheten vnd Aposteln.

3. Zum

3. Zum dritten sol vns bey Herrn Lutheri schriff-
 ten zu bleiben / auch dis vermanen / vnd verursachen /
 dieweil er so viel hoher vnd fürnemer Leut zeugnus
 hat / die da bekennen vnd sagen / das seine Lehre recht
 sey / derer wil ich vnter vielen vnd mancherleien nur
 die fürnembsten vnd denckwürdigsten setzen. Vnter
 welchen als ein schöner Carlfunckel herfür leuchtet
 des Herrn Doctoris Urbani Regij / welcher im Lü-
 nebürgischen Fürstenthumb der Kirchen Bischoff
 geweest ist / der schreibet an einem ort vom Herrn Do-
 ctore Luthero also : Als ich in Sachssen zog / habe ich
 einen ganzen tag mit Luthero dem Man Gottes zu-
 bracht zu Koburg / vnd hab keinen lustigern tag in
 meinem ganzen leben gehabt. Denn Lutherus ist
 so ein gewaltiger Theologus / als zu keiner zeit leicht-
 lich gewesen ist / etc. Ich hab allzeit vom Luthero viel
 gehalten / aber ist halt ich noch mehr von im. Denn
 ich selbst gegenwertig hab gesehen vnd gehört / das
 man mit keiner feder den abwesenden schreiben kan.
 Ich achts dafür / weil ich auch ware Lere zu erkennen
 kein Klotz bin / das keiner sey / der Luthero könne gram
 sein / wenn er in kenne. Die Bücher zeigen seinen
 Geist an / Wenn du in aber selbst gegenwertig besser
 ansehen vnd von Götlichen sachen aus Apostoli-
 schen Geist reden hören wirst / so wirstu sagen / Es ist
 D war

war was man sagt: Lutherus ist grösser / denn das er von einem Klügling kan oder sol geurtheilet werden. Ich wil sage wie mirs vmb's Hertz ist / wir schreiben zwar hin vnd wider alle / vnd legen die Schrifte aus / Aber gegen Luthero sind wir Schüler vnd Kinder. Ich las mir Lutherum den Auserwelten Kästzeug des heiligen Geists nicht verachten. Er bleibt noch wol ein Theologus für der ganzen Welt etc.

Dergleichen zeugnis gibt im auch D. Martinus Bucerus mit diesen worten:

Martinus Lutherus Euangelij IESU CHRISTI Doctor, veritatis amator maximus, mendaciorum ac superstitionis hostis, Religionis, & pietatis in Germania autor.

1. *Articulum Iustificationis, à temporibus Apostolorum, quantum monumenta indicant, nemo vnquam clarius & fidelius docuit.*

2. *Antichristum Romanum cum suis membris ad extremum vsq; spiritum audentius oppugnavit nemo, fraude s; ipsius luculentius orbi detexit.*

3. *Vera bona opera, puta quæ ex fide viva proveniunt, in salutem proximi cedunt, nullus ex Patribus tam sanctè, & secundum mentem Spiritus sancti docuit, atq; ipse.*

4. *Scripturam sanctam tam purè, tanta energia, totq; argumētis penetrantibus, nemo ipso feliciter explicavit, maxime cum ex professo locum aliquem tractare voluit.*

s. Addo

5. *Addo versionem Scripturae sanctae fidelem, tersam & eloquentia non parua ornatam.*

6. *De Magistratu politico, quis & quae eius officia sint, in vtraque Legis tabula, nemo hactenus tam clarè docuit.*

7. *Maximorum operum in Ecclesia habuit incredibiles successus, quod inter alia multa testatur Augustana Confessio. Warbey er gewest/oder warzu er geholffen/dz hat fort gemüßt / vnd bestehet noch fest bis auff diesen tag.*

8. *Donum Prophetiae. Das alles/wie er ein ding hat gesagt/geschehen.*

9. *Preces efficaces, Psalmos, Hymnos, & Cantica maxime dulcia fecit. Ut orauit: ita Ecclesiam benè armauit deuotis cantionibus & Psalmis &c.*

Des Herrn PHILIPPI Melanthonis zeugnis / welches er diesen vnserm Herrn Luthero geben/ist auch herrlich vnd schön: Denn er in offtmals den Führer vnd Wagen Israelis / vnd den letzten Eliam nennet / vnd den Vers offft recitiret:

Nulla ferent talem secla futura virum.

Vnd wenn Herr Philippus auch der andern Herrn Gaben betrachtet / sprach er:

Doctor Pommer ist ein Grammaticus, vnd beweget den Text.

Ich bin ein Dialecticus, vnd betrachte die ordnung/den Context, die membra vnd consequentias, Do-

ctor Jonas ist ein Redner/vñ kan die Sache mit schönen Worten zieren.

Aber Doctor Martinus ist allein alles in allen/welchem vnser keiner kan vergleicht werden.

Eben dieses geben jm noch alle Gottselige Fromme vnd gelehrte Leute/die seine Schrifften lieb haben/zeugnis/wie dz nach der leng aus den vnserer Herrn Theologen itziger zeit Schrifften vnd Bücher zu erschehen/Vnd sonderlich aus dem heiligen vnd nützlichen Buch der *FORMVLÆ CONCORDIÆ*/ wie derselben Autores vnd all die jenigen/die sich mit Herzen vnd henden darzu vnterschrieben / die heiligen Schrifften Lutheri aus dem wjnkeln/staub vnd Aschen wider herfür zihen / vnd wollen / das sie nach der heiligen Propheten vnd Apostel Schrifften/ vnd den bewerten Symbolis allein die Richtschnur sein sollen vnseres Christlichen Glaubens vnd bekentnis / das auch solches geschehen vnd es darzu komen / haben viel fromer Christlicher Chur vñ Fürsten mit grossen vnkosten solch heilsam Werck vleissig getrieben / vnd halten noch heutiges tages standhafftig darüber / Gott helff ferner.

Darumb sol sich niemand von des Herrn Lutheri Lehr vnd Schrifften abhalten/noch jm dieselben erleiden lassen.

4. Ja es haben zum vierden die Bepsttischen selbst / die doch seine abgesagte Feinde waren / im müssen zeugnis geben / das seine Lere recht / vnd so in Gottes Wort gegründet sey / das man sie nicht straffen noch tadeln kan. Es waren wol 20 Papistische Theologen vnd Pfaffen zu Augspurg auff dem Reichstag / mit namen Doctor Iohan Eck, Iohan Faber, Augustinus Marius, Conradus VVimpina, Iohannes Cocleus, Paulus Haug, Andreas Stos, Conradus Collinus, Conradus Thomae von Regenspurg / Bartolemaeus VVfinger von Wirzburg / Iohannes Mensinger / Iohannes Dietenberger / Arnoldus Wesel von Cöln / Medardus des Königs Ferdinandi Prediger / Petrus Speiser / Augustinus Ugötlein von Bremen / Wolffgangus Kordorfer / Hieronymus Montinus / Matthias Kreithius. Diese semplich wurde ein jeder von seiner Oberkeit gefragt / vnd darnach auch zu gleich / Ob auch die Augspurgische Confession / so die Lutherischen vbergeben / künfte mit gutem grund umbgestossen werden? Da haben sie einhellig geantwortet / Mit der Bibel vnd den Schrifften der Propheten vnd Apostel wilsten noch kündten sie diese Confession nicht umbstossen noch zu ruck treiben / Sondern allein mit den Patribus vnd Concilien müst mans thun. Das ist ja zeugnis gnugsam / gewisser vnd rechter Lere Lutheri / auch von seinen selbst eigen Feinden.

Erasmus Roterodamus hat den *Churfürsten* zu *Sachsen* zu *Cöln* auff seine frag von *D. Luthers* *Lere* berichtet / Das *Lutherus* in seiner *Lere* durchaus nicht zu taddeln / vnd man hette in seinen *Schriften* auff einem einigen *Blecken* mehr trost vnd bericht / denn in allen *Papstlichen* *Büchern*. Solchs bekent er auch in einem schreiben an *Churfürsten* von *Sachsen* / welcher *Brieff* im ersten *Wittenbergischen* *lateinischen Tomo* steht.

Carolus Quintus selbst / als er *Lutheri* *lere* zu *Augsburg* mit bestendiger freudigkeit bekennen höret / hat er gesagt: Diese *Lere* mus mehr grundes vnd bestand haben / als jemand ist meinet.

Vnd do man *D. Luther* hart bey *Key: May:* angabe / wie er *Beystliche* heiligkeit vbel tractiret / lest er sich dieser wort hören / Weret jr *Pfaffen* from / so bedürffet jr keines *Luthers*.

König Ferdinandus / der nachmals *Römischer* *Keyser* wurd an stat seines *Bruders Caroli Quinti*, ob er wol im anfang ist hart gewest / vnd die *Lutherische* *lere* nur eine verfluchte *Seect* genennet hat / hat hernach gesagt: Wenn ich die *Römische* *Kirche* verlassen solte / so wolt ich mich zur *Lutherischen* *lere* begeben / omb dieser vrsach willen / Weil ich sehe / das sie *Gottes* *Wort* behalten / vnd recht leren von

Sacra

Sacramenten / vnd haben nicht vngewisse meinungen / wie andere Secten / als Widertcuffer / Stenckfelder vnd Calumnisten haben / sondern schützen vnd schirmen sie mit der heiligen Schrift / welches der einzige Weg ist / den Sieg bey Gott vnd den Menschen zu erhalten.

Zu Venedig hat man das Vater vnser / wie es Lutherus ausgeleget / in Welscher Sprach / vnd war ein ander Autor dafür geschrieben. Wie es der sihet / von dem man erleubnis zu drucken haben must / spricht er: Selig sind die Hende / die dis geschrieben / Selig sind die Augen die es sehen / Selig werden die Herzen / die dem Buch glauben / vnd also zu Gott schreien etc.

Ich mus auch hie gedenccken einer Historien / welche ich selbst von einer glaubwürdigen Person einem Prediger / gehöret / der im Land zu Behm in seiner Jugend bey einem fürnemen Herrn Pedagogus gewesen / Als er der mal eins zu einem Papisstischen Behmischen Pfaffen komet / vnd die Thomas Lutheri bey ihm gewar wird / welche er vleissig durchlesen vnd durchstrichen / auch daraus manche Predigt genommen hatte / hab er gesehen / Das alweg auff des Lutheri Namen oder drüber ist ein Papierlein gekleistert gewesen / Vnd wo er auff den Papst gescholten //

scholten/auff den rand darneben geschrieben: *Mentis Domine*. Do hab in der *Padagogus* gefragt / Was das bedeute/oder warumb er es thue/ hat der Bauchpfaß geantwort: Ich bin Lutheri Bücher nicht feind / Sondern halt die für war vnd recht/ darumb lese ich seine Schrifften auch vleissig / Das ich aber seinen Namen verflebe / vnd wo er auff den Bapst schilt / mit dem *Mentiris Domine* in wider straffe / thue ich den Bepstlichen zu gefallen / damit ich bey ihnen nicht in vordacht vnd vngunst komme / als were ich Lutherisch / vnd würde von meiner fetten Pfründe gestossen. Ich sage aber / wenn mir die Lutherischen so einen guten Dienst vorschaffeten / als ich vom Bapst habe / so wolt ich eben so wol das Euangelium aus Lutheri Schrifften/ vnd seine Lere leren vnd bekennen. Sehet das thun die trewlosen Mammelucken wider jr Gewissen / Wehe ihnen.

Es hat auch ein Türckischer Wascha in Ungern / als er einen Lutherischen hat predigen hören / gesagt: Wenn alle Geistliche also lereten/würde *Mas homets* Reich vnd Religion nicht lang bestehen. Nun dis hab ich hie gedenccken wollen / des Herrn Lutheri lere zu ehren / vnd zur vermanung/ das niemand daran zweueln sol / weil Freund vnd Feinde solche für
recht

recht vnd Gottes Wort gemes erkennen / Sondern standhafftig dabey bleiben.

5. Die fünffte vrsach der vermanung sol die sein / Die weil so viel fromer Herzen umb dieser Lutherischen Lere willen jr Blut vergossen / vnd zu rechten Marterer worden sein / wie solchs die Exempel viel vnd mancherley ausweisen / vnd noch die tegliche erfahrung gibt. Vnter andern wil ich etlicher gedencken / vnd sonderlich der Historien / vom Herrn Leonhart Keyser zu Scherding. Item / des fromen Bartschiffer Mönchs / den der Papsst zu Rom umbs Lutheri Lere willen henecken lies / *Doctoris Antonij Barns*, der in Engeland umb des heiligen Euangelij willen ombbracht wurde / vnd vieler Leut zu Brüssel / vnd in Niderland etc. Dwie offte hat Lutherus selbst gewünscht / das er mit seinem Tod vnd Blut seine Lere bekräftigen vnd ein Marterer werden solte.

Der alte Churfürst von Sachssen Herzog Johannes / war auch willig vnd bereit sein Leben lieber zu lassen / als von dieser lere Lutheri abzustehen. Solches wolt auch der Gottfürchtige vnd fromme Fürst Marggraff Georg von Brandenburg thun / der da auff dem Reichstag zu Augspurg für dem Keyser mit frölichem / freidigem herzen vnd gemüth also

P

saget :

saget: Ehe ich meinen Gott vnd sein heiliges Euangelium verleugnen wil / ehe wil ich hie für Ewre Key: May: nider knien vnd mir meinen Kopff lassen abschlagen / Wie denn solchs vnd dergleichen alles in den Augspurgischen Aften zu sehen.

6. Die Sechste vrsach ist die geringste auch nicht / Nemlich / das vnser lieber HERR Gott / solche Lere des Herrn Lutheri wider so viel Corruptelen vnd verfälschung / nicht allein von Papisten / Sondern auch Calvinisten vnd andern Schwermern / allzeit / ob sie wol bisweilen sehr ist vertunckelt worden / rein / lauter vnd klar bis hicher erhalten hat.

Man darff hieuon nicht viel schreiben / *Res ipsa loquitur*. Denn wie feind die Papisten solcher Lere / vñ wie gern auch *Carolus Quintus* dem Papst zu gefallen / sie hett vnterdrücken helffen / weist das *INTE- RIM* aus. Wie die Calvinisten heimlich vnd öffentlich sind damit vmbgangen sie zu verfälschen / hat man in wenig Jahren her / gnugsam mit betrübniß vnd großem ergernis der Kirchen erfahren / Ja sie haben auch damit also listig gespielt / Das / wo Gott der Allmechtig iren Rath vnd anschlag nicht sonderlich entdecket / ir fürnehmen vnd Practick hette müssen fortschicken / Aber sie habens alle miteinander bis auff gegenwertige stund müssen bleiben lassen.

Die

7. Die siebende ist diese / Ob wol Lutherus nicht
solche Zeichen gethan wie die Propheten vnd Apo-
stel/so hat er auch keine newe lere/ Sondern der alten
Patriarchen/ Propheten vnd Aposteln zuuor gnug-
sam mit Wunder vnd Zeichen bestetiget/ wider her-
fürbracht vnd herfür gezogen. Derwegen auch das
gegründte vnd bekrefftigte Wort keiner neuen Wun-
derzeichen bedürfft hat. Aber gleichwol/ wer wil das
leugnen/ das dis nicht ein krefftiges Wunder / vnd
Göttlich vnerhört werck sey? Das ein armer gerin-
ger vnanseliger Mensch (dasur anzusehen eusserlich)
wider das vormeinte Haupt der Christenheit sich
aufflehnet/dem alle Potentaten/Bischove/Schulen/
Gelehrten vntern füßen lagen / vnd für einem einzelnen
Mänch sich fürchteten / erschracken vnd zitterten?
Freilich istis war/das ehe Doctor Luther kam/sich al-
le Könige / Fürsten vnd Herrn nur für ein kleines
Briefflein des Papsis bücken / tücken vnd schmigen
mussten. Als aber dieser einige Man Gottes kam /
der griff den grossen Goliath den Papsst allein an/mir
mit seiner feder vnd Papis / vnd macht jm damit so
bang/das er fast die ganze Welt auffwiegelt vnd wi-
der in erreget. Aber er fragt nichts darnach / Er
lies zürnen / bannen/ verdammen / wers nicht lassen
wolt / vnd schrieb den Papsst freidig zu : *Qui moritur*

minis, illi pulsabitur bombis. Kund jm auch weder der Teuffel noch der Papsst/oder Papssts Mutter ein har frümnen. Heist denn das nicht Martini Luthers Vere mit Wunderwerck geschmückt vnd bestetiget? Ja dieses ist / nach erschaffung Himmels vnd der Erden / nach der Menschwerdung / Geburt / leiden / sterben / Auferstehung vnd Himmelfart Christi / zu sampt der verordnung des heiligen Predigampts vnd hochwirdigen Sacrament / wol der grösten Wunderwerck eines / die jemals auff Erden geschehen / wie das all die jenigen / so die zeit des Papssts gewalt vnd Tyranny des Teuffels in acht nemen / bezeugen müssen.

Darumb sagt der alte Herr Mathesius recht in seinen Predigten von D. Martini Luthers Historia: So viel mir Historien in der Biblia vnd Kirchen Chronicken bekand / kenne ich keinen / der do mehr vnd grössern widerstand / vnd auff ein mal die ganze Welt auff sich geladen / vnd vngeschlagen dauon kommen were / als dieser vnser deudscher Prophet.

So kan jm das auch nimmermehr kein Mensch nachthun / das er bey so viel anfechtungen / gefahr / streiten vnd kempffen / so viel Bücher künde lassen ausgehen vnd schreiben / als wie er gethan / Ja wenn sich ein junger Mensch vbersetzt / vnd solt nichts thun /

thun/denn allein die Bücher/ die Herr Lutherus hat
lassen ausgehen/nachschreiben/ So würde es im fast
vnmöglich sein. Last dertwegen dis nicht ein geringes
sein.

Als im Jar 1541. *Fridericus Myconius* Pfar-
herr zu Gotha tödlich krank war / schrieb Lutherus
im in einem Trostbrieff / Er wisse gewis / das er des
lagers nicht sterben werde : Sondern Er Lutherus
würde ehe zuuor sterben. Das / sagt er / bitt ich
ernstlich von Gott vnd wil erhöret werden/vnd weis
gewis / das es also geschehen sol. Vnd es hat sich
auch also begeben. Denn *Myconius* ist wider gesund
worden/vnd nach Lutheri Tod erst im Jar 1546 den
7 Aprilis gestorben / Do Lutherus eben in dem Jar
den 18 Februarij/welchs sieben wochen sind/zuuor in
Christo entschlaffen war. Diese Prophecey ist war
worden.

Es hat auch Lutherus offtmals gesagt vnd
von sich geschrieben/weil er lebe/ so sol es vmb die Re-
ligion nicht not haben / vnd er woll durch sein Gebet
bey Gott so viel erhalten / das in Deudschland kein
Krieg kommen solte / Wenn er aber Tod were/solten
andere auch beten. Ich mein der Glaub ist vns mit
allen beiden Propheceyen in die hende kommen.
Denn wie er kaum recht kalt worden / senget sich das

Kriege in Deudschland an/da finden sich falsche Lere
vnd Lere auff allen seiten mit hauffen / reissen newe
Secten vnd Schwermerey ein / vnd weren noch bis
auff den heutigen tag / wiewol es Gott lob / durch
fromer Chur vnd Fürsten Väterliche vnd Christliche
vorsorg / Auch anderer fromer gelehrter Leute mühe
vnd arbeit mit Gottes hülf vnd segen in diesen Lan-
den / Gott lob / widerumb dahin bracht / vnd also
repurgiret / das es dem vorigen Stand wider ein we-
nig ehlich ist.

Auffin Gespräch zu Marburg Anno 29 sagt
Doctor Luther / ehe 3 Jahr umbkomen / werden die
zween Sacramentschwerner vñ schender Decolam-
pad vnd Zwingel ire hende ober dem Kopff zusammen
schlagen. *Et factum est.* Dem ehe die zeit umb war/
Anno 1531 haben sie beide ein schrecklich ende geno-
men/Zwinglius wird im Kriege erstochen/Decolam-
padium findet man / als er solche zeitung von
Zwinglio den abend zuvor gehört hatte / früe tod in
Bette.

Vnd dergleichen Propheceyen viel vnd man-
cherley/die ich nicht alle erzelen kan/weil ich zum ende
eile/sind alle war worden/Gott behüt ons gnedig/das
vns dis nicht auch war werde / vnd ons in die hende
komme / das er oftmals spricht / es werde bey vns
Deudschem

Deutschen vmb vnsers grossen vndancks willen noch so ein hunger vnd mangel an Gottes wort einfallen/ das wir keine öffentliche Predigt mehr haben werden. Dafür vns ja Gott gnedig vmb seines lieben Sons willen behüten wolle.

S. Zum achten sol vns auch dieses die Schrifften Lutheri gros zu achten / vnd dabey zu bleiben / bewegen/weil Gott der **HERR** all die jenigen/ die dieselben misbrauchet / verachtet vnd angefochten haben / greulich vnd augenscheinlich gestrafft hat. Auff dem Reichstag zu Augspurg / hat sich Graff Felix von Werdenberg/ein grosser Widersacher Lutheri/verne- men lassen/Er wolt Leib vnd Gut dran setzen/Luthers lere helffen auszurottē. Dieser als er Montags nach Kiliam mit dem Abt zu Weingarten pancketiret/ vnd sich voll gefoffen / ist er auff den morgen todt im Bett funden worden/vnd also dahin gefaren. Ich hab auch kurz zuvor ein Exempel an Decolampad vnd Zwingel angezogen.

Vnd zwar wir haben *Exempla* gnugsam zu vnsern zeiten/ da wir sichtiglich erfahren / was es für ein ausgang genommen / mit denen / die solche heilige arbeit verdecktig zu machen / oder vnterzudrücken / sich vnterfangen haben. Vnd ist gewis / all die jenigen / die des Herrn Lutheri Schrifften nicht lieb ha-
ben //

ben / sondern sie / es geschehe wie es woll / voranehren /
sind nicht allein Calvinisten vnd Sacramentirer /
sondern geraten gemeinlich auch in andere Schmer
mercy vnd irthumb / vnd sein in andern glaubens Ar
tickeln vnd bekentnis nicht richtig.

9. Zum neunenden: alle andere *Opiniones* vnd vnrech
te lere / so wider den Herrn Lutherum gewesen / ha
ben keinen bestand gehabt / ob sie wol ein zeitlang vnd
ein kleine weil sich ein wenig haben heimlich blicken
vnd sehen lassen / vnd allgemach eingeschlichen / oder
auch wol den Kopff bisweilen gar empor gehoben /
Doch sind sie durch Gottes gnad allzeit dermassen
gedempfte / gefallen vnd wider vntergangen / das
Herr Lutherus vnd seine Lere je vnd allweg herrlich
triumphirt / vnd den sieg behalten hat.

Vmb dieser vnd anderer vrsachen willen mehr /
die wir in diese kurze Schrifft nicht alle bringen kön
nen / sollen wir bey unsers lieben Herrn vnd Vaters
Lutheri seligen Schrifften vnd heilsamer lere / als
den rechten Brünlein Israelis / vnd als der reinen vnd
warhafftigen auslegung Gottes Worts / billich
standhafftig bleiben / Vnd alle andere / wer sie auch
sein / faren lassen / auch leib vnd leben / Gut vnd Blut
dabey zusetzen / vnd sol ein jeder nach seinem Stande /
Ampt / Beruff vnd vermügen dahin arbeiten / vnd
helffen

helffen/damit solcher theurer Schatz nach vns/auch
vnsern nachkömmling bleiben mag. Das gebe Gott
gnediglich/Amen.

Der **TRIST** / den ein fromer Christ hie-
raus schepffen vnd behalten sol/ist dieser / Das/gleich
wie vnser lieber Gott vnd Vater im Himmel aus lau-
ter gnad vnd barmherzigkeit durch seinen Werden
Küstzeug *Doctorem Lutherum*/sein Wort/welches sie-
der des **HEXEN** Christi vnd der Apostel zeiten un-
ter dem Papstumb vertunckelt vnd verborgen ist ge-
legen/von des Papsts vnflut wider hat abwaschen/
reinigen vnd herfür leuchten lassen: Also werde er al-
lezeit bey seiner Kirchen/Wort vnd Sacrament/(wo
fern man im dafür danckbar ist) sein vnd bleiben/Vnd
wenn es not thut/frome vnd getrewe Lerer vnd Pre-
diger / Des gleichen frome vnd Christliche Regenten
vnd Oberkeit/darzu geben vnd erwecken/die für das
Liecht des heiligen Euangelij vleissig vnd trewlich
wachen/arbeiten/streiten vnd wehren/Damit ob es
wol stark angehauchet / doch nicht ganz vnd gar
ausgeblasen vnd ausgeleschet mag werden.

Vnd das es war sey/bezeugens nicht allein alle
Kirchen historien / von der Geburt Christi / ja von
der Welt anfang her/Auch nicht allein diese Historia
von Luthero/die wir bisher nach vnserm vermögen/
ordent

ordentlich / kühlich vnd einfeltig angezeigt / Da wir gehört / wie Gott der H E X X zu offenbarung vnd widerumb herfürbringung seines vntergedruckten Worts vnd heilsamen Lere / neben dem Herrn Luthero / auch fromer vnd Christlicher / hoher vnd grosser Potentaten Chur vnd Fürsten hertzen erleuchtet / vñ dieselben zur beförderung seines Worts erwecket hat / Sondern wir haben noch ein neheres zu diesen vnsern zeiten / vnd ein solches / das der vorigen keines nicht viel cediret vnd zuuor gibt. Das ist die itzige new auffgerichte in Gottes Wort gegründete *FORMULA CONCORDIÆ*.

Demnach dem bisher etliche viel Jar vnter denen der Augspurgischen Confession verwandten / mancherley zwiespalt vnd Zerrunge entstanden / allerley Ketzeren vnd Schwermereien heimlich vnd öffentlich eingeschlichen / vnd fast dahin komen war / das viel fromer hertzen nicht anders vermeinet / dann das die rechte Lutherische Warheit damit würde verloren werden: Erwecket vnser lieber vnd getreuer G D T T auch / wie dort zu jener zeit / Christliche Oberkeit / vnd an vielen orten fromme / getreue vnd geleerte Theologen / die mit hülffe Gottes des Allmechtigen auff Mittel vñnd Wege dachten / solch angezündetes Feser wider zu dempffen vñnd aus-

zuleschen / vnd die helle klare Warheit vnd Lutheri-
sche Lere / so vnter der Banck steckte / vnd im fin-
stern schimmerte / wider herfür ans Liecht vnd an
Tag zu bringen / ob man gleich noch so geschwind /
listig / vnd verdeckt damit vmbgieng. *Veritas quidem
premitur: sed non opprimitur. Tandem Luthere triumphas.*

Ist derwegen / Gott lob vnd danck / nach
solcher auszrottung falscher *Corruptelen* vnd verfä-
schungen nunmehr so weit bracht / das der fürneme-
sten Thur vnd Fürsten / auch anderer Herrschafften /
vnd Stedte Theologen in diesen Landen guten fried
vnd Correspondenz mit einander haben vnd hal-
ten / vnd in der reinen Lere richtig vnd eintrechtig
sein. Ist auch die reine Lere vnd erklerung der Aug-
spurgischen Confession / Wie sie ersilich Anno 1530
ausgangen / neben andern aus Gottes Wort ge-
gründeten vnd gezogenen Schrifften / sampt den
streitigen Artickeln / vnd ablehnung vieler *Calumnien*
in öffentlichen druck widerholet / vnd in das gute
nützliche vnd Christliche Buch / die *FORMVLAM
CONCORDIÆ* einuorleibet / welchs Buch forthin
sol neben der heiligen Bibel / vnd Schrifften
des Herrn Lutheri / aller rechtgleubigen Christen /
Lerer vnd Prediger / gewisse Norma / Regel vnd Ri-
chteschnur / darnach vnd daraus sie alle Lere vnd


D 2 . Schriff.

Schriſtten ſollen richten / vrteilen vnd erwecken / ſein vnd bleiben / Mit welcher / ſo vorgefallene Streit vnd zwispalt obereinkomen vnd zuſam ſtimmen / ſie es für recht vnd gut *approbiren* vnd annemen / Wo aber nicht / für falſch vnd vnrecht *reyciren* vnd verwerffen ſollen. Gott der **H E R R** erhalte es gnedig / vnd bezal den fromen **S**hur vnd Fürſten / beneben den Herrn **T**heologen / vnd allen die daran gearbeitet haben / vnd es haben fördern helffen / ire mühe / arbeit vnd **V**eterliche vorſorg / inen vnd iren Nachkomen / an Leib vnd **S**eel / hie zeitlich vnd dort ewig / reichlich vñ vielfeltig.

Ob nu wol der **T**euffel vnd ſein anhang wider diſ Buch vnd die ganze **L**ere **L**utheri ſelbſt / gewüthet vnd getobet / viel gewölicher **S**chmehkarten dawider ausgeköet / vnd nichts vnterlaſſen / (wie es auch anſenglich dem Herrn **L**uthero vnd ſeiner **L**ere ſelbſt geſchehen) auch noch nichts vnterleſt / wie ſie nur diſ **C**oncordien werck möchte hindern / Hat es doch / **G**ott lob / einen ſolchen fortgang gehabt / das erſ nicht hat thun können / Damit dem **G**ott der **H E R R** reichlich tröſtet / das er ſein Wort vnd die reine **L**ere wider allen anſtoß / ſauſen vnd prauſen des **T**euffels erhalten wil vnd kan.

Derentwegen wenn nu ein **C**hrift ſihet / das es nie dem lieben wort **G**ottes ſchier gar auff die neig vnd

vnd heseu kompt/vnd das merdar ein Verfürer nach
 dem andern einschleicht / vnd offtermal schemet / als
 würden wir ganz vnd gar drumb komen/der verzwei-
 fele vnd verzage nicht/ Sondern gedencke an vnsern
 Herrn vnd Vater Doctor Luther / vnd tröste sich /
 wie Gott seine Lere wunderbarlich durch in wider
 auffgericht vnd erhalten/Vnd gedencke auch an diese
 vnserre *FORMVLAM CONCORDIÆ* / wie
 Gott seine Allmacht / Weisheit/ Gnad'vnd Barm-
 hertzigkeit so reichlich bewiesen hat / dancke im dafür
 von hertzen / vnd lasse sich niemand dauon abhalten
 noch abschreckē. Er bitte auch Gott das er solche Lere
 erhalten wolle / Ehre vnd liebe die / so darüber
 gestritten / vnd dieselben noch vertei-
 digen / so wird es keine
 not haben.



Enlich aber / damit jederman desto bessern /
 warhafftigern vnd gründlichern bericht von
 der Augspurgischen Confession / vnd der ist da-
 raus newen gegründeten vñ auffgerichteten *FORMV-
 LA CONCORDIAE* / mit was gelegenheit vnd zu
 welchem ende diese 2 Christliche nödtige vnd nützliche
 Bücher gemacht / angenommen vnd erhalten worden
 sind / haben mügen / seinen Christlichen glauben damit
 zu vorgewissern vnd Christlich dauon zuhalten / Wil-
 ich zum beschlus die Historien in eine summa zusamē
 fassen / vnd alles kürzlich widerholen / wie folget.

Nach dem der Allmechtig barmhertzig Gott in
 diesen letzten zeiten / aus lauter gnad vnd barmhertzig-
 keit / das Liecht seines heiligen Worts vnd seligmach-
 enden Euangelij aus dem aber glaubischen Finsternis
 Deuschlandes / durch den theuren vñ werden Man
 Gottes / Herrn *Doctorem Martinum Lutherum* (seligen)
 widerumb hat angezündet / scheinen vnd leuchten
 lassen / Ist solche reine Reformation von dem gegenteil
 vñ feinden Götlicher warheit / als bald für eine newe
 Lere geachtet / auch als ob sie dem Wort Gottes vnd
 Christlicher ordnung hefftig zu wider angezogen / dar-
 zu mit vnermeslichen Calumnien vnd aufflagen be-
 schweret / vnd dadurch die reine Kirche Gottes hin vñ
 wider mit grossen anstos jemmerlich zurrissen wor-
 den /

den / wie bisher aus der Historia des Herrn Lutheri
gnugsam hat können erkandt werden. Derwegen
die Christliche Schur vnd Fürsten vnd stende / welche
damals die reine Lere des Euangelij angenommen / aus
frem von Gott befohlenen vnd tragenden Ampt / ab-
len vleis vnd sorg angewendet / das denselben einge-
füreten / vnd je lenger je mehr einschleichenden falschen
Leren gewehret / vnd die Christen auff rechter bahn
erhalten würden.

Gleich wie aber in der ersten Kirchen vnd zu der
Apostel zeiten / da falsche Lere vnd Ketzerey eingeris-
sen waren / wider dieselbe Symbola / das ist / kurze
runde bekentnis / als nemlich das *Symbolum Aposto-
licum*, *Nicenum* vnd *Athanasianum* gestellet / vnd für
den allgemeinen Christlichen Glauben vnd Bekent-
nis der rechtgleubigen vnd warhafftigen Kirchen
gehalten wurden / (Dieweil zu gründlicher / besten-
diger einigkeit in den Kirchen für allen dingen von
nöten ist / das man einen Summarischen einhelligen
begriff vnd form der Lere aus Gottes Wort zusam-
men gezogen habe / darzu die Kirchen / so der war-
hafftigen Christlichen Religion sind / sich bekennen :)
Also haben dazumal die bekennen vnd annemer des
heiligen Euangelij durch antreibung des geists Got-
tes / vnd durch hülff vnd mittel des Herrn Luthers
seliger

seliger/bey den eingefallenen falschen Lehren vnd Irrthumen im namen der Kirchen auch gethan / vnd sich mit Herzen vnd Munde erkleret.

Vnd weil sie keine sonderliche vnd newe bekentnis des Glaubens vnd Lere machen vnd annehmen wolten / haben sie beneben der heiligen Schrifft die ijtz angezogene drey Symbola der Apostel vnd alten Kirchen approbirt / angenommen / vnd sich auff dieselben referiret / weil sie auff Gottes wort des alten vnd neuen Testaments / vnd auff die lere / welche der Herr Christus sie selbst geleret / geprediget vnd hinder sich men gelassen hat / gegründet / vnd kürzlich daraus zusam gezogen sind / dabey man billich vnd sicher bleiben / vnd drüber halten sol vnd kan. Jedoch damit sie auch / besonders wider das Bapstumb vnd desse falschen Gottesdienst / Abgötterey / aber glauben vnd andere Secten / so damal eingerissen waren / vnd in der Kirchen Gottes im schwang giengen / alle fromme Christen warneten / sich von solchem grewel absonderten / vnd ires Glaubens kurze bekentnis theten / darin die allgemeine Summarische lere aus Gottes Wort zusamen gezogen were / vnd darzu sich die Kirchen der warhafftigen Christlichen Religion bekennen möchten / Haben sie auff des grossen Reichs uersammlung zu Augspurg Anno 1530 eine schriftliche

liche Confession aus Gottes wort / durch den Herren Lutherum stellen lassen / vnd dieselbe dem Keyser Carolo V. vnd dem gantzen Römischen Reich oberantwortet / darinnen sie lauter vnd rund jr Christlich bekentnis gethan / was von fürnemesten Artickeln in der Christlichen Euangelischen Kirchen solte gelernt vnd gehalten worden / Vnd also dieselbe sampt der *Apologia* für jr domals Symbolum übergeben vñ erkennenet / welche man in den reinen Kirchen vnd Schulen allweg für die Summa vnd inhalt der Christlichen Lere / welche Doctor Luther in seinen Schrifften aus Gottes wort wider das Bapstumb vnd ander Secten statlich ausgefüret / vnd wolgegründet hat / annemen vnd halten / vnd nach welchen alle andere Schrifften / wie fern sie zu probieren vnd anzunemen / geurtheilet vnd regulirt werden solten. Zu welcher Bekentnis sich denn auch folgendes viel Kirchen vnd Schulen wider das Bapstumb vnd allerley Kotten bekennenet / vnd beruffen haben / vnd die darinnen begriffene vnd in Göttlicher Schrifte wolgegründete / auch in den bewerten alten Symbolis kurz verfaßte Lere für den einigen alten erstrittenen vnd widerholten Consens erkand / fest vnd bestendig behalten.

Vnd ist solche Lere nachmals Anno 1537 in
 R den

den Schmalckaldischen Articckeln / so zu Mantua auff das Concilium hetten sollen vberantwortet werden / widerholet vnd erkleret worden.

Ob aber wol nichts nühers gewesen / denn das solche Lere allzeit also rein vnd rechte von menniglichen wer angenommen vnd erhalten worden / So hat doch der Teuffel / aus verhengnis Gottes / wie zu aller vnd jeder zeit geschicht / seinen Samen dazwischen geseet / anfenglich die herzen der Menschen verstocket / vñ sie geblendet / das sie dieselben nicht haben wollen annehmen / Darnach falsche Lere ausgesprenget / schedliche vnd gefehrliche Irthumb erreget / das reine Wort Gottes damit zuuerfalschen / vnd das heilige Euangelium zuuerhindern / das auch Christliche vnd löbliche Sberkeit verursachet / darüber zu Franckfurt am Meyen Anno 1558 / bey der damals fürgestandenen gelegenheit des gehaltenen Churfürsten tags / eines abschieds zubereden / vnd sich dahin verglichen / das man in gemeiner versammlung von Sachen / die von den widerwertigen vnd der reinen Lere Feinden zum ergsten gedeuetet worden / notdürfftig vnd freundlich sich vnterreden solte. Darauff auch folgendes zur Naumburg ein tag angesezet vnd erfolgt ist / da solche Augspurgische Confession an die hand genommen /

nomen / vnd dis Christlich bekentnis einhellig wider-
 holet vnd vnterschrieben worden / Der vrsach vnd
 meinung / das man keines wegs gesinnet / einige an-
 dere oder newe Yere anzunemen / zuuertheidigen / oder
 auszubreiten: Sondern die eingefallenen Zerrthumb
 in denselben auszurotten vnd auszuschzen / vnd bey
 der einmal erkanten vnd bekanten Warheit zu blei-
 ben vnd zuuerharren / zuuersichtiglich / Es solten
 nicht allein dadurch die Widersacher der reinen Euan-
 gelischen Yere von irem erdichten lestern vnd verun-
 glimpffung abgestanden / Auch andere dadurch er-
 innert vnd angereizet worden sein / der Warheit
 Göttlichs Worts on ferner Disputation vnd Ge-
 zenz Christlich zu glauben vnd dabey zu bleiben.

Aber diese erklerung vnd widerholung alles
 vnd voriges Bekentnis / hat bey den Widersachern
 wenig gegolten / noch dadurch die rechte Kirche der
 ausgesprengten beschwerlichen nachreden erlediget /
 Sondern es sind von jnen solche wolneinande hand-
 lung nachmals dahin verstanden vnd gedeutet wor-
 den / als solte man des Christlichen Glaubens / vnd
 der waren Religion so vngewis sein / das man nicht
 wüste / welches die rechte Augspurgische Kon-
 fession were.

Za es ist auch dieser vnrath dazu komen / das
 eins teils Theologi/ von etlichen hohen vnd fürnemen
 Artickeln/als von dem heiligen Abendmal / vnd was
 darzu gehörig etc.abgewichen/ vñ denen einen fremb-
 den verstand anzudeuten / ire Irthumb / vnter den
 worten der andern Edition der Augspurgischen Con-
 fession zuuerstecken / zuuerbergen/vnd solches in öf-
 fentliche Schrifften vnd ausgegangenen Druck den
 einfeltigen Leuten einzubilden / sich vnterwunden /
 Daraus denn beschwerliche vnd schedliche spaltung
 in den Kirchen Augspurgischer Confession entstan-
 den/wie solchs nicht vnuerborgen.

Dierweil denn nu die vorgemelte zu Franck-
 furt am Meyn vnd Raumburg auffgerichte vnd
 wolgemeinete abschied / nicht allein das begerte en-
 de der Christlichen einigkeit nicht erreicht: Sondern
 dieselbe auch von etlichen zu bestetigung vnd einschie-
 bung irer irrigen Lere haben wollen angezogen wer-
 den / vnd es von tag zu tag / je lenger je mehr einge-
 rissen / da doch dadurch einige newe falsche oder ir-
 rige Lere einzufüren/zu beschönnen/zu bestetigen / vnd
 von der Anno etc. 30 Augspurgischen Confession im
 geringsten abzuweichen / niemals gemeinet vnd vor-
 genommen worden.

So hat der Durchleuchtigste / Hochgeborne
 Churfürst zu Sachsen / Herzog Augustus etc. vn-
 ser gnedigster Herr / nicht vnterlassen / auch keine ko-
 sten noch mühe gespartet / Sondern mit allem vleis
 vnd ernst dahin gearbeitet / das ermelte ergerliche
 spaltung widerumb zur Christlicher vergleichen ge-
 bracht werden möchten / Wie die Torgische seiner
 vornemen Theologen vnd Gelerten versammlung
 vnd handlung Anno 1574 bezeugen / da billich dem
 Irrthumb durch die Artickel in der Lere vom heilli-
 gen Abendmal / vnd andern verfasst / hette genzlich
 sollen abgeholfen werden. Ist aber auch nicht ge-
 schehen / Sondern es haben etliche vnter den Theolo-
 gen / ire opinion vnd heimlichen irrigen verstand / also
 geschmücket / bementelt vnd beschönet / vnd eine solche
 gestalt geben / das mans auch fast nicht hat mercken
 noch verstehen können / das es vnrecht / vnd vnter
 solchen glatten / geschmücten vnd scheinbarlichen
 worten eine schedliche giftt verborgen sey / bis so lang
 Gott der Allmechtig / der nicht lenger hat können zu-
 sehen / noch solchs leiden / iren Rath vnd vornemen
 entdeckt vnd der Sachen zu grunde geholfen.

Darumb sind Anno 1576 widerumb gen
 Torgaw / nicht allein dieser Lande Kirchen: Sondern
 auch

auch andere ausländische/reine/vnuerdecktliche/geler-
te Theologen Augspurgischer Confession erfordert
worden / denen ist die eingerissene Spaltung vnter-
handen gegeben / solche nach der Regel vnd Richt-
schnur Göttlichen Worts zuentscheiden / auff das in
Kirchen vnd Schulen widerumb eine beständige/
Christliche vnd Gott wolgefellige einigkeit angestellt/
durch Gottes hülf erhalten / vnd auff unsere Nach-
komen gebracht werden möcht / Darzu Gott seine
gnad reichlich verlihen hat.

Darauff denn der Churfürst von Sachsen etc.
die Landstende / im Monat Februario des 1579
Zahrs/gen Torgaw in guter anzal zusammen beruf-
fen/ men auff etliche gestalte Artikel eine verfaßte
Schrifte ablesen lassen / vnd darauff jr Rathsames
bedencken erfordert vnd eingenomen / welches men
auch beliebet / sie es approbirt vnd angenommen ha-
ben.

Als man nun befunden / das solches alles
Christlich / vnd zu ausbreitung des reinen vnuer-
fälschten Worts Gottes / zu erhaltung Christlicher
beständiger einigkeit / vnd zu beförderung guter Zu-
cht vnd Erbarkeit in Geislichen vnd Wellichen
Sachen nützlich vnd notwendig / Hat besonders
der

der Churfürst zu Sachssen etc. neben andern Christlichen Chur vnd Fürsten im zum höchsten angelegen sein lassen / Damit gedachte Christliche erklerung der eingefallenen Streitigen Religions Artickel mit der Repetition vnd widerholung der alten/ersten/vnuerenderten Augspurgischen Confession / sampt derselben *Apologia* allermenniglich / vnd der ganken Christenheit offenbar gemacht / vnd mitgeteilet würde / auch alles / so hier zu gehörig vnd notwendig in gute Ordnung zusammen fassen / vnd in ein Buch / die *FORMVLA CONCORDIÆ* genand / bringen lassen / welches hernach etlichen vielen der Augspurgischen Confession verwandten Chur vnd Fürsten vnd Stenden zugesand/vnd begert worden / das sie solches durch ire Theologen durchlesen / nach der Richtschnur Göttliches Wortes in Christlicher andacht erwegen / vnd ire Christliche meinung vnd gutdüncken davon sagen wolten. Welches sie denn auch / nach dem sie es dem Wort Gottes / vnd der Augspurgischen Confession gemess vnd gleichförmig befunden / frehwillig / mit wolbedachtem vnd danckbarem Gemüt erkand / angenommen / approbirt / vnd solches mit Herzen / Mund vnd Hand öffentlich bezeuget.

Welche

Welche Christliche vergleichung in gemein a'ler vnd jeder diese Lande / vnd der Augspurgischen Confession verwandten Kirchen vnd Schuldienern einmütiges vnd einhelliges bekentnis heist / ist / vnd bleiben sol / Damit man endlich nach so vielen eingerissenen Irrthumen / erregte ergernis Streit vnd langwirrige Spaltung / eine Christliche erklerung vnd vergleichung aller eingefallener Disputation im Wort Gottes wol gegründet / haben möchte / nach welcher die reine Lere von der falschen erkand vnd unterschieden werde künfte / Vnd den unrühigen zänckgirigen Leuten / so an keine gewisse form der reinen Lere gebunden sein wollen / nicht alles frey vnd offen stunde / wes gefallens ergerliche Disputation zu erwecken / vnd vngereimte Irrthumb einzuführen / vnd zuuerfechten / daraus nichts anders denn trennung vnd verfelschung der Lere vnd verlierung der reinen Wahrheit / erfolget / Wie bisher leider geschehen.

Damit sich aber durch die Widersacher vnd halsstarrigen / vngegründete verleumdunge niemand dürffte irr machen lassen / Sondern jederman eigentlich vnd gründlich möchte berichtet werden / Welchs dieselbe Christliche Confession sey / dar zu sich bisher die Kirchen vnd Schulen dieser Lande / jeder
zeit

zeit bekennet vnd beruffen / vnd bey welcher sie nach-
 mals/nach verleihung Göttlicher gnaden / zu bleiben
 gedencen/hat viel vñ hochgedachte Christliche Gott-
 selige Oberkeit sich einig vnd allein zu der Augspur-
 gischen Confession/so anno etc. 30. Carolo V, vberge-
 ben/wie die in irer (Seligen) vorfahren / die es Carolo
 V. oberantwortet / Archiuen fürhanden gewest / vnd
 darnach mit dem rechten dem Keyser vbergebenen Ori-
 ginal / so in des heiligen Römischen Reichs verwa-
 rung geblieben/durch wolbeglaubte Leut mit grossem
 vleis *Collationiret* / vnd allenthalben gleicher meinung
 befunden vñ zu keiner andern bekennen wollen/Auch
 der vrsachen solche domals vbergebene Confession /
 in die *FORMVLAM CONCORDIÆ* einuorleiben
 lassen / auff das menniglich sehen müge / das in die-
 ser Lande Kirchen vnd Schulen keine andere Lere
 sol geduldet werden/denn wie aus heiliger Göttlicher
 Schrift / dieselbe zu Augspurg ein mal bekant wor-
 den/darüber auch bestendig/steiff vnd fest / nach ver-
 leihung Göttlicher krafft/sol gehalten werden.

Mügen also die Widersacher sehen vnd erken-
 nen/das man durch dieses Concordien werck nichts
 neues oder vnrechts anseheth oder suchet/oder/wie sie
 fürgeben / das man gleich als des Christlichen glau-
 bens

bens vngewis / fast alle Jar eine newe Confession machen: Sondern das dadurch die alte / reine vnd rechte Lutherische Lere wider herfür gesucht / dieselbe deutlich vnd klar sol gelert vnd gepredigt werden / vnd das wir von der einmal erkanten vnd bekandten Göttlichen Wahrheit / die in der heiligen Schrifft gegründet / vnd in den dreyn Symbolis / der Augspurgischen Confession / vnd der darauff erfolgten *Apologia*, in den Schmalkaldischen Artickeln / vnd in dem grossen vnd kleinen *Catechismo Lutheri* begriffen ist / gar nicht weder in *Rebus* noch in *Phrasibus* abweichen / Viel mehr durch die gnade Gottes einmütiglich dabey zuuerharren vnd zu bleiben / auch alle Religions streit / vnd derer erklerung darnach *reguliren* vnd entscheiden / Darneben auch mit allen friedliebenden vnd rechtgleubigen Christen in gutem fried vnd einigkeit leben sollen vnd wollen.

Wenn nu die *Widersacher* vnd *Clamanten* / die diesem *Concordien* werck heimlich oder öffentlich nicht gut sein / vnd dawider schreiben / schreiben vnd lestern / solchs also bedechten / das Buch mit rechtem Christlichem gemüt vnd friedliebenden herzen / in andacht / nach Gottes wort lesen vnd erwegeten / würden sie wol eines andern gesinnet werden / es für Christlich vnd nützlich erkennen / Gott vnd allen die daran gearbeitet / von herzen dafür dancken. Wem

Wenn man aber mehr auff die *Personalia* denn auff die *Realia* sehen/ vnd das Buch selbst weder lesen/ noch/ was damit gemeinet/ verstehen wil/ wird es kaum geschehen. Denn der meiste teil etlichen Personen/ entweder zugefallen oder zuwider/ solches *impugniren*/ vnd sich dawider legen/ Das Werk aber an jm selbst können vnd vermögen sie nicht zu tadeln noch zuwerffen: Do man doch in diesen Sachen in keinem wege/ weder auff irgend eine Person/ wer sie auch sein mag/ noch sonst auff etwas anders/ Sondern allein auff die Lere/ oder auff die Hauptsache/ vnd auff das Werk selbst sehen/ vnd dasselbe nach der vnfeilbaren Regel vnd Richtschnur Göttlichs worts verstehen/ deuten vnd erklären sol. Wie auch der Apostel Paulus vns leret: Wenn auch ein Engel vom Himmel keme/ vnd vns ein andere Lere oder Euangelium brechte/ sollen wirs doch nicht annehmen.

Ihr viel werden auch gefunden/ die solch Buch verwerffen vnd dawider schreien vnd reden/ welches sie doch jr tag nicht gesehen noch gelesen haben/ begehrens auch noch nicht zu lesen/ Sondern die da nur andern/ welche es verachten/ vñ dem zuwider thun/ nach folgen/ vnd jnen anhängen/ Dencken/ weil dieselben es tadeln vnd verwerffen/ es müsse auch also sein. Vnd

wird auff solche weis der hauffe der verechter mer gröffer.

Aber sag mir einer / Sind solche nerrische Leut nicht gleich den blinden / die da viel von der farbe vrteilen oder verstehen wollen / vnd doch nicht sehen können ? Oder den Tauben Leuten die nicht hören / vnd doch viel von dem klang oder laut sagen vnd vrteilen wollen ? oder aber sind sie nicht fast (das ich ein solch kindisch oder lecherlich Gleichnis gebe) der Betwirin gleich / welche gegen irer Nachbarin die warme Semmeln mit Butter lobete / das es so eine gewaltige gute Speis solte drumb sein / die doch ire tag keine gessen hatte / Sondern nur von einer andern Betwirin gehöret / das sie wol schmecken solten / so doch auch die selbst keine gessen / sondern es andere hatte sehen essen / Daraus sie hatte künmen abnemen / das sie gut weren / weil sie es andere hat sehen essen. Vnd zwar diese Betwirin mag auch nicht allzu sehr geirret haben / Es mügen die warmen Semmeln wol gut sein vnd bleiben / man esse / höre oder sehe es gleich.

Nicht aber ist also mit der Speis Göttlichs Wortis vnd der heiligen Schrifft. Denn wenn man da etwas loben oder taddeln wil / so mus mans zuuor selbst gelesen / gehöret / gründlich verstanden / vnd gewis erfahren haben / Ohne das sol man nichts anmen
men

men noch verwerffen. Mit der *FORMVLA*
CONCORDIÆ gehet es jzt auch also zu / wie
 mit der Bewrin / wie newlich gesagt: Viel reden
 spöttisch vnd hönisch dauon/vñ wollens weder hören
 noch sehen/Wenn man sie aber fragt / was denn vn-
 recht darinnen sey / vnd warumb sie es verwerffen:
 Sagen sie/sie habens selbst nicht gelesen/sondern von
 andern / die auch nicht viel dauon halten/es gehöret/
 das nicht alles recht sein sol.

Ob aber das Christlich vnd recht sey / geb ich
 einem jeden verstendigen vnd fromen Christen zue-
 erkennen. Wenn solche Leut es für die Hand nehmen/
 es lesen / vnd nach der Norma der heiligen Schrifft
 in andacht erwegeten vnd verstünden/ auch recht se-
 hen/was darinnen/vnd wie es gemeinet were / wür-
 den sie es wol nachlassen / vnd auff den rechten weg
 komen.

Doch wie dem allen/ es mag ein jeder auff sein
 ebentheur / schmeihen lestern / schelten vnd fluchen/
 wenn vnd was er wil / vnd mag thun was er nicht
 lassen kan / so wird dennoch Gott vnd die Wahrheit
 für men wol bleiben. Je mehr sie es gedencen vnter-
 zündrücken vnd zuerfolgen/je mehr es sich wird aus-
 breiten/an tag kommen vnd zunemen / Wie es je vnd
 S 3 allweg

allweg auch anfänglich mit Doctor Luther geschehen. Sie werden sich selbst vnd sonst Niemand anders am meisten betriegen / vnd wird men von Gott nicht vnuergolten bleiben etc.

Hilff du heilige Dreyfaltigkeit / Gott Vater / Sohn / vnd heiliger Geist / das ein jeder solche wolthat erkenne / vnd gieb Gnad / das wir alle nicht allein in diesem Leben / bey des Herrn Lutheri rechten Lehr bestendig bleiben / Sondern auch in jenem Leben / bey dir HERR Jesu Christe / die wir dich mit solcher Lehr ehren / bekennen vnd dir glauben geben / in alle Ewigkeit sein vnd leben / dich selbst vnsern Himmlischen Doctor / hohen Priester vnd SeelenArzt sehen / hören / vnd die rechte Wahrheit in jener ewigen hohen Schul / vnd Himmlischen Vniuersitet mit allen außerswelten vnd gleubigen / von dir lernen vnd verstehen mögen.

Bring

Bring auch auff rechten weg/ vnd be-
kehr die/ so zubekeren sind/ Die Halstarr-
gen aber vnd vnbusfertigen / las in irer
bosheit zu schanden werden/ vnd vertilge
sie/ auff das sie nicht vnruhe/ spaltung vñ
zertrennung in der Christlichen Kirchen
anrichten / deinen Weinberg verwüsten/
fromme. Herzen ergern vnd versüen/ da-
durch dein heiliger Name entheiliget/ vñ
dein Reich gehindert wird/ Sondern ver-
leihe/ das wir alle in guter ruhe vñ einig-
keit Christlich vnd friedlich mit einander
leben/ dich den ewigen Allmechtigen wa-
ren Gott recht erkennen/ anrufen/ loben/
ehren/ preisen/ vnd das ende vnser glaubens/
Nemlich der Seelen heil vnd Se-
ligkeit dauon erlangen mögen / vnd sol-
ches alles vmb deines heiligen Namens
ehre willen / A M E N.

A 920867

Faint, illegible text, possibly bleed-through from the reverse side of the page.